


YIKĀ
QĀYĪLELAS WŪTLA SA
APOSTLES.

THE ACTS OF THE APOSTLES

TRANSLATED INTO THE

KWĀGŪTL LANGUAGE,

NORTH OF VANCOUVER ISLAND.



by
(Alfred James Hall)

LONDON:

PRINTED FOR THE

BRITISH AND FOREIGN BIBLE SOCIETY.

1897.

YIKĀ

QĀYĪLELAS WŪTLA SA APOSTLES.

CHAPTER I.

YIKĀ gilh ide un ƙiātī wātldumā, Ade Theophilus, qāqīx-āl lākā nāhwūtla ukēs Jesus glū kākūklāma zums.

2 Lāga āklil lākī da nālā, yik lāh dum ūtlas dāgūstū yau, ātlākāwī sīs la īnāyī zaw sīs wātldum ī yisa Holy Spirit lākī da apostles yikīs la qayū kās yālākum hī-lauk-stāyā.

3 Yik dāk̄wuk le kād nītl-īda-ā tsīks qilā-ī ātlākāwī sīs lā-īnāyūtl ƙilākia sa wa, yis kīnum ī māmātltīkī dūqītl dāk̄ws lākīs nītl-nītla īnāyī lāh dāk̄wuk kī da mūskum gūs tau nālā, glūks qāqīx-āla ī lākā nāhwe hus kā gīkāsa sints Ike Gīkumī ;

4 La qazītl glūk dāk̄wī, la nīk kā kīs dāk̄wis bos Jerusalem, au mīs ek um īsātl kā ī da zūqagālum ūtla sī da Ump, yikī da, lākīs nīkīnāyī la mūs wuglitl dāk̄w um gākun.

5 Kā John aulā um baptize yisa wāp, lā glā tākl-ts baptize zuq klisa Holy Spirit kīs klā kīpun hwas nālā-kl.

6 Hī mīs lāh dāk_wītł-ts, yīks gāk dāk_wa ī kāpīkau, wūklāk, nīkia, Gīkumī, la mas wegikl itumzūd kla k_a gīkāsī lāk Israel ā.

7 Au mīs nīk lāh dāk_wwuk, kīs k_a sū wīs kauklila k_a qāyīlelas dum gla wa qayunk, yīk kīadīsaya sa Umpā lākīs hus māk qayū kās qāyīlelās.

8 Lāh dāk_w glā tā klis lokluk tloqīmas, kū gāk klī da Holy Spiritā lūkl, we lāh dāk_w klis kālāgīla mas klin lāk Jerusalem glū lāk wāzakāsas Judæa glū Samaria, lāga ā umkl lākī da qīqīsāla klayā lāk_wā nāhwāk awī-nāgwīs.

9 Wa gil mīs qātł nīk sīk, yīks dūqātłāk dāk_wa ī, la dāgūstūyau; la ās lālākā k_a unwāyī, lāh dāk_w kīyo pātł tūk.

10 Wa yīks lāk dāk_wa ī dūqātla kias k_a īkī, lākīks la ī lāgūstaulā, dok, mālūq bībagwānum glāk-gla-wīs lāh dāk_wwuk, mulīs kūk_zauyī;

11 Yīkā nīk, yūkl bībagwānums Galilee, mā zīs glāk-gla-wīs dāk_wītłā dūqātłā k_a īkī? yīk Jesus, yīkā le dāgūstūyū lāh dāk_wūkl lā lākā īkī, hī um kād gāk klī hī qīh-īd klīs dūqila inā yūsā kī lāgūstaul lākā īkī.

12 Wa lāh dāk_w āīdaākā lāk Jerusalem geh-īd lākā nuge glīkādīs Olivet, yīkā nuhwātla lāk Jerusalem, k_a sunū klilā sū was wālātla ā s_a kūk sabbath īk nālā.

13 Gilh dāk_w mīs gākīkla, lāh dāk_w

lāgūstau lākā iḱiāzīlītli, yik uk-ās dākwas yik Peter glū John, glū James, glū Andrew, Philip glū Thomas, Bartholomew glū Matthew, James kwanūqas Alphæus, glū Simon kā Zealot glū Judas kwanūqas James.

14 Gāh dāk w um numāla hīmunātla um hawākulā, gla wī da zīdāk, glū Mary yik abumpas Jesus, glū zāzayes.

15 Hī mīs lāh dums Peter glāk-wālītli lāk nukukaya sa numīmā, kās nīkī (kīnumī da bagwānum kāpīkautla lākīnda kunt hī mī sa mātli tsum gūs tau).

16 Nātl-numwiyūt, ḱisūgwītla wīs īs hī-um qelī wātldum a sa ḱiāduq yik yākugālum ūtla sa Holy Spirit yīs simsas David wūtla qāqīx-āl lāk Judas, yikā kākālākih dākwa sa uk-īdih īdek Jesus.

17 Kā īks hūzakayik de gākunts, glū lo-kl kīs husāk lākunts aāksīla sa wīk.

18 La mīs lo-kl kā awīnāgwīs yīs qenumā sīs yegitlā ī, la glāgitl-tūsā qix ī tukih des gāk yumtliwilsī yākia-gītlas.

19 Wa la kauglitl tsa nāhwā gūqil lāk Jerusalem, la glīkula sa wī da awīnāgwīs lāk yākundas dākwas yīs Akeldama, yikā nīkī, yikā awīnāgwīs as ulqā.

20 Kā īks kiātātla mā ī kiāduqā sa zilwāk-klin, wīga hyī uk-āsasī lūbīsā, glū kīyos bagwānum hī gāk lī; yik iāk-īnāyas wīga hyī ūgwilī uk-īdek.

21 Lā gītł klisī da gāyūtł kla lāk_wā bība gwānum i_k kupetla gla wunts lāk_w wāwāsdum ūtlas Gīya ī Jesus lelelagilis gīgilkī gāk_wunts,

22 Gegiklil lāk_w baptizīnā yūtlas John, lāga-āklil lāk_wā nālā lāh dum as dāgūstūyū gāk_wunts, kīsā la sints kīs dokūduk_w numūqa kā lā kālāgīla mas gla wunts yīs qilāh-īda ināya sī.

23 Wa lāh dāk_w dokūd k_wā mālūq, Joseph glīkādis Barsabbas, yik_wā aulāk_w-klelek_w Justus, hī mī sī Matthias.

24 Wa lāh dāk_w hawāk_wulā, nīkia, Yūkl Gīkumī, yūklāks kauklilā ākūsāk_w nīnaukāyas nāhwā bagwānum, wīga nītla sīs le ūs qayū lāk_w gada mālūqik.

25 Kā uk_w-īduk_w glāk_wwātla ās de sī lāk_wunuh aāk_wsīla sū wī yik_w le qigiklilāts Judas kās le lāk_wīs hus mākī qayū kās la-āsa.

26 Wa lāh dāk_w kākūtł-āklilā sī da lot, lī da lot nukā lāk_w Matthias, wa la hūzakundāyū lāk_wā numūgwagiyū apostles.

CHAPTER II.

WA gil mīs nāle sī da Pentecost gāk_w-āklila, lah dāk_w nāhwā um kupetla lāk_wā numzākītł.

2 Wa ūdāh idā mī sa gāka gāya-nāqil

lākā ikī hī-kiāl hī qīx ā tloqīmas yaula, kā lā kūtih-id lākā gūq qazīlas dakwas.

3 We hī mīs gāk nītl īda ātsī da hī qīx hyīhyīk unālī gwīl nāqīl lah dākwwuk ikuk klīlābindālāk.

4 Wa lāh dakw nahwa um kūtih-id kā Holy Spirit, wa la yaīkugātl tsa ūgwila um yakundāsa, lākīs la īnīh dakw yākuntāla mas tsū sī da Spirit.

5 Wa lā tā gūqīl lak Jerusalem Jews, aula kiāl ek bībagwānuma gāyūtl lak nahwa līlqīlākli.

6 Wa gil mī sī da hīkīgātl la wūglitlā gākā ā sa kīnum bagwānum kāpīkau la kūlī-hwīda, kā ī da nahwa bagwanum wūklilah dakw kīks yakuntala ā sīs husāk yākundāsa.

7 Wa la nāhwāk dakw um kāyākā glū kunyāyāla, nīkia, dok, kīsa ik nāhwak dakw um gada yakuntālak Galilæans-a ā?

8 Wa mā zau tints lā-gītla wūklilāk gada nāhwāk bagwanum lākunts nūsī yākundāsa lākunts gāyamūlasī?

9 Parthians glū Medes glū Elamites gla wī da hī gāk lī Mesopotamia, lāk Judæa glū Cappadocia, lāk Pontus glū Asia,

10 Lak Phrygia glū Pamphylia, lak Egypt gla wī da wa-ūq awīnāgwīts Libya lak ukās Cyrene, gla wa gāyūtlī lak Rome, yikā Jews gla wa proselytes,

11 Cretans gla wa Arabians, wūklila mī

gintsāq yākuntāl lākunts nūsī yākundāsa lākā tloqīmas qīgīlatsa Ike Gīkumī.

12 Wa lah dakw nahwa um kunyajas, glū la nūtla, nīnakiaula, māsūk ?

13 Au mī sī da wa-ūq a-umtlā-tlā nīkia, kūtah dakw zūkwā ātl-kīnas wine.

14 Au mī sī Peter, glāk-wila-klil gla wī da numūgwigiyū, hāsila, yāqīgātl lah dakwuk, nīkia, yūkl bībagwanums Judæa, glū nāhwak dakwūkl gūqil lak Jerusalem, wīga hyī gada kālāgīla-mazum lūkl, glū kās hūklīla ūsāk gin wātldumk.

15 Kāks kīsī gas wī-wunātla gada lākīs wūtl mūs nīnķīkayā, dūqilā ma ākūsā kūks hī ma īk ātlī yūdūhw-zā kuklila gīla lāk-wā nālāk ;

16 Ga mī da wātldum ūtla sa prophet Joel ;

17 Hī klī qelā-kl lākī da ātlilksdī kla nīnālā-kl, nīkī da Ike Gīkumī, gwakā klin klā sin Spirit lāk nahwa ulzā : lā klīs bībagwanum ūs gla wīs zīdāk ūs sāsūm ā prophesy-kl, lā klīs iātlūs-tau yūs dūqilā-kl kīs dūqitl kla ; lā klīs qilsqilyāq ūs mī-umkulā klīs mīmķī-kla.

18 Keglā klī glū lā-kl kun hīlūbātl-zanāyī gla wun zīdāk hīlūbātl-zānī lākī da nīnālā kla gwakā klin kla sin Spirit ; lah dakw klī prophesy-kl.

19 Lā klin nītl-īd klīs wun-wun-hyīs kla

laka ikī, glū māmātltīkī kla lākwā bunīk
awīnāgwīs ; ulqā, glū hyīkulā, glū glāh-glā-īs
kla qāhmīs.

20 Pudih-īdā matsū kla klīsila, lā klī da
muqilā ulqsumh-īdā matsū-kl, gāla gīwī klis
nāle sa Gīkumāyī kū gāk-kl, yīkā wālas kla
glū kātla-āq-kl nālā-kl :

21 We lā klī yīk ungwā kla hawāk-
ulā-kl qīkumātlā-kl lākā Ike Gīkumī lā-kl
qāqilaāq-kl.

22 ¶ Yūkl bībagwānums Israel, hūklīlā lāk
gāda wātldumk : Jesus yis Nazareth, bagwa-
num ī ek sū sa Ike Gīkumī lah dakwūkl yisa
tloqīmas qīgīlas gla wa wunwunhyīs ī gla
wa mīmāmātl-tīkīāyī yīkā qainīk de sa Ike
Gīkumī lāk, lākūs nukukīh dakwa kūs, yīkīs
kauglitl dākw mūs.

23 Yīkīs, lā ī zūh-wīdāyau yis qātlila
ma zāzuq wātldum yīk qātlila mūtla naukī
sa Ike Gīkumī, lah dakwus yis āyasau sa
yaīksāmī bībagwānum kayūyūdis glū kīlāga-
qīlāk :

24 Yīk qīlāh-īda matsū wa sints Ike Gī-
kumī, lāinā yas kīngiklilūdīk qīmālas as
wānumgīla ; kā īs kīsāla zīnāyas qiyūl-qīlas
nūq kās kākīa-ānumīs.

25 Kā David yīks nīkia ī qāqīx-āla yaus
lāk, hīmun pātl taula mīk di ga kā Gīku-
māyā ; kā īks hīma ī gāk lin hītl-kiūtl zana,
kun kīsī yāwīhyi-klila matsū wa.

26 Hīmīs lāgītl tsin naukāyī ekīkula, lin kīlum ekī-kāla; la um ka ā wī sin ulzī nukautlā-kl lāk qīqālai-kulā:

27 Kā is kīzīnī klūs kukiā mas-kla kun bahwanāyī lāk Hades, kīs-kl kād zaw-kl tsīs Aekīlāqa ūs Māya-untla kā dūkwāklilī sīk kātl-īdī.

28 Kālāmasa akūsas gākun yis tihyiles qilā; kūtā mas klis gākun klas ekīkula-lazī yīsīs kūqumā yūs.

29 Nātl-numwiyūt, wīga hyin nīk yūkl yisa ūmp wūtla gīkumāyī David, yikīks la mā ūtla hī qīh-īdī glū la um wunum-duqā, kīs mī sī ga-izā sa sī kīyohwīd gākunts gāk-āklil lākwa nālāk.

30 Lāgītl wūtl tsī yīks prophet ā ūtla, glūks kauklila ma ūtla yīks lā ūtlī da Ike Gīkumī kīsa las is hī qelīs wātldum ūtlāk, yikīks qāga-āklilūd ūgwītla ā sa gāyūtla lāk sāsūm klas;

31 Ga mīs qātlila mūtl dūqītl-ts, lā gītl wūtl tsī yākugātla yikīks hiyūgwītla ūtla gak qīh-īdī Christ qilāh-īd itīda, yikīks kīsa ī kukiā lāk Hades, kīs ka is ulzī dūkwāklilāk kātl-īdī.

32 Hī mī sī Jesus qilāgilīsā mātsū sa Ike Gīkumī, yīkunts numāla um kauglitla.

33 Lā gītl tsī yīks la ā lāk hītl-kiūtl zane sa Ike Gīkumī ikīstā matsū sī, glū la lokluk zūqagālūm ūtla sa Umpa ī da Holy Spirit,

lī gwuk-īdis ga, yik gas dūqitl dakw gūs glū wuglitlā.

34 Kā David tāks kisa ā la ikistā lāzaulis lākā ike, au um glatl nīk, hīmā, yik Gīyā nīk kun Gīyā un, qāh-īdā lakun hītl-kiūtl zāna,

35 Kun hī-kl lā-kl tīpdumā gīlā-kl kīs hayūt ūs kā is gūgwa-yūs.

36 Wa wīga hyūk nāhwāk gūqs Israel kautl-āklila kiasa, yikīks la mā ī da Ike Gikumī uke nūqis kā Gīyīs glū kā hī mīs Christ ī, yik Jesus yikīs lah dakwa ūs kīlakia sū wūtl lākā kayūyaula.

37 ¶ Wa gīlh dakw mīs la wūklilā kīk, lah dakw klunk-āklilāqīs nīnaukāyī, la nīkīk Peter gla wī da wa-ūq apostles, nātl-numwiyūt, māsunūh qīh-īda as kla?

38 Lī Peter nīk lah dakwuk, māyātāh dakw laga, glū kās wīga ūs baptize iduk nāhwūkl lāk glīkum as Jesus Christ kā kīyohwīdī sīs yekīnīh dakwūs; lah dakw klis lo-kl kā wākyau ī da Holy Spirit.

39 Kā iks sū ma ā kūs qayū wūtl kā zā-wāts, gla wūs sāsūm ā kūs, gla wī da nāhwe qīsātlā, glū mī da wākaās klas qayaus Gīyā kunts Ike Gikumī kās klīlāla sū kā gāk lākī.

40 Gla wa kīnum wa-ūq wātldums yā-kuntāk nīkia, qāqilah dakw la kūs bībaqīnāyā kūs lākwa kūtlīlāk līlqīlāklaya.

41 Wa lah dakwī da la dādālāk wātldum as baptize tsū wa : wa la āligind lah dakwuk lākī da nāla yūdūh kunt lūksumhīd bībagwānum ā.

42 Wa lah dakw hīmunātla um lāk kākūklāmāzumā sa apostles glū nāmūkiaula, lāk wukie kā qunīq hī mī sīks hawāk-ulā ī.

43 Wa gāka ā sa kitlilā laka nahwa, laka ā kīnum ī da wunwunhyis gla wa māmātlīkī uke sa apostles.

44 Wa lī da nāhwā ūqisa kupetla, wīlā mīs uknūgwād tsa nāhwā ;

45 Lah dakw ka ā lākūd kīs iākīlāq glū māmīkiasā, kās gwītīs laka nahwa, lak wānātla sū wā sa wa-ūq bagwānum a.

46 Wa kūk nīnālāk, hīmunī-klila um numāla lākā umyākulazī, glū wukiā kā qunīq lākīs gūq, lah dāk w ek-kusil humāp kīs humāyī kā īs ekīkulā num um ka īs naukāyī,

47 Zilwākā kā Ike Gīkumī, glū ek sū sa nahwa bagwanum : lā ka ī da Gīkumī āligindā lah dakwuk kūk nīnālāk yisa la qāqilaāqā.

CHAPTER III.

Lī Peter glū John la lāgūstaul lā la ā laka umyākulazī laka la hawāk-ulāh dumā, yikā la nānumā-zākīlā.

2 Wa numūq tī da bagwanum yikā aūza-gīla gegiklil lakīs māyūglumh dum ūtla sīs abump daāqā, yik lā-nāhwā gilga-ulzumk dakws lak tihyile sa umyākulazī, yikā glīkula su was Hyāhyilinūs, kās dākīālī lah dakwī da la-īklila laka umyākulazī;

3 Hī mīs yiks lā ī dūqilek Peter glū John la-īklil laka umyākulazī, dākīgātl kās wāk-īd sū wī.

4 Lī Peter dūduks-unduk, glū John, nīkia, dūk-wīdas gakunūh.

5 Wa la hūklila lah dakwuk, nākīātl kās zaw sūh dākwīs.

6 Au mī sī Peter nīkia, dālā glū gold kīyos gākun; yiglā kun ukī, hīmun zaw yūkl: lak glīkum as Jesus as Nazareth, kās-īdaga.

7 La dāh-īduk hītl-kiūtl zanes kās nīkūs-tūdīk: wa hīhīdā mīs gūgagwayaus glū kākā sīs ka-ātlkūq tloqīmas īda.

8 La dihwilsā, kās glākwilsī, kās kās-īdī; wa la la-īkl glūh dākwī laka umyākulazī, kāsa, dihwa-nāqila zilwā-kutawī kunts Ike Gīkumī,

9 Wa nāhwā mī sa bagwanum dūqilā kīks lā ī kāsā, gla wīs zilwākā ināya kunts Ike Gīkumī:

10 Wa lah dāk w kauklila umk, yikīks hīma ī da qāstaulīs-nāhwak de kā Hyāhyilinūs tihyilā sa umyākulazī: lah dakw kūtāk sīs kunyā-zīnayī yisa la qīh-īdaasuk.

11 Wa lākīs dātla īnāyāk Peter glū John, la ās nāhwī da bagwanum zilh-wīd kāpīkū lah dakwuk, lā kī da awīnāgwītł yikā hus wūtlā lak Solomon, aul kunyasa.

12 Gil mī sī Peter dūqilākīk, la ās yāku-gātł kā kīnum bagwanum, yūkl bībagwanums Israel, mās dakw zīs kunyāyāla gītlas gada bagwānumk? mā sī ka īs dūduks-undih dā-kwītla gakunūh, nūs ta āq munūhwā kī tlāhwī glū kīs aūmzālazī kunūh lāgītla kās-īdā mas kuk?

13 Yik Gīyās Abraham, glū Isaac, glū Jacob, yik Gīyā sints wī-ūmp wūtla, la um ekilā kīs Kwanūqa ī Jesus; yikīs lah dakwūs zawya, glū la hīhwāk lak kūqumāyas Pilate, yiks lā ī tloqīmas nīk kās qītlūdīk.

14 Auh dakw mī sis yaksum kī da Ekiā Numūq ma Nukā de kād, las hī qayū-buziyī da yāksāma bagwānum kā hes la zawe lūkl,

15 Las kilāk-īd kī da Qilāgīle; yik qilāk-īdā matsū wa sa Ike Gīkumī laka tlilī, yikunūh aula kiāla kauglitla.

16 Wa hī mī sī glikuma sī, ūqizīnāyāk glikuma sī la tloqīmas īdā mas gāda bagwanumk, yik gas dūqītł dakw gwūs glū mātł-tītł mā : kegl, yikī da ūqizālaze sī ga kī, la zaw kuk yīs gas la-īnīk hīnūm hītł-tsistā kās dūqītł dakw mūs nāhwā mā.

17 Wa, la mī sin nātł-numwīyūt, kauklilā umks kīsa ā kūs kauklilā kīs qihīdaās ūs, hī

qīx ī kīzīnāya ka ās kauklilīs gīgikumā yūs.

18 Wa yiglā kī da nāhwā yik qātlilā mūtlā nilum sa Ike Gīkumī simzā dūtl tsī da nāhwūtlā prophets, yikīks hiyūgwītla ī qīh-īdī Christ, hī mīs lā qātl-tsīstā mas tsū sī.

19 Wa māyātāk dakw laga kās klāyau ūsā kūs qīxdum ik, kā dīgiklilūd tsu wī sīs yekīnāyūs, kā gākī-kl tsī da hītlilkulāh dum nāhwā kla gāyanāqilā-kl lak ukāsa sints Ike Gīkumāya;

20 Glū kā yālāk-īda mī kla sī yīsī da Christ a, yikī da qātlila mūtlā uke kās gākī lūkl, ya-umk Jesus a :

21 Yikī da le ukūstū-yū lākā ikī, lā-kl getlā-kl lākī lāga-āklilā-kl lāk lāh dum kla nākīs-tundih dum-kl kwā nāhwāk, yik wātl-dum ūtla sints Ike Gīkumī simzād sīs nāhwā ek prophets gegiklil lāk gilgālīs dum ūtla sa bunīk awīnāgwīs.

22 Kā Moses yiks aula ūtla nīk, uke nūq klī Gīyā kunts Ike Gīkumī sīs glākwilisā mas tsū kla kā prophet klūs, gāyūtl kla lāh dakwūkl numāhyīs-kl gla wun, hī mī sis hūklilā sū klī lāk nāhwā kla wātl-dum-īlelā-kl sī lūkl.

23 Wa lā klī yikī da nāhwā kla kīs hūklila-kl kī da prophet kla, kīyo-hwīdā matsū-kl lāk wā līlqilākla-yik.

24 Hī ma ā ka ās qātlilā mūtl wātl-dum
KW. B

sa nāhwūtlā pī-prophet gegiklilā um lāk Samuel glūh dakwī da qāsa-yas klāyū-nāqilāk, yik wākūgwāsa sī da yākugātl nāhwūtlas, nīk mūtl ka ī sūk-da lāk gāk nālā.

25 Yūklāks sāsuma ākūsā sa pī-prophet wūtlā, hī mī sī hawātldum-kaula-yū wūtlā sints Ike Gīkumī gla wunts wī-ūmp wūtlā, nīkik Abraham, we lākī da gāyūtl kla lākīs sāsūm kla ūs ekilā sū gwītł-kl sū-kl nāhwāk līlqilāklī sa awīnāgwīs-ik kā klī.

26 Sū mīs gil sū sa Ike Gīkumī, yiks la ā qilāgilisā mas kīs Kwanūqa ī Jesus, yālāk-īd tsī kās ekilī lūkl, tlūhwināqilā mas nāhwāh dakwūkl kās qātla ūsā kīs yekīnīh dakwūs.

CHAPTER IV.

WA yiks kīs ma ī qītł-ālītł lākīs wātldum ā kā līlqilāklī, gāka ā sī da la-ulbledī, hī mī sī da aāksīle kā hawāk-ulazī gla wī kā Sadducees.

2 Zihyilā-qis kākūklā mazīnāya sī kā līlqilaklāyī, glūks kāla-gīla masa as qilāh-īdā īnaya sa tlilī lāk Jesus.

3 Lah dakw dāga-āklilāh dakwuk, kās wulgalītlik kā he klis lā-kl tlins-klī, kā iks la mā ī kānūkl īda.

4 La mīs gla kīnum ī da gāyūtlī lākī da wuklile kī da wātldum ī la ūqisā; sikiā puna

kuntā lūksumh idī wākūgwāsa sa bagwānum ī.

5 We kī dā la tlinša, la ā sī gīgikūmīh dakwas glū qilsqilyāqas gla wī da kīkīā-tinūk ;

6 Glū Annas yikā gīkumāyī lableda gla wī Caiaphas, glū John gla wī Alexander, hī mī sī wāka ās mā sī da glīglaglaule sa gīkumayī labled, gāk kāpīkū lāk Jerusalem

7 Wa gilh dakw mīs qisum gālītlas lākīs nuka-kīlīt, lāh dakw wuklāk ; māsī tloqīmas zīnāyasī, glū masī glīkum īnaya sīs hī gītīl dakwa ūs qīgīlī ?

8 La ā sī Peter kūtā kī da Holy Spirit, nīk lah dakwuk, yūklāks gīgikumāya ākūsa sūk da līlqilāklāyīk glū wūkl qilsqilyāqīs Israel,

9 Kunūhwū la um lak wuklā sū lak kwā nālāk lākī da ekiā unūh qīhīda-ās kā tlītīl-kinī bagwānum, māsī lāgītīlas ek-īda ;

10 Wīga hyī kālagīla mazum lūkl nāhwā, gla wūk da nāhwāk līlqilāklīs Israel, yīkīks hī ma ī glīkum as Jesus Christ as Nazareth, yīkīs lah dakwa ūs kīlāgiq lākā kayūyaula yīk le qīlāgilīsā matsū sints Ike Gīkumī, hī-mī lāgītīl-ts gada bagwānumk gāk glāk-wumā-lītīl lah dakwūkl ek-īda.

11 Hī um tīsum ī yīkī da kītīdāyau ūsāks gūqīla īk, yīkī da hīmā glātīl la hyūmā sī da ūnūzīksdiyī.

12 Kīyosa ā ka ās qilā gītī ūgwila : kā īks kīyosa ī ūgwil glīkum lāk bunāziyāk sa nālāk zawe lāk bagwānum, lā kunts lāgītī klā qilā-kl.

13 ¶ Wa gilh dakw mīs dūqilāk tloqīmas naukīs Peter glū John, gla wīs kīzīnih dakw kākūkla-āqā, glūks kīyos dakwa ī kauglitlā, lah dāk_w kuny_{as}as, lah dakw kauklila um kīks kupetlāh dakwīk dī glū Jesus.

14 Glūks dūqilah dakw ma ā kā bagwānum yikī da la ek-īdā matsū-wa glā-wītī glūh dāk_wī, kīyos dāk_w qīh-īdaās wātldum nūqik.

15 Gilh dakw mīs gla wekāh dakwuk kā les lāwils ma wīs gla lākā council, lah dakwa ās ā-ūsīlāhīd hāwāklilā-kāula,

16 Nikiā, māzints qīh-īdaās kla kwā bī-bagwānumk, kā īks aula kiasa ās kunyāzīm kīs a-ūmsī qīh-īdaās dūqītī um sā nāhwāk bagwanum gūqil lāk kūk Jerusalemk, lints kīyos qīh-īdaās kīs aulā kāk.

17 We kā kīsī glā sūk hayūtīlīl gwīl-nāqil lāk nāhwā bagwānum a, wīga hyīnts tloqīmas kainātīlāq kā qātīlā gī sūk wātldum nūq sa glīkumk lak numūqa bagwānum.

18 Wa lāh dakw klīlālāk, la tloqālāk ka kīs dāk_wīs itīd wātldum nūqs glū kākūklā mats glīkum as Jesus.

19 Au mī sī Peter glū John nānāk_mī nīk lah dakwuk, wīnī da ekia lak dūqātīlā īnayā

sa Ike Gīkumī kunūh sū wī hūklilāqs, glū kunūh hī mī hūklilā qunts Ike Gīkumī, gwānātlā la.

20 Kā unūh kīyo-zīnāyī qīh-īdaās is yā-kuntāla sunūh la-mūtlā unūh dūqitla hī mī sunūh la-mūtla unūh wuglitlā.

21 Gil gītl dakw mas itīd kainātl idih dāk_wwuk, lāh dakw hītl-_{kuh} iduk kā aulaga mīs lāwilsa, kīyosa ī la khāsū lah dak_wwuk kā sīnā tuk, kā ī da līlqilāklayī; kā ī da nāhwā bagwānum zilwākā kunts Ike Gīkumī kā ī da lā qīh-īdaāsa.

22 Kā ī da bagwānum yīks lā ī kīkāwāyīs la wākāk-un_kīlas lāk mūskum gūstau kwīsa, yīkī da ekīda mazawā sa kīsī a-ūms qāīnāya.

23 ¶ Wa lah dakw lāwilsā mazawa, hī-nāqilāh dakw mīs lākīs wa-ūq, la kāyūhwīdis nāhwā wātldum sa gīgikumayī la-ulbled gla wa qīlsqilyāq lāh dāk_wwuk.

24 Wa yīh dak_wwuk, yīks lah dakwa ī wūklila kīk, hāsūstūd hawāk-ulh-īdik kā Ike Gīkumī numā-_kiāl, nīkia, A Gī, yūklāks uke nūqā ūtlāks sa īkī glū gwāda bunīk awīnā-gwīs, gla wa dums-hyī, gla wa nāhwā hī gāk lī :

25 Yūkl lākī da Holy Spirit hīlaukstāla kunūh ūmp wūtlā ī David kīs hīlūbātl-zāna yūtla ūs, nīk wūtl, māzī tlāwīs gītla sa ātl-ūgwuk-sumāq gla wī da līlqilaklayī wūtl-um nīnkīkulā sa wūtl-mī ?

26 Yik gīgikumā yāks nāhwā awīnāgwīs numākumlīs, gla wa īaāksīla gīgikumī kāpīkū kās yāksamī kī da Ike Gīkumāya gla wīs Christ ā :

27 Kā iks aulā kiasa ās lak gada awīnāgwīs ik yāksum kīs ekia ūs Kwanūqī Jesus, yikīs le us gwukuk-klīla baāqā, wīlh-īdā mā ī Herod āk glū Pontius Pilate, gla wī da ātl-ūgwuk-sumāq, glū līlqilakla-yas Israel, gāk kāpīkū,

28 Kās hī mī qelī qātlilā mūtla qayū sīs āyasū ūs gla wīs naukā yūs kā hayūgwītī qelī.

29 Wa wīga Gīkumī, dūqātlāk kainātlila īnīh dakw gās; kās wīga ūs zawk gas hīlaukstī gūs, kā kīsī sik halāl tloqīmas yākuntā sīs wātldum ūs.

30 Yiks la ā kūs sāh-īd tsīs ayāsū ūs kās hītla ūs; kā iākulā sū wīs māmātl-tīkia-yā glū kunyāzumā qaināya uke lak glīkum ā sīs ekiā ūs Kwanūqī Jesus.

31 Wa gilh dakw mīs qātl hawāk-ulā, la as nitlilsī da gūq yik kāpīkautla ās dākwas; lah dāk w nāhwā um kūti h-īd kā Holy Spirit, wa lah dakw tloqīmas yākuntas wātldum ā sints Ike Gīkumī.

32 ¶ Wa yikī da kīnum ī la ūqīs num mīsī naukāyas, kīyos kād numūq lak nīk hus-um kīs māmīkias, au-um nāhwā um uknūgwād tsīs nāhwā um ukā.

33 Wa lah dakw tloqīmas īda apostles kālā-gīlā mas tsīs dūqila īnāyāk qilāh-īda īnāyas Gīya ī Jesus, la tla-unī da egālazī gāk lāh dāk_wwuk nāhwā ma.

34 Kīyos kād numūq lah dak_wwuk kīs uknūgwāda, kā ī wāka-ās mā sī da īknūgwāde sa awīnāgwīs gla wa gūq, la līlākulāk kās gākīsī da qīko sī da nahwa la lākūyūh dāk_wws,

35 Gīga-lītlilas lāk gūgwayau sī da apostles, hī mīs la gwīlum lākā nātl numūq bagwānum lākīs wānātlā sū wī.

36 ¶ Lī Joseph, yik glikum gīla sū wa sī da apostles yis Barnabas (yikī da yiks lā ī āyūzūdāyau Hāyātlil-kulāyū kwanūq kla) Levite ā, gāyūtl lāk Cyprus, uknūgwād tsa num-zakīs awīnāgwīs, la lākūdik, kās gākī sī da dālā, gīga-lītlas lak gūgwayau sī da apostles.

CHAPTER V.

Lā tā numūqī da bagwānum glīkādis Ananias gla wīs kunum ī Sapphira lākūd kīs awīnāgwīs dī,

2 La ākīla kā wa-ūqī kilūmk dik wīskumāya mas uk, qilāklātlak gla wīs kunum, gāk sa au um gāyūtl lāk, la gīga-lītlas lāk gūgwayau sī da apostles.

3 Aū mī sī Peter nīkia, Ananias, māzī

lāgītla sī Satan kūta lākūs naukayā kūs kās klīlqāla ūsa kā Holy Spirit glū kās qilātl-zinda ūsak la-ūkwā sī da awīnāgwīs?

4 Yīks kīs mīk de sī lā-kā, kīs da ī hūs ma ā, hī mī sīks la ā lā-kā, kīsas sū-um uk-nūgwādis kā hūs-mīs naukayīs qayū lāks de ūs kās qīgīlas ūsas qīkos, māzīs lāgītla uk-īdik lākūs naukāya kūs, kīsa ā kūs hī klīlqāla gītli bagwānum, hī masī da Ike Gīkumī yūs klīlqāla gītla.

5 Wa yīks la ī Ananias wūklilāk gada, wātldumk, la yāk-wālītla lāwe yīs hāsik dī la kitl-īzī kiasī da nāhwā wūklilā kīk.

6 Lī da hiyātl-ā glākūm gilitl kās kunīpī dīk, lah dakw lā-wilsas kās le wunum-tīduk.

7 Wa yīks lā-ākunts yūduhw zā kuklilā gila hī qīh-īda ā-gūtli gaka ā sī kunum as kīyos kauglitl lākī da la qīh īda ā tsīs tlā-wunumk dī, gākīklā.

8 Lī Peter nānākūmīk, nītla laga gākun hī ma ī wākālā-yū wī da awīnāgwīsa ūs la lākūyau, hī da zidāk nīkia, aulamī hī um gāk wākālayū wī.

9 La ā sī Peter nīkīk, mā zīs lā-gītli dakwa qīqākū kās gwānā ūsāk Spirit ā sī da Ike Gīkumī, dok, gūgwayau sa lāk dī wunumtīd kīs tlāwunumk de ūs, hī mīs lāh dakw-kl dāwilsa klūkl.

10 Wa hīh īda mī sa zidāk yāk-wālītli lāk gūgwayaus, lāwe yīs hāsik dī, gaka ā sa

hiyātl-ā gākīklā, la dūqila kīks la ī tlilā, lāh dāk_w dāwilsāk kās le wunumtīduk lāk uk-āsas tlāwunumk des.

11 Lā kwuntīd zī kias wīlī da church, glū mī wāka-āsa sī da la khā-lāk gada qīhīda-asik.

12 Wa lāk āyasau sī da apostles kīnum ī da māmātl-tīkī gla wa wunwunhyis qainī uke lākī da kīnum bagwānum; lāh dāk_w numātlāh dāk_w um laka awīnagwītl hus wūtla lāk Solomon.

13 La ās kīyos numūq bagwānum gayūtī lākā wa-ūq nālā kās le qestā kās le kupīh-īd glūh dāk_wī, la mīs glī da kīnum bagwānum hyās-hyīla lah dāk_wwuk.

14 La hīmin gindāl ālīgindālī da la ī-ūqīs lā kunts Gī-yā, aul kīnum ā kī da hībagwānum gla wa zīdāk.

15 Ek-la ga_ka wilsila sī da zīzih-kā laka tihiyilā, qilumga-ulsilas qil-zūdālas laka tāgītī hī mī sa tliwāyī, kā wāh mī lāks au um lākī gāgūmas as Peter teskum dik numūqa lah dāk_wwik lākīs la-ī-nāhwa hiyākula.

16 Gāka ā ka ā sī da kīsī hūzī mas wāka ās gāk_wutlzaulisil lākī da ātl-ūskumīs kīnum gūqila lāk awistālīsas Jerusalem, gāk sa zīzih-kā gla wī da hī-hawānī-kulā sū wa sī da mū-um_kwī gīlake; lah dāk_w hītl-īdā matsū nāhwā mā.

17 La ā sī da gīkumāyī labled glāk_wwilītl

gla wī da nāhwā wa-ūqs (yikī da numskum
ātla Sadducees) lah dakw aul ūzakumā,

18 Lah dakw dāhīd kā apostles kās wulhī-
dīk laķa wālazī.

19 Lā glā tī da gāya-nāqila lākī da Ike
Gikumī kā kānūkl ukstūdīk tihyile sī da
wālazī, kās lāwilsā mas dakwīk nīkia,

20 Hāga glākwtl yākugātl lākī da hawāk-
ulazī lākī da kīnum bagwānum wīlas gada
wātldum qāqīxāl lākā qilā.

21 Wa gilh dakw mīs wūklilā kīk, lāh
dakw la-īkl laķa hawāk-ulazī kī da la nāh-īda,
kās kākūklamasī : gāk tī da gīkumāyī labled,
gla wī da wa-ūqas, kās klīlālī kī da council
kā kāpīkūwīs, gla wī da nāhwa qīlsqilyāq sī
da sāsūm as Israel, lah dakw yālāk-īdāyū
nūq laķa wālazī kā gāk-yū wīs.

22 Wa gil mīs gākī da ukulgisāk, lah
dakw dūk-wāklila kīks la ī kīyos laķa wālazī,
lah dakw aīdaākā kās nītlīs.

23 Nīkia, yikī da wālazī aulākīal tumāgiq
mā, la mī sunūh dūqila um kī da ī-aāksīlek
glāk-glūs laķa tihyiles, gil mīs glā nūh ukstūd
kā tihyiles lānūh kīyos dūqītl bagwānum
laķa awīklila.

24 Wa gil mī sī da aāksīle kī da hawāk-
ulazī gla wī da gīkumāyī labled wuklilāk
wātldumh dākwas, lah dāk w nūtlas wola-ās
klas.

25 Gāķa ā sa numūq nītlāh dāk wuk, dok,

yikī da bibagwānum ūs wulā sūkt lākā wālazī
la glākglawītl lakā hawāk-ulazī kākūklāmas
kā kīnum bagwānum.

26 La ā sī da aāksīle kī da hawāk-ulazī
gla wī da wātilgis, wa gāk dakwīs, kīs glātł
ī-autł-tsilāk, kāh dākws kitlilā ā sa kīnum
bagwānum, gwākutlā ī tīsāpih-īd tsa wā.

27 Gilh dakw mīs gāks, lah dakw qisum-
gālītlas lākā council, lī da gīkumāyī labled
wuklāh dākwwuk,

28 Nīkia, kīs dā unūh nīk kās kīsa ūs itīd
kākūklā matsīs glīkula sū wa ūs a ? wa, dokīs
la-īnīh dākwwūs kūtā mas kūk Jerusalemk
yisūs kākūklā-mazumh dākwwā kūs, las nīk
kunūh gākī gīga-āklilāts ulqe sīs glīkula sū wa.

29 Lī Peter gla wī da wa-ūq apostles
nānākmi kās nīkī, hī mī gānūh egas kunūh
hī mī nānākīgī sū wī da Ike Gīkumī lāk
bagwānum ī.

30 Yikī da Umyākī dūtla sints wī-ūmp
wūtla qilāgilīsā masuk Jesus, yikīs lāh dakwa
ūs qilāgiqa tīk-wāklilūdāyū ūs lākā gla-īs.

31 Hī um la ikīstālīsa sū sī da Ike Gīkumī
lākīs hītl-kiūtlzāne kās lī Gīkumī glū kās
Qilāgītł, kās zawes māyādālazī lāk Israel,
glū kās dīgiklilūdīk yekīnāyī.

32 Nūgwa mī sunūh kālāgīla mats gada
nāhwāk; hī mīs ūgwākī da Holy Spirit, yikī
da le zawe sa Ike Gīkumī lah dakw kī da
nāhwā la nānākīgī kī.

33 Wa yig^lāh dāk^wwuk yik^s lah dāk^wwa ī wuklila kⁱk, la k^wwākla lak^k naukⁱh dāk^wwas, lah dāk^w kwⁱk-īd kās kⁱlākiah dāk^wwik.

34 La ās glāk^w-wālīt^lī da numūq gāyūt^l lah dāk^wwuk yik^s la ī wāh kwⁱkulā, gāyūt^l la^ka Pharisees, glikādis Gamaliel, kīyos wi-yūglānum kās kauglit^l la^ka law, la um ka ā wīs māya-unt^l tsa nāhwā bagwānum a, la wekā kā la mā wīs glī sī da apostles lāwilzumā.

35 La nīk lāh dāk^wwuk, yūkl bībagwānums Israel, yāklauh dāk^w la, kā ūs qayau kūs kās qīh-īda asūsā kwā bībagwānum^k.

36 Lākⁱ da gālākāwa yūt^lā sūk da nālāk glāk^wīdūt^lī Theudas wūt^la, wūt^l-um nīk awīla bagwānum, yikⁱ da lūt^la qīwiyā-tsa wa-ūq wūt^la bībagwānum, mūpun-yāgi kⁱntīs wāk^a ās mūt^la, la wāh kupetlūt^l gla wūt^lī, hī mīs lūt^l kīlāgiqī, gla wīs lūt^la wāh wa-ūq wīlā, gla wī da wāk^a ās mūt^la sī da lūt^la wāh nānākīga yūt^l kī, lūt^l gwīt^l-īd, kās au ma yūt^l la wāt^l-wāt^l tsīs-tā.

37 Wa hī mīs lūt^l wāh kād ātla-kāwī sī Judas wūt^las Galilee, wāh kād glāk^wīd lākⁱ da lāh dum ūt^la hāt^lā-kulā, lūt^lī wāh lo-kl k^a kīnum mūt^la bagwānum a; lūt^l ka ī tⁱlīā, gla wīs lūt^la wāh wa-ūq wīla kād, hī mīs wāk^a as wūt^la sa lūt^la wāh nānākīga yūt^l kī, la au-mūt^l la gwīt^l-īda.

38 La mī sīn nīkiūkl, qāt^las glaubāla kwā bībagwānum^k, hī ma kā kū bagwānum zis

lāk kwā wātldum īk, gla wa iākulā yīk, lā klūk wātl-wātl tsistā um-kl :

39 We, kā glā kū iākī um lāk sa Ike Gikumī, lāh dākwis kīyos qīh-īda ās klīh-īdā mas lākuq, ā klas wutl-um lāk nīk lāk kas kākādāla ūsā kā Ike Gikumī.

40 Hī mīs lāh dāk w ek-āgī sī wātldum as, wa gilh dāk w mīs klīlāla kā apostles, la hwis-īdik, lāh dāk w ukuk kā qatl la gīs yākuntā las glīkum as Jesus, lāh dāk w hītl-ķuh īdik lā-wilsā.

41 Wa yīks lāh dākwa ī lāwils lākā qazī-lasa sa council lāh dāk w ekīkulāks hītl-ķūluma ī tlālāk-wunāl mumkzigilāsū kā glīkum as Jesus.

42 Wa, hwīlā-kulāh dāk w mī sī kūk nīnālāk ga-īklil lākā hawāk-ulazī, lākād lākā nāhwā gūqila, ķīs qātl ķākūklā mats glū glīksālas Jesus Christ.

CHAPTER VI.

WA hī mīs lāh dum ūtl-ts, yīks la ī la kīnum ī da disciples wunwun ķiālah dāk wī da Grecian Jews ķī da Hebrews ka ī ķīzīnāyas yāklau sū wī da ķīkakiaus dākws, lākī da gwīlum a kūk nī-nālāk.

2 La āsī da mālūgwagiyū klīlāla ķī da la

disciples kā gākīs lāh dāk_wwuk, lāh dāk_w nīkia, kīsa ī ek kuntsū bo lāks wātldum a sints Ike Gīkumī kunts he la awīlil-kutlī aāksīlek hī-humk-dumītl.

3 Hī mīs ekītl klūs, kās dūk-wīdih dāk_wwa ūsāk aglabūq bagwānum yik kātla es-ekiā kīyos klīqāyā kūte kī da Holy Spirit glū naukadālazī, kunts uk-īd tsū kā aāksīla kwā yāqilāk.

4 Kā glānūh kā-kumātli kunūh hīmunātla mī hawāk-ulā glū aāk-sīla kī da wātldum.

5 Lī da wātldum as hītl-āklil lākī da nāhwā bagwānum : lāh dāk_w dokūdānum āk Stephen, yikīks kūtā āk ūqizālazī gla wī da Holy Spirit, hī mī sī Philip, gla wī Prochorus, gla wī Nicanor, gla wī Timon, gla wī Parmenas, gla wī Nicolas proselyte as Antioch :

6 Yik lāh dāk_wwī qisumga-līlums lākā apostles ; wa gilh dāk_w mīs qātl hawāk-ulā, lāh dāk_w kluk_wwuk-klelabundā lāk.

7 Lī da wātldum a sa Ike Gīkumī gwīl nāqila ; lākā ā klūmī wākā-āsas kīnāqila īnāya sa sī da disciples lāk Jerusalem, lākā ā kīnum ī da la-ulbledī la nānākīgī kā wātldum.

8 Lī Stephen, yiks kūta ā kā egalazī gla wa tloqīmas, wunwunhyis zī kiasīs kīs aūms qaīnī lākā līlqilaklayī.

9 Wa la ā sa glāk-wīdī gayūtl lākā synagogue glikula sū wī gayūtl lākā Libertines,

gla wa Cyrenians, gla wa Alexandrians, hī mī sī da gayūtlī lāk Cilicia glū Asia, kātāp glū Stephen.

10 Wa lāh dāk_w wekl lāk wātldum as glū yākundasā sīks yākuntā ī.

11 Wa lāh dāk_w kwīkī nūq sa bībagwānum kā klilqālīs, yikā nīkī, wuklilā nūhwāk gada bagwānumk yāksāmīs wātldum āk Moses gla wunts Ike Gīkumī.

12 Hī mīs la qelīh idā mas kā līlqilāklayī, gla wī da qilsqilyāq, hī mī sī da kīkiātīnūk, gāk dāk_w humkwāpuk kās dāhīdīk, gāk dāk_wīs lākī da council.

13 Lāh dāk_w glāk-wālītlila sa kāla būtla, yikā nīkī, yik gada bagwānumk kīsīk qātl tsa yāksāmī wātldum kwā aekī-lāqīk hawāk-ulazī gla wī da law :

14 Kāk gānūh wuklile gānūhwāk nīk kīks klīhyilīsī klī Jesus as Nazareth kwā hawāk-ulazīk, glū klāyū-kl nāhwāk qāyā-yāilas yīkūk zaw yūtlāks Moses gākunts.

15 Wa la nāhwā mī da qizītl lākā council, dūdūks-ulītlāk, lāh dāk_w dūqilāk kūqumāya sīks la ī hī qīx ī kūqumāyas paglum nūqā.

CHAPTER VII.

Lī da gīkumayī labled nīkia, aula ma ūkwā?

2 La nīkia, nātl-numwiyūt glū sīks wī-ūmpa īk, hūklilā las; yikī da hyāhyīlanūsa Ike Gīkumī nītl idūtl lākunts ūmp wūtla ī Abraham, lākīks hī ma ūtlā lī Mesopotamia, kīs ma ūtla gāk gūqil lāk Haran.

3 Nīk wūtl lā kī, bo lāga tsūs awīnāgwīsā kūs, bo sūs glīglaglaule kūs, kās gākā ūs lākī da awīnāgwīsī yīkun lā-kla un nīlum klūkl.

4 Wa gāk wūtlī bo sa awīnāgwīsa sa Chaldeans, gāk gūqil lāk Haran: wa hī-mīs geh-īda ās wūtl tsī, yīks lā ūtla hī-qīh-īdīs ūmp wūtla, gāk yū sints Ike Gīkumī lāk wā awīnāgwīsa kunts gāk gūqilā-sā.

5 Wa kīyos ta zawe sīk kā hī-lānums lāk, kīyo, kīyos lāk wāh ma īūgwīs au um lāk hītl-azū kā tībizūlisā sūs: zūkwīgātl ma ūtla glas lāk kā ūknūgwādī sīs, gla wīs logwītl wūtla sāsūm ātlā-kāwīs, yīks kīyos ma ūtla glātl kwanūqā.

6 Ga mīs qetla āts wātldum ūtla sints Ike Gīkumī, yikīks logwītla ūtlī da gayau lokl kī, la getla lākā ūgwila ma awīnāgwīs, glūks logwītla ūtla kākakiū glū yāksum sū tlāla-wūtlila matsū mū punyāgik ūnkilā.

7 Wa yikī da līlqilāklī kla yīk lāh dāk w

kla kākakiū was klisī kīlākia klin klā kī, nīk wūtlints Ike Gīkumī: we ātlā-kāwī-kl tsīk lāh dākw klī gākau-kl kās umyākulī-kl gākun lākwā da awīnāgwīsīk.

8 Lūtlī zawk yisa covenant ā sā circum-cision: wa lūtlī Abraham kwungwādh īdis Isaac, gil mīs mātlgwanātl pun hwāsa lā ī circumcise uk; wa lī Isaac kwungwādh īdis Jacob, lī Jacob kwungwādīsa mālūgwa-gīyū hīnūm wī-ūmpā.

9 Wa lūtlī da hīnūm ūtla wī-ūmp klī-kā, lākūduk Joseph lāk Egypt: lūtl gla tints Ike Gīkumī kupetla glū wūtlī,

10 Lūtlī hītl-tsāwī lela masik lākīs. nā-hwūtla tlāla-wūtlila sa, ek wūtl kī, zaw ka āk yis naukādalazī lāk dūqitl-ts Pharoah gīkumā yas Egypt, lūtl ka ī gīkumāyā masuk kā aāksīlāk Egypt gla wīs nāhwā gūq.

11 Wa gāka ūtlā sī da pūskūtla lāk nāhwī Egypt glū Canaan gla wa wālas wīwūsīlāka, lūtlints wī-ūmp wūtla unts kīyos khā sū kās hītlīla-yau.

12 Gil mīs glī Jacob wūtla khā-la kīks zīzidanū ida hī gāk lī Egypt lūtlī yālāk-īd tsints wī-ūmp wūtla gāla ī.

13 Wa lūtlī itīd yālāk-īdis, lūtlī Joseph kautl-āglitl tsīs nūnilūtla, wa lūtlī nātlnum-wiyūt wūtlas Joseph kautl-āklila mazum lāk Pharoah.

14 Wa lī Joseph yālāk-īd kās klīlālī kīs
KW.

ūmpī Jacob, gla wīs nāhwā glīglaglaula, aglabū skum gūstau hīmīsa sikioq.

15 Wa lūtlī Jacob lākālīs lāk Egypt, lūtlī tlilā, yik, gla wunts wī-ūmp wūtlā.

16 Lūtlī dāgil-kī lā-yū lāk Shechem, wu-numtītsū lākā digīzas yīkī da kilwānum ūtlas Abraham yīsa kīnum ūtlā dālā lāk sāsūm as Hamor lāk Shechem.

17 We yiglā kīks gāka ī ihīātl lastū wī da glīkayī, yīk wātldum ūtlā sints Ike Gīkumī lāk Abraham, la ūtlā sī da līlqilaklayī kīnumh īda, īs qātl āliga nāqīl lāk Egypt,

18 La ūtlā sī klāyū wī da ūgwīla mūtlā gīkumī, hī mīs kīs wūtl kauklīlāk Joseph.

19 Hī mīs kīyos wūtl īs kwīkātla īnī kā unts gīgāyū wās wūtlā, māmūmasa tlūtl kunts wī-ūmp wūtlā, kā ukūmwīlsilī sī kīs gingīnānum kā kīsīs qāqīlā.

20 Hī mīs lāh dum ūtl-ts Moses māyūglum a, aul ek gīnānum a, lūtlī yūduh sum gīla hī um aāksīla sū wī gūqa sīs ūmp.

21 Wa gil mūtl wīsī zuka-wilzum, lūtlī kwanūqas Pharoah uk-īdik kās kwāyunqīk a-ekīākīlāk.

22 Lūtlī Moses kākūklā mazuq kās kīyosa yūtl īs la kauglitl lāk nāhwā naukī sa Egyptians, lūtlī ka ī tloqīmas lākīs nāhwūtlā yāk-yakundīsā gla wīs nāhwūtlā qīgīlas.

23 Wa gil mūtl wīsī la mūskum gūstauk unkīla kā kwīsa, la ūtlā sī nīnkīk-īd kās le

dūk-wīd kīs nātl-numwiyūt yik sāsūm as Israel.

24 La dūqila kā numūq gayūtl lāk māmū-masātla sū wa, la tlākūlāk kus-id ka ī da mūmasīla sū wī, kīlāk-id kā Egyptian :

25 Lūtlī wūtl-um nīkik mātl-tetla mīs nātl-numwiyūt kiks la mā ūtlints Ike Gīkumī wāh wākūlīsāk yīs āyasaus, lāh dāk w wūtlī kīs kauklilāk.

26 We kā la tlinsā gāk wāh itīd nītl-id lāh dākwukīks dādūkaula ī, wāh nīk kā ek-idīs, nīkia, āade, numīmas, mazīs hekaulāh dākwītā ?

27 We yiglā kī da yāksāma kīs gūqilūt au um klāk-wīduk, nīkia, ungwā zī da uke nūqa ūs kās aāksīla ūs, glū kās dādālīta ūs ?

28 La mas kīlāk-id-kl gākun, hī qīh-id klīs qīh-ida ās wūtla ūs ā kā Egyptian lāk tlins-wūtla ?

29 La ūtlā sī hītl-tsū-wī Moses yīs gāda wātldumk, kās lā-yūtl, la getla lāk awīnāgwīs as Midian, yikīs lūtla kwungwādih-ida ā tsī sīs mālūq wūtla sāsūm a.

30 Wa gil mūtl wīsī lastū-wīda mūskum gūstū wūtla kwīsa, lūtlī nītl-ida ā tsa gayūtl wūtla lākunts Ike Gīkumī lākā lūbīs awīnāgwīs gīgakī lākā hyīksūmlīs wūtla kwākīsā.

31 Wa gil mī sī Moses dūk-wāklilāk, la kāyakās ; we yiks gāka ī nuhwāh-id lāk kās

qil-pātl tū-wīk, la ūtla sī yākūgātl tsū sints Ike Gīkumī,

32 Nīkiāla, Nūgwa-um Gīkumī sīs wī-ūmp wūtla ūs, Gīkumīs Abraham ūtla, Gīkumīs Isaac wūtla, Gīkumīs Jacob wūtla : lī Moses kwanāla, kīs la nāl kās dūqātlī.

33 Wa lā ūtla sints Ike Gīkumī nīkik, qītlūda gākstibāyau kūś kā lāwe-yī sūk lākūs gūgwa-yau kūś ; kā ūk da awīnāgwīs ik yīkūs glāwīzasā kūś māya-untla ik.

34 Lamun aula kias dūqilāk tlāla-wūtlila ināya sin līlqilaklāyī yīkī da hī lī Egypt, la um ka ā wī sin wuklilak gwāklila ināyas, gāk mī sin kun uk-īdīq kā ūmīstā la gīs, wa kīlaga kun wīgī yālākūs kās lālāga ūs lāk Egypt.

35 Ga mīs Moses yīk kīs dāk wūtla ek-āgīs, nīkia, ungwā zī uke nūqa ūs kās aākśila ūs glū kās dādālita ūs ? wa hī mīs lūtl yālākum sints Ike Gīkumī kā lā-ūtl tsī aākśilāk glū kā ūmīstā mas ik, iākī sa āyasau sa gāyūtl wūtla lā kunts Ike Gīkumī, yīkā nītl-īdī lāk lākā kwākīs.

36 Hī mīs gāk wūtl tsī yīks lā ūtla qātl yāwīhiā sīs un-unīgīla inā yūtla lāk Egypt, glūks gāka ūtla lākā Klāq-stū dums-hiā, glūks gāka ūtla lākā lūp-labīs awīnāgwīs mūskum gūstauk unkī-lūtl kā kwīsa.

37 Ga mī da Moses, yīk nīk wūtlā kī da sāsūm as Israel, uke nūq klī Gīyā kunts Ike Gīkumī sīs glākwilīsā mas tsū kla kā prophet

klūs, gāyūtl kla lāh dākwūkl, numāhyis-kl gla wun, hī mī sis hūklilā sū klī lāk nāhwā kla wātldum-īlelā-kl sī lūkl.

38 Ga mīs hiyūtl lī da church lākā lup-labīs nāmāh se yūtl glu wī da gāyūtl wūtlā lā kunts Ike Gikumī yikī da yākuntā lūtlā kī lākī da nuge Sinai, glu wunts wī-ūmp wūtlā unts; yikī da lo-kl wūtlā kā lūtlā yākugālum kā gāk zawē gākunts:

39 Yik kīs wūtlā qayū sints wī-ūmp wūtlā kās nānākīgī sū wa, au mūtl kītī dūtl kī, lāh dākw wūtlī hwilākikst lāk Egypt,

40 Nīk yik Aaron, wīga kīqīl kā unūh kā gālākumā līs gākunts, kā ī da Moses kle yikī da gāka unts legī sū bos Egypt, kīsī gints kauklilāk le kīyo-wās tsī.

41 Wa lah dākw wūtlī ukī nūq sa kwanūqā sa mūsmūsā, lah dākw wūtlī kīlāk-īd kās zawē kā lūtlā kīqā, ekikulā yū nūqs ukā yūtlā sis ayāsū.

42 Lūtlints Ike Gikumī hālūwistā, kās lī wāh-mūta umk, la umyākā kī da kīnuma sī da ikī, la umk kiātātla ināyas lākī da prophets; ā yūkl gūqs Israel, la mas zaw gākun kla sa kīlāgiq gilga-ūmasa ā kwā lāk mūskum gūs-tauk unkil kwīsa lākā lup-labīs?

43 Lā ka ās uk-īduk gūq as Moloch gla wī da tūtū wa sis gīkumā yūs ī Remphan, kie yūs kās umyākā sū wūs; la mī sin lā klūs lāk qīsa yaš Babylon.

44 Kunts wī-ūmp wūtla uknūgwā tsa k̄āla-klila gūq lākā lūp-labīs, la umk qayū wūtla sa yākugātl wūtlāk Moses, kā nānāk-zū wā mā zūtl tsī kīs lūtla dūqitlā.

45 Hī mīs gāk yū wūtl tsints wī-ūmp wūtla glū Joshua gākā ūtlā lā-zau hīs lākūk awīnāgwīs wūtlāk sa lūlqilāklā yūtla, yik kiā-kiāyatl giwī sū wūtla sints Ike Gīkumī kā unts wī-ūmp wūtla, gāk-āklil lāk David ;

46 Yikī da lūtla wāk-id tsū sints Ike Gīkumī, lūtlī hawāk-ulā kās gūqīlas nūqī kā unts Ike Gīkumī, Gīyas Jacob.

47 Lūtl glā tī Solomon gūqīla kā ī.

48 Kīsa ā glī da Hīnūme Ikīala ga-īklil lāk gūqa ukēs ayāsū, la umk wātlduma sa prophet,

49 Yikā ikī hī mun qātla-āsī, yū mī sa bunīk awīnāgwīs tīp-dumas in gūgwayū : mā zī gūqīnī kla sīs gūqīlī kla ūs kā un, nīkī da Ike Gīkumī, glū mās lākī qīx zās kla sī da hyūs īda as kla un ?

50 Kīs wūtla-īk ga um gin āyasūk uke nūq sa nāhwā k̄ā.

51 Yūkl kīs nī-ungānum glū pīpatsums nīnaukī, hīmunātlāk dāk w ma ā kūs kākādāla k̄ā Holy Spirit : lāk qīgīlas as ī-aus wūtla, hī mī sīs qīgīlas dāk wī.

52 Wīdī lākī da prophets wūtla ūs kīs mūmas id tsūs ī-aus wūtla ? kīlagiqilā k̄ā gālūtla nītlāh dāk wik yis gāk īnī gwītla sī da

Ekia Numūq ma, yikīs lāh dākwa ūs kwik-
idā yau glū la kilagiq dākwūs ;

53 Yih dākwūklāks lo kla ā kūsā kā law,
ya um kī da iākā yūtla kā wātldum sa pīpa-
glum nūq, las kīs ākīlāk.

54 ¶ Wa gilh dākw mīs wuklilā kīk la
kwāklā lāk nīnaukā yas, wa lāh dākw kinkīā-
taula kīs gīgih dākwī, hyāhyīsā munkāk.

55 Wa yiglāk, la ī kūtā kā Holy Spirit
dūqātla kā ikī, la dūkwāklilā kā qakātla kias
au qīx zā tsints Ike Gīkumī, glū Jesus glā-
kwātla lāk hītlkiūtł zane sints Ike Gīkumī,

56 La nīkia, Dok, la mun dūqilā kā ikī
awīnāgwīs ukstūda glu wī da Kwanūqas
bagwānum glākwātł lāk hītl-kiūtł zane sa Ike
Gīkumī.

57 Lāh dākw numā zāqa hāsila, klis-kli-
wātūdih dākwā kās humkwum gilītlī lāk
numāh idā ;

58 Kās zukau līsīs lāk klāsāzī lī sā sa
gūqila, kās nāpāpik, lāh dākwī da dūqīmīs
giyimgā līsā sīs qītlqela lāk gūgwayau sā
ātlūstau bagwānum glīkādes Saul.

59 Lāh dākw nāpāpīh idīk Stephen, yīks
lā ī glīkulāk Gīyā, nīgītauya, Gī Jesus, dādā-
lāla gākun.

60 La klāq-wālīs, la ās hāsīl nīkia, Gī, qālā
wāk gīga-āklilūdīs gada yāksumk qīh-īda as
dākw sik lāh dākw kuk, wa gil mīs nīk sīk,
la ās mīk-ālīsā.

CHAPTER VIII.

LA āsī Saul wekīgī um kā tliš : hī mīs lāh dum ūtl tsa klūmūtla heskum ī mīklā k Church kī da hiyūtla lī Jerusalem ; lāh dāk w wūtli nāhwā um la gwīt lum ī stā, lā lāka qīqī-sāl awīnāgwīs lāk Judea glū Samaria, hī ga um kīsī da apostles.

2 Lī da es-ekī bībagwānum wunumtīdik Stephen, lāh dāk w lāgwātli zī kias kā ī.

3 La ā gla sī Saul yāl ākwā k Church, lā-laīklā lākā nāhwā gūq, wātā k bībagwānum gla wa zīdāk kās le la-īklilas lāka wālāzī.

4 ¶ Lā gītli dāk wā sī da lā gwīt lumīsta la kīyos īs lā glīksālā sa wātldum.

5 Lī Philip lākālīs lāk Samaria la yāku-gātli kāyaulas Christ lāh dāk wuk.

6 Lī da nāhwā bagwānum hūklilā numāla-mā lākī da nāhwā wātldums Philip lākīs laīnīh dāk w wuklilāk, gla wīs laīnīh dāk w dūqilāk qīgīlas as.

7 Kā īks kīnum a ī da gāyūtli lākī da uknūgwāde sa mū-umkwī gīlākā, gāk lāwe qāklal hāsila ; gla wī da kīnum ī tlišlil kīnā, gla wī da ī-ūzagīla, la ek īdā mātsū wā.

8 La ekīkula zīkias ī da līlqilāklayī.

9 Lā glā ta numūqī da bagwānum, glīkādes Simon, yīka pukulūtli lākā līlqilāklayī, glū

kunyāzum sa nāhwā bagwānum lāk Samaria, qilix-um nīk yīks awilā ī bagwānum :

10 Hī mīs nāhwāh dāk_w um hūklilāqs, nāhwā mī da bagwānum nikia, yīkwā bagwānum_k yū um tlāhwī sa Ike Gīkumī yīkā glīkādes wālas.

11 Hī mīs lāh dāk_w hūklilāqs, kā īs la wāwāyas kākunyāzumāk yīsīs kiau-tīnāyī.

12 Gilh dāk_w gītl mas ūqīs īdik Philip yīks lā ī glīksāla yīsī da qāqīxāla lākī da gīkāsā sints Ike Gīkumāya, gla wī glīkum as Jesus Christ, lāh dāk_wa ās baptize īda, yīkī da bībagwānum gla wa zīdāk.

13 La āsī Simon yīks he ī ūgwākā um la ūqīsa, wa yīks lā ī baptize zuqā, la hīmunātla um nāmāh se glū Philip, la ās dūqīla kā wunwunhyīs zī-kias tloqīmas qīgīlas ukā-yā, la kunyāsā.

14 ¶ We yīks lāh dāk_wā ī da apostles yīkā hī lī Jerusalem khālā kīks la ī Samaria dādālāk wātlduma sints Ike Gīkumī, lāh dāk_w yālāk-īdis Peter glū John lāh dāk_wwuk :

15 Hī mīs, yīks gāk dāk_wa ī lāk, hawāk-ulh īd kāh dāk_wī, kā loklī sī kī da Holy Spirit :

16 Ka īks kīs ma ī gāk lāk numūqa lāh dāk_wwuk, auk dāk_w um la um baptize zuq lāk glīkum as Gīyā ī Jesus.

17 Wa lāh dāk_w kluk_wwuk klīla bundā lāk, wa lāh dāk_w lo-kl kā Holy Spirit.

18 Wa gil mī sī Simon la dūqilā kīks he ī lāgītli zaw yī da Holy Spirit, yīks la ī da apostles klukwuk klīla bunda lāk dāk w sīs āyasū, la hatlā-ḡugātl tsa dālā lāh dāk wik,

19 Nīkia, wīga, zaw gākun kla sa tloqīmas, kun ūgwākī uknūgwadis, kā loklī sin lā kla klukwuk klelā bundā la sū-kl kā Holy Spirit.

20 Au mīs glī Peter nīk yik, yīkīs dāle ūs numāh id glūs, kā īs wulīnī mūs nīnkī-kulāk kilwānum ī zaw yā sa Ike Gīkumī yīs dāle.

21 Kīsa ā kūs māzād kās uknūgwāda ūs as māsā lāk gāda wātdumk, kā ūs naukayā kūsāks kīs īk hītlātl lāk dūqātlā īnāya sa Ike Gīkumī.

22 Māyātā laga kā ūs yāksāmā kūs qīh-īdaāsā, kās hawāk-ulh īdā ūsā kā Ike Gīkumī, kā wāk-īdā mī lāk sī dīgiklilūduk nīnkīkayā sūs naukayā kūs.

23 Kāk gin dūqilī gūklāks klūma ā kūs yaksum, glū yigluq lāk yekīnāyī.

24 Lī Simon nānāk mī nīkia, hawāk-ulā la kā Gīyā kā un, kā kīyosī sūk dā le kūs wātdum gāk ukā-klil gākun.

25 ¶ Wa yik dāk wuk, yīks lāh dāk wa ī qātl yākugātl-ts wātduma sa Ike Gīkumī, lāh dāk w hwīlakā lāk Jerusalem, la glīksāla sa ek zīkiālum lākī da kīnum ī lāk gūqa sa Samaritans.

26 ¶ Lī da gāya nāqila lākī da Ike Gīkumī yākugātluk Philip nīkia, glāk wī-daga

kās lā ūs lākā nulzī lākī da tihiyilā geh-īd lāk
Jerusalem lā la ā lāk Gaza ; yikī da lūbīsī.

27 La mīs glāk wilīs kās le : wa dok, kā
bagwānum gāyūtl lāk Ethiopia, eunuch ī awīlī
baqīnāyas gīkutl lāk Candace, queen a sī da
Ethiopians, aāksilī kī da nāhwā tlilāhwilas,
gāk tāh dī lāk Jerusalem kās zilwākī ;

28 La mīs nenāgwi-nāqila, qāzau lākīs
zikzik kiākiāduq silāk Isaiah kā prophet.

29 La ā sī da Spirit nīk yik Philip, hāga
nuhwāh īdik, kās lāzau ūs lākwā zikzik.

30 Lī Philip zilh-wīd qāqayākā lāk, la
wūklilāk kiākiāduq sila kā Prophet Isaiah, la
nīk yik, āyūsila masīks kiākiāduq sila sū wā
kūsā ?

31 La nīkia, kun wīh īdī, hīga ma as kun
klū kākūklā mas tsū lāks numūqā bagwā-
num : la uk-kiālāk Philip kā gākīs kwāga-
āklil gla wī.

32 Ga mīs kiatila klilats kiākiāduq silā sū
was ; wātilāqa ī hī qīx lāmādūwī lālā-āyū
lākā kilagas ; hī kād qīx ī da ginānum ī
lāmādū lākā kibitl-unāyak, lākīs amūkwināyī :

33 Lākīs bunātla ināyī lī dādilita ināyāk
dāh-īd tsū wā, ungwā tī nīk klas bagwānum
ināyas, kā īs qilātla ināyī uk-īd tsū wa ī lākā
awīnāgwīs ik.

34 Lī da eunuch nānākmiķ Philip nīkia,
wāk-īdaga gākun, ungwī da qayau sa prophet,
qilīx ma ā glū ūgwila um bagwānum a ?

35 Lī Philip yākugātl, kās gebund kī da kīaduq kīakīaduq sīla sūs, kās qāqīx-uh idī lāk Jesus, kā ī.

36 Wa yīks lāh dākwa ī hiyūtlil lākīs qayūtlilas, lāh dākwa gāk-āklil lākā numzikīs kawīs ; lī da eunuch nīkia, dok, gāda wāpik lāk gāda ; mā zin kīs lāgītla baptize ā ?

37 Lī Philip nīk yik, kāsū la um lāk ūqīs lāk wīlā sūs naukāya kūś, wīga zau ; la ās nānākmi nīkia, ūqīs mun klāk Jesus Christ hī um Kwanūq sa Ike Gīkumī.

38 La ās uk-kīgātl kā wul-ga līsī sa zikzik : wa lāh dākwiks mālūqa ī numāsta wīlunsā lākā wāpī, yīk Philip gla wā eunuch ; la baptize iduk.

39 Wa gilh dākwa mīs gākūstau losta lākā wāpī, lī da Spirita sa Gīyā uk-idik Philip kās les ; kīsītla sī da eunuch la īt-pātl tūk, la au um hiyūtlila lākīs qiyūtlilas ekīkutauyā.

40 La ā gla sī Philip dūkwāglitl lāk Azotus : wa yīks la ī lāksaulīsila la gliks-āla sī da ek zikīālum lākī da nāhwā gūqila gāk-āklil lāk Cæsarea.

CHAPTER IX.

LA mī sī Saul, kainātlak se mā nīk kās kīlākīk disciplesa sa Gīyā, lā lākī da gīkumayī labled,

2 Uk-kīālāk kīaduqā lāk, kās lāyū lāk

Damascus lākī da synagogues, kās gil mī lāk khā sū nūq lāk, lāk he qīx ī, lāk wāh ma bagwānum glū zidāk lāk, kās gākīs wulqā gāgāk-ās lāk Jerusalem.

3 We yiks lā ī qīyūtlil lāk, lā ī ihyātla lāk Damascus : la ās ūdāh-īda mī da kwukā kālī-tsum dek gāyākā lākā ikī :

4 La ās qikiā-kālīsā, la wūklilā kā glīkālek, nīk yik, Saul Saul, mā zīs kiākīlāk sumī gītla gākun ?

5 La nīkia, ungwās Gīye ? la nīkia, Nūgwa um Jesus yik gas kiākīlāk sumī sū gwūs :

6 Glākwilīs laga, kās lā ūs lāzaulīs lākā gūqila, la mī sī nīgium-kl lūkl kās qīh-īda ās klūs.

7 Lī da bībagwānum wa-ūq maulas au-um la glāk-glawīs qīklātla, wuklilā kā yākuntāle, kīyos glāgl dūqitl bagwānum ā.

8 Lī Saul glākwilīsa ; wa gil mīs wāh dih-īda, la kīyos dūqitla, lah dāk w au-um la wātilāk, gāks lāk Damascus.

9 Wa yūdūh pun hwas tā kīs la dūqila, kīs humāp, kīs kād nākā.

10 ¶ Numūq tī da disciple hī gāk lī Damascus, glīkādīs Ananias ; hī mīs nīk sūs Gīyā lākīs dūqitl, Ananias : la nīkia, dok, nūgwa um Gī.

11 La āsī Gīyā nīk yik, glāk-wīdaga kās lā ūs lākā tihiyilā glīkula sūs Nukulā, la mī sis wuklā-kl lāk gūqas Judas kā ī da numūqa

bagwānum glīkādis Saul, gāyūtl lāk Tarsus : dok, la um hawāk-ulā.

12 La um dūqila kā numūqī bagwānum glīkādis Ananias gākīklila, kluk-wāklilūd tsīs ayāsū lāk kās dih-īdī.

13 Lī Ananias nānākmi, Gī, kīnum un khālā gītla kā bagwānum wāka āsas yāksāmī qīgīlātsī kīs es-ekia ūs lāk Jerusalem :

14 La mī sū uk-nūgwād tsūs gāyānum-āk lākā gīgikumāyī la-ulbled kās wule kī da nāhwe glīkula kīs glīkum ūs.

15 Au mī sī Gīyā nīk yīk, hāga ; kā īks dokūdānumā ī kā un, kās le sin glīkum lākā Gentiles gla wa gīgikumāyī, gla wī da sāsūm as Israel :

16 Kāk gin la mī gin nītla kluk wāka-ās klas tlālā-wūtlilas klas kā un glīkum ī.

17 Wa la āsī Ananias kās-īda, la la-īkl lākā gūq, la mīs pāh-īduk nīkia, numwiyūt Saul, yīkī da Gīyā ya-umk Jesus, yīk nītī-īdī lūkl lākā tihyilā yīkīs gākūs ke-nāqila sā, yālāk-īdun kās dih-īda ūs, glū kās kūtih-īdā ūsā kā Holy Spirit.

18 Wa hīh-īda mī sa tikum-we lākā kayākus as hī qīx kūbutī, wa la dih-īda ; la glāk-wīda, la baptize-īda ;

19 Wa la humh-īda la tlālūkwīk-īda : la mīs kupetla kī da nīnāla gla wī da disciples lāk Damascus.

20 Wa hīh-īda mīs nītlas Christ lākī da

synagogue yikīks hī mā ī Kwanūq sints Ike Gīkumī.

21 Wa yikī da nāhwā wuklilāk la kunyāsā nīkia, kīsa yū mī da lāk Jerusalem mūmasīlāk-di kī da nāhwā glīkulāk glīkumā sī, glūks hī ma īk gāgikītl dī kās les wulqa lākī da gīgikumayī la-ulbled.

22 Au mīs glī Saul ginwīs tloqīmas, la weklāmas kā Jews gūqil lāk Damascus, dūqilā mas dāk̄wuk yikīks ga mā ī da Christ.

23 ¶ Wa gil mīs kīnum ī da nālā la hiyā-kā, la āsī da Jews kwīk-id kās kīlāk-idīk kā tliš.

24 La mīs glī kwīkīh dāk̄was la khātl-ts Saul : wa lāh dāk̄w hāyātlā ka āk lākā tihyilā kī da nālā gla wā kīnūklī kās kīlāh-idīk kā tliš :

25 Au mī sī da disciples uk-idukī kī da kīnūkl, kās lāksū dīs lākī da kātibatāyī zunqā-kūdis gīzau lākā lukāyī.

26 ¶ Wa gil mīs gāk lāk Jerusalem, la gwānīlela kās le kupeh-id gla wī da disciples : lāh dāk̄w ka ā nāhwā um kitlilas, kīs ūqisik la um disciple ā.

27 La ā sī Barnabas uk-idīk, kās gākīs lākā apostles, la nītlas qīh-ida asa sīks dūkwā-klila ā kā Gīyā lākā tihyilā lāh dāk̄wik, gla wīs yākūgātl tsū wīnā-yas, hī mī sīks la mīk dī glīks-ālas glīkum as Jesus lāk Damascus.

28 La mīs kupetla glūh dāk̄wī la-īklil glū lāwilsil lāk Jerusalem,

29 La tloqīmas glīks-ālas glīkuma sa Gīya ī Jesus : yākugātl kākādālā k̄ā Grecian Jews ; auh dāk̄w mīs lā hāyātlā k̄ā āk kās kīlāk-īdīk k̄ā tllīs.

30 Wa gil mī sī da nātlnumwiyūt khālā kīk, gāk dāk̄wīs lāk Cæsarea, la yālāk-īdīs k̄ā les lā-yū lāk Tarsus.

31 ¶ Ek mī sī da church lāk nāhwā Judæa glū Galilee glū Samaria nākulk-īdā, lā ī hītl-tsīstā glū la kāsā-kinātl kilīdinūq sints Ike Gīkumāya, glū la hītlilkulā sī da Holy Spirit, la kīnumh īdā.

32 Wa yīks lā ī Peter lākī da nāhwā awī-nāgwīs, gāk k̄ā ā lākī da es-ekī hī lī Lydda.

33 Wa hī mīs la dūkwāklilā tsī k̄ā numūq bagwānum glīkādīs Æneas, yīk̄ā la mātlgwanātl unkīl kulgwītla ; k̄ā īs tlītlīl kīnīnāyī.

34 Lī Peter nīk yīk, Æneas, Jesus Christ ek-īdā masūkl : glāk-wīdaga kās hītl-īdā ūsā kūs gaīlasā kūs : wa hīh-īdā mīs glāk-wilītla.

35 Wa yīkī da nāhwā hī gāk lī Lydda gla wī da hī gāk lī Sharon la dūqilāk, wa lāh dāk̄w qestā lākunts Gīyā.

36 ¶ Wa numūq tī da disciple hī gāk lī Joppa glīkādīs Tabitha, yīkī da Dorcas kla yīks ayūzūdayau ī : yīk gāda zidākuk kūtāk ekī qainayā glū yāqīnāyā sīs īākulāyī.

37 Wa la ās zih-kuhīda la hī qīh-īdī : wa gilh dāk̄w mīs zūk-wīdik, lāh dāk̄wa ās uk-ālītlas lāk īkīaziyā sa gūq.

38 Wa kā nahwātla ināyas Lydda lāk Joppa, lī da disciples yiks lā ī khā lāk Peter hī gāk lī, yālāk-id tsa mālūqī bībagwānum lāk, hawāk-ulāk kā kīsīs īs hīh-ida um gāk lāh dāk_wik.

39 Lī Peter glāk-wīd kās le glūh dāk_wī : wa gil mīs gākā, lāh dāk_wīs lākā ikīaziyyī : nāhwā mī sī da kīkākiausī glāk_wīmītlik k_wāsa, glū dūqā matsa qītīqela k_wūkwumzauyā ukek des Dorcas, yiks kīs mīk dī ūzih-īdā.

40 La ā sī Peter ukuk kā wīlūtīzau lītīs, la klāq-wālītī, kās hawāk-ulh īdī ; la qīkumgalītī lākā la kīs ekia, kās nīkī, Tabitha glāk-wīd : wa la dih-īda ; wa gil mīs dūkw-wāklilāk Peter, la ās qāgūstau.

41 La ās sāh-īdik kās dāgūstaulītlik ; wa gil mīs la klīlgātī k_wā es-ekī gla wī da kīkākiausī la dūqā mātsīks la ī qilā.

42 Wa la ās khātī lāk nāhwā Joppa : wa la kīnum ī da la ūqīs k_wunts Gīyā.

43 Wa kī-pun hwās mīs hī gāk lī Joppa kupetla gla wī da numūqī bagwānum Simon klā k_wazagīlā inūkwā.

CHAPTER X.

WA lā tā numūqī da bagwānum lāk Cæsarea glīkādis Cornelius, gīkumī sa soldiers.

2 Ek bagwānum ā kilīdinūq sints Ike
KW. D

Gikumī wīlā gla wīs gūqī, yikā hīmunātlā mī zaw kā nāhwā bagwānum, glū hīmunātla um hawāk-ulā kunts Ike Gikumī.

3 La ās dūk-wāglitl nūq kwil-pātl taula kī da le kunt nānumāzā-kuklilā gīlā kā nālā, yikā paglum nūqī yālākum sints Ike Gikumī gāk lāk, nīk yik, Cornelius.

4 Wa gil mīs dūk-wīdik, la kitl-īda nīkia, māsī Gikumī ? wa la ās nīk sūs, yikīs hawāk-ulyū wūs gla wīs wākule yūs la mī lāgūstau kā la khātla sū lāk kūqumāya sa Ike Gikumī.

5 Wa wīga yālāk-īdīs bībagwānuma lāk Joppa, kā gākī sī sa numūqā Simonk klā yikā aulāk-klelek Peter :

6 Ga-īklilī lākā numūqī Simon kā kwazagīla inūk, yikā nuhwākstā-līsas gūqī lākā klamā īs.

7 Wa gil mī sī da puglum nūqī yikā yāku-gātlāk lā, la ās klilāla kā mālūqī lākīs iākulil-gisī, hī mī sa ekī bagwānum soldier gayūtlī lākī da iāāksīlek hīmunātlāmā ;

8 Wa gil mīs itaula nāhwā sīk lāh dākḡwuk, la yālāk īdis lāk Joppa.

9 We lākī da tlīnsā, yiks lāh dākḡwa ī kenāqila, lāh dākḡw īhiātl lākā gūqilā, lī Peter lāgūstau lāk ūgwesa sa gūq kās hawāk-ulī, lākī da le kunt kḡklazā-kuklilā gīlā :

10 La ās pūsḡuh īdā, la hīmāik īdā : we yiks lāh dākḡwa ī wāh uk-īd kā humes, la mīkāklila ;

11 La dūqilā kā īkī ukulisā, gāka ā sā bunūtlilā wāzūze mūqunkūlis woksunkiyī kā mūzāk yīks gāka ī zunqākūyū lāk_{wā} bunīk awīnāgwīs :

12 Yīk gīzauya ā sā sī da nāhwā um kās qīxdum gilga-ūmatsa awīnāgwīsīk glu wa pīpāklūmasa sa īkī :

13 Gāka ā sa nīkiālek, glāk-wīdaga Peter ; kilāh-īdaga kās humh-īda ūs.

14 Au mī sī Peter nīkia, qālā hyin Gīkumāye ; kāk gin kīsī gin hāmāksāla inūkwuk yāksāmā glū kīlkiltīma.

15 Wa la ās īzāqā sū sa yākuntālek, yīk le ekiā mātsū sa Ike Gīkumī, qālā yākmūtāk.

16 Yūdūh pun gitl tsīla sūq : la āsī da gāk dī wāzūze la aīkia-ākā lākā īkī.

17 We yīks la ī Peter sunyā-īkulāk qībātla asa sīs dūqitlī, dok, kī da bībagwānum yālākums Cornelius, la um wuglanum āk gūqas Simon, glāk_{wum}staulīs lāk klāsāziyā sa tihyilā,

18 Wūklālā kīsa ī Simon yīkā aulāk klelek Peter, hī gāk lī.

19 Wa yīks hī mā ī ātlā ī Peter gīga-īkulā kīs dūqitlī, lī da Spirit nīk yīk, dok, k_{wā} yūdūqīk bagwānum āle lūkl.

20 Wīga glāk-wīdik kās lā kā ūs, kās lā ūs gla wūk, kīyos wiyūqiziyā : kāk gin nūgwāmī gin yālākum nūq sūk.

21 Wa la mī sī Peter bunīstā lākā bība-

gwānum, la nīkia, dūk-wīdas, nūgwā ums āle sū wūs, mā sīs gāgikītl dākwa ?

22 Lāh dāk_w nīkia Cornelius yik_w gīku-māya sa soldiers, ekī bagwānum a, kilidinūq ka ā sa Ike Gīkumī, khātl kād ek yisa nāhwā līlqilāklī sa Jews, uk_{ki}āla sū sa Ike Gīkumī yisa ekiā paglum nūq kās yālākum nūqī lūkl kās gākā ūs lāk gūqas, kās hūklīlīk wātlidumā gāyūtl lūkl.

23 La klīlīklāk kā hī mīs mīkī : wa la tlinsā la glāk-wīd la ās glūh dāk_wī, lī da wa-ūqī nātlnumwiyūt gāyūtl lāk Joppa lā gla wī, kā wa-ūq maulas.

24 We kī da la tlinsa lāh dāk_w lāzaulīs lāk Cæsarea : la mī Cornelius izītl nākiātlāh dāk_wwuk, la um klīlānum a kīs mīmā-umkiūt gla wīs glīglaglaula nīnumūqā.

25 Wa gil mī sī gākī Peter la-īklila, hīgīlītl mī sī Cornelius kās le lāk ehwākums, hum-hwālītl lāk gūgwayaus kās zilwāk-idīk.

26 Au mī sī Peter dāgūstau lītlāk, nīgītauyā, glāk-wīd ; au mī gin ūgwākā um bagwānum kāla mā.

27 We yīks la ī yaīkuntāl gla wī, la la-īkla, la dūk-wāklilā kā gākī ka-ītlā.

28 La nīk lāh dāk_wwuk, kauklilāh dāk_w ma ākūsā kīks kīs zīmasa īda bagwānum ī yīkā Jew ī kās bākiaulī glū kās gākī lākī da numūqī gayūtl lākā ūgwila līlqilāklā-yā, la

mīs glin nītlā sū sa Ike Gīkumī kun kīyosī
kāmāla mūdum lāk nāhwā bagwānuma.

29 Hī um ka ā wī sin gāk gītli kīyos
wātldumk gin le gin uksū kun gākī ; hī mī sin
lāgītli wūklā, mā sīs ākītli dāk wā kun gāka un.

30 Lī Cornelius nīkia, mūksī nālā la hiyākā
lākun hawāk-ulāh dum nāhwa lākun gūqīk,
le gin dūk-wāklilā kā bagwānum glāk wumā
lītl gākun kwukutli-māla kinātlīs kūkzau-yī,

31 Nīkia, Cornelius, la mī wūglitlīs hawāk-
ulā ināyūs, la um ka ā wī sīs wākule-yūs
khātla sū lāk dūqītla sa Ike Gīkumī.

32 Yālāk-idāyū nūq laga lāk Joppa, kās
klīlāla ūsāk Simon kā gākī sī lūkl, yīk aulāk-
klelek Peter ; ga-īklilī lāk gūqas Simon kā
kwazagīla inūk wā, lākā nuhwākstā līsā kā
klamā-is.

33 Wa hīh-id gītli mun yālāk-idāyū nūq
lūkl kās gāka ūs, la mī sīs ek yīks gāka ā
kūs : wa hī mī sunūh wīlā gītli um gākī
qizītli lāk dūqilā inī masa sints Ike Gīkumī
kunūh hūklilīk nāhwe la zaw yūkl kās
wātldum ūs yīs Gīyā.

34 Lī Peter yākugātli kās nīkī, aula kias ū-
um, yīk gin le gin dūqila yīkīks kīsā ī qayū-
bus zī nūqunts Ike Gīkumī kās ek sū wā :

35 Hī mā ā kū glā sī da kilīdinūqā sī glū
nukādī lākūk nāhwāk līlqilāklāyā ek-āgīsī

36 Yīkī da wātldum ī zaw yūtl tsints Ike
Gīkumī lāk sāsūm as Israel khālā gīla matsa

ek zigālum yis Jesus Christ, hī um Gīkumīs nāhwā.

37 Yikī da wātldum ī kauklilāh dāk_w um sīk, yikī da lūtli gwītl-ālīzum lāk nāhwā Judæa, gāyābal lāk Galilee, ātla-kāwī sa baptize īnāyī yik khāla-gīlā-yaus John; ya-um_k Jesus as Nazareth.

38 Qih-īda asa sī da Ike Gīkumī yiks la ī gwukuk klīla binduk yisī da Holy Spirit gla wī da tloqīmas : hī mīs lūtli lelelāgilīs ekīs qīgīlas glū hīlnāqilā mas kī da nāhwā tlālā-wotlila mātsūs Satan, kā ī da Ike Gīkumī yiks kupetla ūtla gla wī.

39 Wā nūgwā mī sunūh dūqilāk gada nāhwāk qīgīlas wūtli tsī lāk awīnāgwīsā sī da Jews gla wī Jerusalem, hī mīs lāh dāk_w kād kīlāh-īd tsūs tīq-wāklilūdīs lākā glaīs.

40 Hī mīs la qīlāh-īdā matsū sa Ike Gīkumī kī da la yūdūhwuksā nālā, la zaws kā dūqitlīs,

41 Kīs wīlī da nāhwā bagwānum dūqilāk, hīga mī da qātlila mūtli dokugwānum uke mūtli-ts Ike Gīkumī, yamunūh, nūgwā mī sunūh lūtli humāp glū nākā gla wī yiks lā ūtla qilā-gilīsa.

42 Lūtli nīk kunūh khāla-gīlī kā nāhwā bagwānum, glū kunūh yākuntīs yikīks hīma ī da qātlila mūtla iākī sints Ike Gīkumī kās dādilitī-kl kā qilā gla wā tlilī.

43 Hī um qayū sī da nāhwā prophets lākīs wātldum yikīks hīma ī glīkumā sī dīgīklilūd

gītł kluk yekīnāyā sī da nāhwā kla bagwā-num-kl ūqis-kl kī.

44 We yiks kīs ma ī kwītł-ālītł Peter gākā ā sī da Holy Spirit lāh dāk_w kī da nāhwā wuklilā kī da wātldum.

45 Wa yih dāk_w kī da gāyūtł lākī da circumcision yih dāk_w kī da ūqisī la kunyāsā, wāka-ās māsā sī da gākī glū Peter, kā iks la ī gwukwutł-zūyū wī da Holy Spirit lākī da ātl-ūgwuk sumāq ūgwākā mā.

46 Kā iks lāh dāk_wā ī wūklilāk yākuntālāh dāk_w sa ūgwila um yākundāsā, glū zilwākā kā Ike Gīkumī.

47 La ās nīkī Peter, ungwī kīs lā kā hītł-khāla lāk_w kā wāp, kā kī-kiasītł dāk_w lāk sūk da baptize ā, yikwā lāk gākā tsa Holy Spirit ūgwākā nūgwunts qīh-īdī.

48 La wekāk kā wegīs baptize dāk_wā lāk glikum as Jesus Christ : wa lāh dāk_w hawāk-ulāk kā hīmā wīs glīs lī.

CHAPTER XI.

WE yikī da apostles gla wī da nātlnumwi-yūtī yikī da hī lī Judæa la khālā kīks la ī da ātl-ūgwuk sumāq dādālā kā wātlduma sa Ike Gīkumī.

2 Gil mī sī Peter gāk lāk Jerusalem, yih

dāk_w kī da gāyūt_lī lākā circumcision kātāp
gla wī, nīkia,

3 Lek de kū_s lākā bībagwānuma kīs cir-
cumcise-zuqā, las humāpt glūh dāk_wī.

4 Au mī sī Peter ek um gebindā āyūzūd
tsa wātldumī kāh dāk_wī, nīkia,

5 Hīh-īdin lī da gūqila lāk Joppa lin
hawāk-ulā; we lākun lā-īnayī mīk-āklila lin
dūqila kun dūqit_lī, kā gākī gākā kā hī qīx
yāwābizū-zī zunqākā-līzum mū-umqunkul
geh-īd lākā īkī.

6 Hīmīs gāk gāk-āklil gākun: hīmīsin la
dūqātla sū wī, lin dūqilas kā gilga-ūmasāk
sa awīnāgwīsīk, gla wā āklizis gilgā-ūmasā,
gla wa gilsgil-gilīs munīkwīk gla wa pīpā-
klūmasāk sa īkī.

7 Lā ka un wuklilā kā nīkiāle gākun,
glakwīd Peter; kīlāh-īdaga kās humh-īda ūs.

8 Aumīsin nīkia, qālā hyin Gīkumāye, kā
īks kīyosa ī yāksum gla wī kīlkiltīme lākuzi-
īnūkwun.

9 Aumīsī nīkigāt_lī da le izāqā lākā īkī,
yīkī da le ekiā mātsū sī da Ike Gīkumī, qālā
yākmūtāk.

10 Ga mīs yūduh punā yūq, wa la dungū-
stūyū itīdāyau lākā īkī.

11 Wa dok gāk ma ā kū gla sa yūdūqī
bībagwānum glāk_wūm staulīs kā gūqunūh
uk-āsā, yālākum geh-īd lāk Cæsarea kās
gākī gākun.

12 Lī da Spirit uk kun le glūh dākwi kīyos awilā māt̄sū-wa : Ga mī sī gada ku-kloqik nātlnumwiyūtā lā gla wun ; lānūh la-īkl lākā gūqa sa bagwānum :

13 Hī mīs la nīgats gākunūhwā sīs dūk-wāklilā ināyā kā paglum nūqī glā wītl lākīs gūqī, nīk lāk, yālāk idaga lāk Joppa, kā gākīsī Simon ā, yikā aulāk-klelek Peter ;

14 Hī mīs lā-kl nīk klūklā sa wātldum kla, yikīs lāgītl klā ūs qāqila-āq klī wīlā-kl, gla wūs gūqā kūs.

15 We, hī mī sin ātlī yākuntāla gilitlī, gāka āsī da Holy Spirit lāga-āklila lāh dāk-wuk, la umk gīga-āklilas as gākuntsāks gālā ūtla gākā.

16 Wa, la mī sin mulqilā umk wātldumā sints Gīyā, yiks lā ūtla nīkia, aulī John baptize tsā wāp ; lāh dāk-w mīs glas baptize zuq-kl yisa Holy Spirit.

17 We, kū zawe lāk lāh dāk-wuk kī da zaw yī gākunts sā Ike Gīkumī ūgwākā, yik gints gālā ūtl gints ūqis-īda kunts Gīyā ī Jesus Christ, ungwā zin kun le lākun kākā-dālā kā Ike Gīkumī ?

18 Wa gilh dāk-w mīs wuklila kīk, lāh dāk-w qīklātla, lā kād hyāshyīlāk kā Ike Gīkumī, nīkia, lamā īglī da Ike Gīkumī wāk-id ka ākā ūgwuk-sa-māq kā ūgwākīs māyātas yekīnī kās qile.

19 ¶ Lāgītl dāk-wa sī da lā gwītlīmīstā

lak la-ināyas tlālāwotlila gāgemāl lak Stephen lā hī aulāgīlī wālātla āsas Phoenicia, glū Cyprus, glū Antioch, yākuntālā sīda wātldum ī lākī da Jews hīgāmā.

20 Lā glā tī da wa-ūqī lāh dāk̄wuk gāyūtī lak Cyprus glū Cyrene, hīmīs, yīks gāk dāk̄wa ī lak Antioch, yākugātl k̄ā ākī da Greeks glīksālas Gīyā ī Jesus Christ.

21 Wa lamīsī da ayāsau sī da Gīyā numā-nāqilā glūh dāk̄wī : wa la kīnum zī kiasī da la qestā lak Gīyā kī da ūqisī.

22 Wa gāk zikiālum lakī da church yikī da hī gāk lī Jerusalem : lāh dāk̄w yālāk-īdis Barnabas kā les lāga-āklil um lak Antioch :

23 Yik, yīks gāka ī, lā ī dūqilāk egalaze sa Ike Gīkumī la ekīkulā : wa tloqāl wekīgī lāh dāk̄wuk nāhwā, kā tloqīmas dāk̄wīs lākīs lāh dāk̄wī naukī ulātla lakunts Gīyā :

24 Kā ekīnas bagwānuma, kūtā k̄ā Holy Spirit glū ūqizālazī ; la kīnum ī da bagwānum la ginwīgind kī da la ūqis kunts Gīyā.

25 Wa la ās kās le lāla ā lak Tarsus kās āle yik Saul :

26 Wa gil mīs khāk, gākīs lak Antioch : wa lāh dāk̄wa ās sunūklīla k̄ā numk unk kāpīkū-nāhwa gla wī da church, lāh dāk̄w kākūklā mas k̄ā kīnum bagwānum ; hī um k̄ā ā wīs la gil glīk-īda ās k̄ā disciples yīs Christians lak Antioch.

27 Wa hī mīs la gāk dumh dāk̄w sī da

prophets gāya-nāqil lāk Jerusalem gāk lāk Antioch.

28 Wa hī mīs la glāk-wīda ā tsa numūqī lāh dāk-wuk glīkādīs Agabus kālāgīlā matsū sa Spirit yikīks wālas ī klī da paula kla lākā nāhwā awīnāgwīs : hī mīs aul gāk la hī qīh-idī lāk bagwānumh dum ūtlas Claudius.

29 Wa lī da disciples wālumgiq nīk kās hutlāks zum nūqī kā zawe kā nātlnumwiyūt hī lī Judæa :

30 Yik lāh dāk-w mī qīh-īda as dākws, hutlāks-ts lāyū lākā qilsqilyāq da-āqs Barnabas glū Saul.

CHAPTER XII.

HIMIS lāh dum ūtl-ts Herod kā king sāh-id kīs āyasū kās tlālāwotl-īdā masī kī da gayūtli lākā church.

2 La kīlāh-īduk James yik nūles John yisa qīkāyū.

3 Wa gil mīs la dūqila kīks ek-āgiyā ā sa Jews, la ā ka ās dāh-īdik Peter : wa hīmīs nīnāla ākīlāh dum kī da kīs bābā-waāq qinīq.

4 Wa gil mīs la lo-kluk la wulh-īduk, la zaws lākā mūqī soldiers kā kākālālīk ; nīk kā he klis lā-kl qātl klī da Hayākutl-tsumāyī kū lā-kl gāk-kl nītl-īd klis lākā līlqilākli.

5 Hīmīs lāgītł-ts hīma wīs gla lī da wā-lazī : lamā ā glā sī tloqīmas hawāk-ulā gītł kī da Ike Gīkumāyā yīsī da church.

6 Wa gil mīs la wāh nānītł-īda ī Herod as, hīmīsī da kănūkl mīkāh dums Peter lāk nākāwāya sa mālūq soldiers, wulq sa mātł zāk kulka-hyaula : kākālāla sū um ka ā wī sā wālazī lākā klāsāziyā sa tihyilā sa wālazī.

7 Wa dok, kī da paglum nūqa sī da Gīyā glāwunūzī lītłuk, subītł ka ī da qukātla lāk wulilas as : la klāqilītłāk kās gwīh-īdik, nīkia, glāk-wīd hānāk-wīd, lī wulwulk zānāyas kulka-hyaula tikumgālītł lāwe lāk āyasaus.

8 Lī da paglum nūq nīk yik, wusīh-īda, glū kās yītł-tsīzunda ūs ā sūs tībāyau kūs : la mīs hī qīh-īda : la nīk yik, nuhwundaga tsūs nuhwunāyā kūs, kās lega ya ūs gākun.

9 La lāwils, la legīk ; wa kīs tā kauklila kīks aula mā ī qīh-īda āsā sī da paglum nūq, wūtł-um nīnkīkul au-um dūqītł nūq ungā.

10 Wa gilh dāk w mīs la hiyākā kī da mātł zakusī kākālālā sā, gāk dāk w gāk-āklil lākī da zik-un tihyilā kī da la qāqīyaākās lākā gūqila ; yikī da qilīgils mī ukstūda kāh dākwī, wa lāh dāk w lāwilsā, la hiyūtłil lākā num zakusī tihyilā ; wa hīh-īdā mīsī da paglum nūqī bos.

11 Wa gil mīsī Peter la nunwākīk-īda, la nīkia, la mun aula kīāl kautl-āklila yikīks la ī Gīya yālākīd tsīs paglum nūqa, la mīsī

qāqila-āqil gākun lāk ayasaus Herod glū lākī da nāhwādī nunḵia-ikī sa Jews.

12 Wa gil mīs qātl gīga-ikula kīk, gāka ās lāk gūqas Mary yik abump as John yikī da aulāk-klelek Mark; yik gākī kāpīkautla ā tsā kīnum ī hawāk-ulā.

13 Wa gil mīs mihiytl-tawī kā tihiyle sa klāsanaui, zāzādākum tī da gākī lākā tihiylā glīkādes Rhoda.

14 Wa gil mīs mātl-tīks dind kīks he ī Peter, la ās ek-kīs ukstūd kā tihiyla kā is ekīkāyī au-um zilwīklā, nīk kīks glākwstaulisa ī Peter lāk klāsāziyā sa tihiylā.

15 Lāh dāk w nīk kā zāzādākum, la ums nūtlumātla; au mīsī da zāzādākum aulākial nīk kīks aulama is wātldum ī; wa lāh dāk w nīkia, yū dūk bahwanāyā ḵusī.

16 Au mī sī Peter hānātl mihiytl-tauyā: wa gilh dāk w mīs ukstūdā, lāh dāk w dūk-wāklilāk, lāh dāk w kunyāsā.

17 Aumīs, kīklā sīs ayāsū lāh dāk wuk kā ḵwīklātlāh dāk wīs, nītlas lāh dāk wuk yīs qīh-īda asas Gīyāks lā ā gāka-wilsā masuk lākā wālazī: la nīkia, nīk la tsūk lāk James ā gla wa nātl-numwiyūt: wa la kās-īda, kās le lākā ūgwila um awīnāgwīsā.

18 Wa gil mīs nāh-īda, la ās kīs hulī bīdawī da qelīhye sa soldiers yīs qesta-ās as Peter.

19 Wa gil mī sī Herod wāh ālīh-īdik, la

kīs khāk, la wāklīlēlāh-īd kā kākālāla, la wekā
 kā kīlāh-īd tsūh dāk̄wīs kās tlilī : wa lā lāk
 Cæsarea geh-īd lāk Judæa, wa hī mīs gāk
 wālatlī.

20 ¶ Wa lī Herod yāksāmīs naukāya kī
 da gāyūtī Tyre glū Sīdon : wa gāk dāk̄w
 numāh-īd lāk, yīks lāh dāk̄wa ī glāglīglaula-
 āh īdik Blastus yīk hīlūbātlzānāyā sa gīku-
 māyī, uk̄kīalāh dāk̄w kās ek-īdagī, kā īs
 humgīlā sūwīnā-yas yīs awīnāgwīsa sa gīku-
 māyī.

21 We lākī da la glīkuq nālā, lī Herod
 qālunq sīs gīkdumkīnī qītlqela, la qāh-īd
 lākīs qāhdumā, la yākugātl lāh dāk̄wuk.

22 Lī da nāhwā bībagwānum hāsil nīkia,
 god kīgātl, kīs bagwānum zīsā.

23 Wa hīh-īdā mīs kīlāh-īd tsū sa paglum
 nūqa sints Ike Gīkumī, kā īs kīzīnāyī zaw sī
 da hyīlālazī lākunts Ike Gīkumī : la humh-īd
 tsū sa ābānī, la tlilā.

24 Aumīs glī da wātlduma sints Ike
 Gīkumī hiyūlisa la hīlūk-hīlūqīs wākā ās.

25 Lī Barnabas glū Saul hwīlākā geh-īd
 lāk Jerusalem, yīks lāh dāk̄wa ī qātlā mas kīs
 uk̄sūwī, la uk̄-īduk John kās lī numāmaul gla
 wī, yīkī da glīkādes Mark.

CHAPTER XIII.

WA la mīs hī lī da Church yīkī da hī gāk lī Antioch prophets glū kīkākūklā-masa, Barnabas glū Simeon yīkī da glīkādes Niger, glū Lucius as Cyrene, glū Manaen yīkī da numā-gūstaulāq aāk̄sila sū glū Herod k̄a tetrarch, hī mī sī Saul.

2 We yīks lāh dāk̄wa ī aāk̄sila lākī da Gīyā, glū kīs humāpā, yīkī da Holy Spirit nīkia, ūgwa-āklilūdats Barnabas glū Saul gāk̄un, k̄a ī da iāk̄ulā yīkun le klilālas dāk̄wuq.

3 Wa gilh dāk̄w mīs kīs humāp, lā k̄a ā hawāk-ulā, glū kluk̄wuk-klilābunduk, lāh dāk̄w yālāk-īdih dāk̄ws.

4 We yīks lah dak̄wa ī yālākum sa Holy Spirit, lāh dāk̄w lāk Seleucia ; wa geh-īd lāk, lāh dāk̄w gluk̄-īd lā lāk Cyprus.

5 Wa gilh dāk̄w mīs la hī lī Salamis, lāh dāk̄w yākugātł-ts wātlduma sa Ike Gīkumī lāk hawāk-ulāze sa Jews, lāh dāk̄w hīlūbātł-zāna lāk John.

6 Wa gilh dāk̄w mīs la lāhsauk wāskumāsa sa mukiaula lāga-āklil lāk Paphos, lāh dāk̄w nukā k̄a numūqī puk̄ulā dūkzas bŭtla Jew ā, glīkādis Bar-Jesus.

7 Yikī da kupetla gla wī da hānāgaze sa awīnāgwīs Sergius Paulus naukād bagwanumā, hī mīs klilālāk Barnabas glū Saul kā gākīs, la nīk kās wuklilīk wātlduma sints Ike Gīkumī.

8 Aumīs wāhyī Elymas kī da pukulā (hī um glīkum sī) kākādālāk, wāh nīk kā tlūhwī sa hānāgazī yīsā wātldumī.

9 La āsī Saul, yikā Paul klā, kūtih-īd kā Holy Spirit, qīkumh-īd lak,

10 Nīkia, A kūtāk nāhwā kwīkula-lazī glū nāhwā yek-kla ināyā, yūkl kwanūqs Satan, yūkl klīsīlāk nāhwā egālazī, kīzau klas qālī-nūk-kl aūza-ākula mas kluk ekia-nukā qaīnī sī da Gīya ā?

11 Wa dūqātla laga, la mī ayāsau sī da Gīyā, dāga-āklila klūkl, la mī sis la pupās-kl, kīs la dūqilā-kl ka klīsīlā kī da numātl-kla ūs hīh dum qetla klī : wa hīh-īdā mīs pudigināqila su wa, la unyā-um kās qestilelas pupāh se kā wātīlāk.

12 We lī da hānāgazī yīks la ī dūqila kī da la qīh-īda āsā, ūqīs-īda, kunyāsas wātldum asī da Gīyā.

13 ¶ Wa gil mī sī Paul gla wīs wa-ūqī glūk-īd lāk Paphos, gāk dāk w lāk Perga yikā hī lī Pamphylia : lī John gwītl-īd glūh dāk wī gāk aīdaākā lāk Jerusalem.

14 We gilh dāk w mīs la geh-īd lāk Perga, gāk dāk w lāk Antioch as Pisidia ; wa lāh

dākw la-īkl lākā synagogue kī da Sabbath nālā, la qāgālītī.

15 Wa gil mīs qātlī da kīakiaduq sīle kī da law gla wī da prophets, lī da īaāksīle kī da synagogue yālākum nūq lāh dākwuk, nīkia, nīnumūq, kāsū wātldum nūqīksdilāk kwā bībagwānumk, wīga yākugātluḱ.

16 Wa lī Paul glākwilītī, kīklilā sīs āyasū nīkia, bībagwānums Israel, glūh dākwūkl yūklāks kilidīnūqa ākūsā sints Ike Gīkumāya, hīlātautlā-la.

17 Yīk Gīyā sūk da hīlqilaklayīk Israel qayū nūq wūtī tsints wī-ūmp wūtla unts kās uk-sū-wā, lūtī īkīstīnd kā hīlqilāklayī lākīs lāīnīh dākw wūtla hī gāk lī awīnāgwīs as Egypt, lūtī lotlzaulīsāk yīsa tloqīmas ayasau.

18 Lūtī ka ī kā mūskum gūstau wūtla kwīsa aāksīlāk lākā lūplabīs.

19 Wa gil mūtī wī sī la hīyīdā mas kā aglabūskumāq wūtla hīlqilākī lāk awīnāgwīs as Canaan, lūtī zaw sa awīnāgwīsī lāh dākwuk kā husesīk, kī da mū punyāgiūtla gla wa sīkīa skum gūstū wūtla kwīsā :

20 We ātlākāwī sīk lūtī zawk yīsa dī-dādalītā īnūk gāk-āklīl lāk Samuel kā prophet.

21 Wa ātlākāwī sīk lāh dākw wūtī ukkīgātī kās gīkumāya : lūtīnts Ike Gīkumī zawk yīs Saul kwanūqas Kish, gāyūtī lākā numskumāqī hīlqilākī gāyau lāk Benjamin, kī da mūskum gūstauk unkī-lūtī.

22 Wa yiks lā ūtla klīqaklilū-dūtl kī, lūtlī ukūstūduk David kā gīkumīh dākws, hī mīs lūtl ek-ākīālāsū wūtl tsī, nīkia, la mun dūqilāk David kwanūqas Jessie, bagwānum inī nūqās qayau sin naukāyī, yikī da iākulā klāk nāhwā getla ātsin naukayī.

23 Hī mīs la gāyū-wats iākāyā sints Ike Gīkumī lākīs qātlilā mutla wātldum ā, kā qāqilāk Israel, yik Jesus ;

24 Yiks lā ūtlī John gāl glīks-āla gāgālātl gīwāyūtl tsī yisa baptizīnāyas māyātālazī lāk līlqilāklīs Israel.

25 Wa yiks lā ūtlī John tupstū-nāqilā mas kīs gākīnā yūtla, lūtlī nīkia, ungwun lāh dākwūkl? kīsin nūgwa : wa dūqātlālaga hyī glākl, gāk mūk da numūqāk gākīgī-kl gākun yikun kīsāk hītlū-was kun qītl-īdīk tībayau kusū.

26 Bībagwānum glū nātlnumwiyūt sāsums gayū wūtla lāk Abraham, glū ka ūk da gīkayāk lāh dākwūkl kilīdinūq sints Ike Gīkumī, sū um gāgāk ā āts gada qilā-gīlāk wātldum ā.

27 Kāh dākwi da hī lī Jerusalem glūh dākwis gīgikumāyī, kā is kīzīnīh dākwi kauklilūtl Kī, kīs ka ā kī da wātldum ūtla sī da prophets wūtlā yikī da kīākīaduq sīla sū wī kā nāhwā um sabbath nāla, lāh dāk w um qātł-tsīsta masuk lākīs lāinīh dākwinā yūtla wekula kā tliles.

28 Yikīks wāh dāk w ma ūtla kīyos sīnātuk

kā t̄lilgīt̄lis, lāh dāk̄w wūt̄lī wekulāk̄ Pilate
kā k̄ilāh-īd tsū wīs.

29 We gil̄h dāk̄w mīs la wīla qāt̄lā mas k̄ā
nāhwā k̄iaduq̄ kā q̄ih-īda āsū-gwīt̄l wūt̄l tsī,
lāh dāk̄w ukāk̄ūd̄uk lāk̄ā gla-īs, kās lī uk̄zau-
līsas lāk̄ā wunumdas.

30 La mūt̄l wīs glī au munts Ike Gīkumī
glāk̄wilīsā masuk lāk̄ā t̄lilī :

31 La mūt̄l wī sī dūqit̄l k̄ā k̄inumī nāla yih
dāk̄w sī da gāk̄ī gla wī geh-īd lāk̄ Galilee gāk̄
lāk̄ Jerusalem, hī mīs lāh dāk̄w k̄ālāgīlā matsī
lāk̄ī da l̄ilqilāk̄lāyī.

32 Lamī sunūh gāk̄ sī da ekī zik̄iāl̄um lūkl
yik̄ la q̄ih-īdaātsī da wāt̄ldum ūt̄la k̄ī da wī-
ūmp wūt̄la,

33 La mā ī da Ike Gīkumī qāt̄lā masuk
gāk̄unts yintsāk̄ gints gāk̄īg sās̄um ūt̄l tsī,
yik̄īks la ā q̄ilāh-īdā masuk̄ Jesus īt̄ida ; la
umk̄ k̄iātāt̄la īnī mas lāk̄ī da psalm māk̄ilā k̄ī
da gālābī klila, Sū mun K̄wanūqs, la mun
loglānum ūklā kwā nālāk̄.

34 We lāk̄īks lā ā q̄ilāh-īdā masuk̄ lāk̄ā
t̄lilī, la mī k̄īs la hwilāk̄ā kās le lāk̄ k̄āt̄l-īdī,
nīk̄ wūt̄l-ts gāda wāt̄ldumk̄, la mun zaw klū-
klā sī da wīwāk̄ilāyū ekīla-yū wūt̄luk̄ David.

35 Kā īks nīkia ūt̄la lāk̄ā numī psalm,
k̄īsī klā kūs hīt̄lkālā-kl k̄īs Aekīlāqa ūs Māyā-
untla kā dūk̄-wāk̄lilī sīk̄ k̄āt̄l-īdī.

36 Kā David, yīks lā-ūt̄la qāt̄l lāk̄īs bagwā-
numk̄ dum ūt̄la aāk̄sīlāk̄ wāt̄ldum īleles Ike

Gīkumī, lūtl mīk-ālīsā, la wunumtītsū lā-yū lākīs wī-ūmp wūtlā, la mūtlī dūk-wāklilāk kātī-īdī.

37 Wa lā glā tī yīk le qilā gilīsā mātīsū sints Ike Gīkumī kīs dūk-wāklilāk kātī-īdī.

38 Wīga kauklilāk yih dāk-wūkl nātī-numwiyūt, yīkīs ga mī gāda bagwānumk lā gītī klīsī dīgīklilūd tsū klī yekīnāyī lākīs la-īnāyā glīks-ālāyū lūkl.

39 We hī um ka ā wīs lā gītī klīsī da nāhwe bagwānum ūqīs Kī, lā-kl hītīlūmūdum-kl ukaukl lākā nāhwā, yīkīs kīyos dāk-wūs qīh-īdaās hītīlū lāwe lāk yīs law yas Moses.

40 Wa wīga yāklauk, āklas gāk-āklilāq lāk sī da wātīldum ūtlā sī da prophets.

41 Dūqātīlāla, yih dāk-wūklākīs qīqāsābusa ā kūs, kunyāsā-kl laga kās hyīsīdī klūs; kāk gīn qīgīlas nūqī ga sin qīgīlas lākūs bībagwānumk dumā kūs; yīkā qāīnāyī yīkīs kīsā las dāk-wūs ūqīzayā, wāh mā ī bagwānumī da nīkias lūkl.

42 ¶ Wa yīks lāh dāk-wā ī hūkūwīlsīla, lāh dāk-w hawāk-ulā kā īzāqumīs gāda wātīldumk lāh dāk-wuk kī da lā klī ītīd-kl sabbath-kl.

43 We yīks la ī da kupa-īklilāk-dī lāwīlsā, kīnum tī da gāyūtīlī lākā Jews gla wī da esekī gāyūtīlā-yāzawātī lākā ātl-ūgwuksumāq lāskumīk Paul glū Barnabas, hī mīs yākūntāh

dākwuk kā kīsīs qātl lākē egalaze sints Ike Gīkumī.

44 We kī da la itīd sabbath ulāk mīs wīlā mī da līlqilāklayī gākā qāpīkū kās wūklilīk wātlduma sints Ike Gīkumī.

45 Wa gil mī sī da Jews dūqilāk wākā-āsā sī da kīnum ī gākā, lāh dākw kūtāk klīkā, la kākādāla kī da wātldum as Paul, yākpākstā kād.

46 Wa lī Paul glū Barnabas tloqīmas īs yākuntāla ināyī, nīkia, kīyosa as qīh-īda āts īs sū-um gilzāqā sūs wātlduma sints Ike Gīkumī, las au-um kītātlāk qāsā qilīx-um kūs bībaqī-nayā kūs hītlū uknūgwādis hīmunīsa qilā, lāgītl unūh qīkumh-īd lākā ātl-ūgwuksumāq līlqilāklāya.

47 Kā īks hī ma ī wātldums Gīyā gākunūh nīkia, la mun uk-āklilūdūs kā nāqātlasī da ātl-ūgwuksumāq līlqilaklaya, kās nālāh-īda ūs lāga um lāk ī-awunkīlīsāk sa nāhwāk awīnāgwīsā.

48 We gil mī sī da ātl-ūgwuksumāq zīs wūklilā kīk, lāh dākw ekīkulā, zilwāk-īduk wātlduma sints Ike Gīkumī: wa yīk wākāās māsī da qātlilā mūtla iākī kā qesta lāk hīmunīs qilā ūqīs-īdā.

49 Lī da wātlduma sī da Gīyā gwītl-īd lākā nāhwā awīnāgwīs.

50 Lī da Jews yākuntīd kā zīdākī aulākīāl tlāhwilā nūq sints Ike Gīkumī tla-ul-wīnī kā

is zīdākīnāyī, gla wī da gīgikumāyī bībagwā-
numa lākī da līlqilāklāyī kā mūmas-īd tsū
wīs Paul glū Barnabas, kā qīdīs lāk awīnā-
gwīs dākwas.

51 Auh dāk w mīs kītlūd kīs tītih-sīzāyī
kāh dāk wī, gāk dāk w lāk Iconium.

52 Lī da disciples aul ekikula kūtā ka ā
kā Holy Spirit.

CHAPTER XIV.

WA lāk Iconium, yīks lāh dākwa ī hamātlau-
la la-īkl lākī da synagogue ā sa Jews, we kā
is yākundas, lāgītł-ts hī wākī da ūqīsī gāyūtł
lākī da Jews glū ka ī da Greeks.

2 Lā glā tī da Jews kī da kīsī nīk kās
nānākīgayī yākuntīd kā ātl-ūgwuk-sumāq,
la yāksāmā masuk nīnaukīh dākwas kā ī
da nātlnumwiyūt.

3 Ketla gītł dāk wās lāk tloqīmas yākun-
tāla lākī da Gīyā, yīkī da nītlas wātldum
as egālazes, zaw sa mīmāmātl-tīkīayī gla wa
kīkunyāzum ī kā iākulā sūs ayāsūh dāk wās.

4 Lā glā tī da kīnum ī bagwānum lākī
da gūqila mātl zātla; qīwiyī da wa-ūq lākā
Jews, laāsī da wa-ūq qīwe lākī da apostles.

5 Wa gil mīs kwīkwākūh-wīdī da gāyūtł
lākā ātl-ūgwuk-sumāq gla wī da gāyūtł

lākā Jews glūh dāk̄wīs gīgikumāyī, kās mūmas-īdīk, glū kās tīsāpuh dāk̄wīk,

6 Lāh dāk̄wa ās kaukl-āklilāk, lāh dāk̄w hītł-tsau lāk̄ Lystra glū Derbe gī-gūqila nātł numskumāqa lāk̄ Lycaonia, gla wī da awī-nāgwīs yikī da hī lī da awīstālīs :

7 Wa hīh dāk̄w mīs la glīksāla tsī sa ekī zikiālum.

8 We lāk̄ Lystra kwātłi da numūq bagwānum tłitlilkinīs gūgwayū, qaqās geh-īda um lāk̄īs gilīnā yūtł māyūglum sīs abump, hī we k̄a um kāsīda.

9 Hī mīs wuklilāk̄ Paul yiks lā ī yākuntāla, la dūduks-unduk, dūqila kīks uknū-gwāda ās ūqizalazī kās hītł-tsīstund tsū wī,

10 Nīk, hāsīlā, glāk̄-wīdaga : la mīs glāk̄-wīlsa la kāsīdā.

11 Wa gil mī sī da kīnum bagwānum dūk-wāklilāk̄ la qīh-īda-āts Paul, lāh dāk̄w hāsila nīk lāk̄ yākundas as Lycaonia, gāk̄ munts gāk̄āka ātsī da gī-god hī qīx bībagwānum ī.

12 Lāh dāk̄w glīkulas Jupiter lāk̄ Barnabas, la glīkulas Mercury lāk̄ Paul, kā īs hī-īnāyī hīnūm yākuntāla.

13 Wa lī da labled as Jupiter yikī da gūqumālīs as temple lāk̄ī da gūqila, gāk̄ sa mūsmūs gla wa kwālak-klinī lāk̄ā ūstaulīs, wāh nīk kās kīlāh-īdīk yāqās gla wī da nāhwā bagwānum.

14 Wa gil mī sī da apostles, Barnabas glū

Paul kaukl-āklilāk, lāh dāk_w qāpīt kīs kū-kwumzau-yī, la zilūkā k_a kīnum bagwānum hāsil nīgitauya,

15 Āade, mazīs hī gītla qīgīlī? au mī gānūh bībagwānum kālāmā sū-um qīx as, gākunūhwā sa ek wātldum, kās tlūhwā ūsa sūk da kīyos-īk qayau, kās qesta ūs lākā tloqīmasa Ike Gīkumayā, yīk ūke nūq wūtla sa īkī glū bunīk awīnāgwīs gla wa dumshyīk, gla wa nāhwā hī gāk lī.

16 Yīkī da lākā qelākde kī da hītlkālūt_l k_a nāhwā līlqilāk_l kāzīt_l-tawī kīs hus dāk_wāk qayū kās la-āsā.

17 La mīs glī kīs wākmūta um kīyos kālāgīla-matsī, lākīs wāk-īnāya, lā ūtla ūkī nūq sa yūgwā, gla wa qāqu_k-unkāk sa qāsqu_kulāk, kās humgīlāyū lūkl glū k_a egim sūs nīnaukāyā kū_s.

18 Gestā um wātldum sīk hulsila um lo-glukstāyū sī k_a kīnum bagwānum k_a kīsīs hī qīh-īdīs qāqaya-as kāk dāk_wī.

19 ¶ Wa gāka ā sa Jews lāk gāya-nāqil lāk Antioch glū Iconium: lāh dāk_w yākundiqlā k_a kīnum bagwānum, lāh dāk_w tīsāpīh-īduk Paul, nīk-wutl zaulīsāk lākā gūqila, wūt_l-um nīk yuk, la um tlilā.

20 We yīks lāh dāk_wī da disciples k_we-stālāk, la glāk_wilīsā la lāzaulīs lākā gūqila: gil mīs tlīnsā, la lotl_zau glū Barnabas kās le lāk Derbe.

21 Wa gil mīs la yākuntāla sa ek zikīālum lākī da gūqila lāk, glū la kīnum is la disciples sā mātswā, lāh dāk_w hwilākā lāk Lystra glū Iconium, glū Antioch,

22 Ulga-āklilūdālā kī da disciples, yākuntāk kā hiyūlisīs lākī da ūqizālazī, glūks kīnum ī klī da tlālāwotlilas kla unts lāk-sū wās-kl, lākunts la inī la-īklī lāk Gīkāsa sints Ike Gīkumī.

23 Wa gilh dāk_w mīs la glīka nāqil kā qils-qilyāq sī da nāhwā church, glū la hawāk-ulā, lāh dāk_w zawk dāk_{ws} lāka Gīyā yik la ūqizik dāk_{ws}.

24 Wa lāh dāk_w kātsau lāk Pisidia, gāk dāk_w lāk Pamphylia.

25 Wa gilh dāk_w mīs qātl nīk sa wātldum ī lāk Perga, lāh dāk_w lākālīs lāk Attalia.

26 Hī mīs la geh-īda ās dāk_{ws} yiks lā ī gluk-īd lā lāk Antioch, geh-īda ās dāk_w wūtlā sīs la ūtl hawāk-ulyū lāk egalaze sints Ike Gīkumī kā ī da iāk-īnayī kīs lāh dāk_{wī} qātlā mātswā.

27 We yiks gāk dāk_{wa} ī, la kāpīkūhwīd kī da church, lāh dāk_w itaulāh-īd sī da nāhwā qīgīlat sints Ike Gīkumī yih dāk_{ws}, glū qīh-īdaāsā sīks la ā ukstūd kā tihiyles ūqizālazī lākī da ātl-ūgwuk sumāq.

28 Wa lāh dāk_w ketla lāk, gla wī da disciples.

CHAPTER XV.

GĀKĀĀ sī da bībagwānumī geh-id lāk Judæa glīks-ālā kā nātl-numwiyūt, nīkia, hīga ma ās kāsū lāh dāk_w-kl circumcised-kl lāk qainā-yas Moses wūtla, kīyos dāk_w tas qīh-idaas qāqila-āqā.

2 Gil gītl māsī Paul glū Barnabas yīks lā ī kīs mānīkū glūh dāk_wi, lāh dāk_w hawekau kā le sī Paul glū Barnabas, gla wa wa-ūqī gayūt_l lāh dāk_wuk lāk Jerusalem lākī da apostles gla wī da qils-qilyāq kā ī da wātldumī.

3 We yīks lāh dāk_wa ī kāyūdāyū sī da church, la lāksaulīsila lāk Phœnicia glū Samaria, zīkiatlilas qestī da ātl-ūgwuk-sumāq lākunts Ike Gīkumī; lāh dāk_w aul ekīkulā mas kā nātl numwiyūt.

4 Wa gilh dāk_w mīs gāk lāk Jerusalem, lāh dāk_w ehwākum yū sī da church gla wī da apostles gla wī da qils-qilyāq, lāh dāk_w itaula kā nāhwā qīh-ida ā tsints Ike Gīkumī yih dāk_ws.

5 La ā sī da gayūt_li lākā Pharisees glāk_wilītlā, yīkā ūqīsī, kās nīkī, wīga hyī circumcise dāk_wā, glū kā hiyāklūla-sū wī sī kā ākīlāh dāk_w lāgī sīk law yas Moses.

6 ¶ Wa lī da apostles gla wī da qilsqilyāq la kāpīkau kās qāqīxālī lāk gāda wātldumk :

7 Wa gil mīs la kīnum ī da wotldum ī, lī Peter glāk̄wilitlā kās nīkī lāh dāk̄wuk; nātl numwiyūt, kauklilāh dāk̄w ma ā kūs yīks la ūtlints Ike Gīkumī lāk̄ā kayūtł wūtla dokūd lāh dāk̄wukl, kā le sa ātl-ūgwuk sumāq khālā gītł nūq sin simsi lāk̄ wātldum ā sints Ike Gīkumāyī da ekī zikiālum ā, kās ūqisi lāk̄.

8 La mī sints Ike Gīkumāyā yīkā kauklile kūk̄ nīnaukāyīk̄, ek-āgīgī umk, la um zaw sī da Holy Spirit lāh dāk̄wuk, la umk qīh-ida ā sā sī gāk̄unts.

9 La numātla mas um gāk̄unts glūh dāk̄wī, ekia masuk̄ nīnaukīh dāk̄was yis ūqizālazī.

10 Wa māsīs lāgītł dāk̄wī kla tlalāwīzilā-kl k̄ā Ike Gīkumāyā, kās lāgītł lāk̄ūs kun̄k̄ūdi-lāk̄ī da disciples yīsī da kīs wūtla unts tlogwum gla wunts wī-ūmp wūtla?

11 La mīs glints ūqis um qāqila-āq-kl yis wīwāk̄buzālazes Gīya ī Jesus, lāk̄ la qīh-ida ās dāk̄ws.

12 ¶ La mīs la nāhwā um au-um la qīklātli da kīnum bagwānum; lāh dāk̄w hūklilāk̄ Barnabas glū Paul la ī itaulas wāk̄a ās wunwunhyisī qīgila tsints Ike Gīkumī lāk̄ī da ātl-ūgwuk-sumāq yih dāk̄ws.

13 Yīks lāh dāk̄wa ī au um la k̄wīklātla, lī James yākugātł, nīkia,

14 Nātl-numwiyūt hūklilāla gāk̄un: la mīk dek̄ sūk̄ Peter itaulas la-īnayā sints Ike Gīkumī lāk̄ā ātl-ūgwuk sumāq, kās le

ukūkūdāla k̄a gayūtli lāh dāk̄wuk k̄a īs glīkum ā.

15 Wa ga mīs nākautla ā tsī da wātldum a sa prophets, lāk̄ kiaduq-īnī mas.

16 Atlākawī-kl tsīk, la mī sin gāk̄ hwī-lākā-kl, la mī sin itū-kl gūq wālīsa kluk̄ gūqas David, yik̄a la klīnīsā; la mī sin hītlīlīsa kla k̄a kuh-kugwīsas, la mī sin ukūstaulīsā kluk̄:

17 Kā lālūkla mī lāk̄ sa ātl-ūgwila bībagwānum k̄a Gīyā, glū nāhwī da ātl-ūgwuk̄-sumāq yik̄i da la glīkād tsin glīkum ī,

18 Nīkī Gīyā, yik̄ uke nūqā sūk̄ k̄a khātli sūk̄ lākī gegīklilā um lāk̄a gālābā yūtlāk̄ sa awīnāgwīs īk̄.

19 Hī mī sin lāgītlin nīkī, kunts k̄īsa unts gitālā k̄i da le qestā lāk̄unts Ike Gīkumī gāyūkaul lāk̄a ātl-ūgwuk̄ sumāq;

20 Kunts auma unts kiātīd lāh dak̄w-kī, k̄a k̄īs dāk̄wī sī glaubālā k̄a k̄il̄k̄iltīma sa k̄īkiāqī hī mī sī wunwakaula, hī mī sa gāyāla lāk̄īs mūqakūd tsa wīnāyī, glū kās k̄īsī nālā k̄a ulqā.

21 Kā īks qātlima ma ūtlī Moses wūtla, glīks-ālīlgizada lāk̄ nāhwā awīnāgwīs a, k̄iākiaduq sīla sū lāk̄a nāhwā synagogue k̄ūk̄ nāhwā umk̄ sabbath.

22 Wa la mīs ek lāk̄i da apostles gla wī da qils-qilyāq glū wīlī da church, kās glīk̄-ukaulīk̄ bībagwānum a gayūtli lāh dāk̄wuk, kās yālāk̄-

īdīs lāk Antioch kupīmaul glū Paul glū Barnabas, yik Judas glīkādes Barsabbas, hī mī sī Silas, mīmākimī bībagwānum lākī da nātl-numwiyūt :

23 Wa lāh dāk_w kīātīdis gāda kās hutlāk_wzum lāh dāk_wwuk, yis gāda ; yikā apostles gla wa qils-qilyāqī nātl-numwiyūt lākī da nātl-numwiyūtā yikā gāyūtla lākā ātl-ūgwuk sumāq lāk Antioch glū Syria glū Cilicia, ī-ākkiāla ;

24 Kā unūh la-īnāyī khālā kī da gāyā-nāqilāh ide gākunūh lā yewīnā-lūklā sīs wātldum a kās kīkā-īkūlī lūkl, yikunūh hīweke nīk sū kās nīkī sīs le wātldum ā ;

25 Ek sta-āqa ī gākunūh-wāk gānūh gākī gānūh kupīh-īd kunūh numā kīgātli nīkia, kunūh dokūdīk bībagwānum ā kunūh yālāk-īdāyū lūkl kupīmaul gla wunūh tlāhwila gānūhwigī ga Barnabas ik glū Paul,

26 Bībagwānum yih dāk_w kā la wākmūtā um la kīlāgizūlīsa sīs bībaqīnayī kā glīkum ā sints Gīya ī Jesus Christ.

27 Lāgītlunūh yālāk-īdīs ga Judas glū Silas, ga mīs lāh dāk_w-kl kād nīk klūkl yis gānūh wātldumk.

28 Kā iks ek sta-āqa ās lākī da Holy Spirit gla wunūh, kunūh kīsa unūh uk-āklilūdis lūkl tlāhwātla kāwāyas gada kīyos ī qīh-īdaās kīs ākīlāqā ;

29 Kās kīs dāk_wā ūs nāl glaubāla kā kīkā-

zīma yāqum kā kīkīaqī, glū kīs nālā kā ulqā,
 hī mī sī da gāyāla lākīs mūqakūd tsū wīnāyī,
 gla wa wunwakaula, hī ums kīs nātl-klik
kāsū a-ekilā lāk kūs bībaqīnāyā kūs, lāh dākw
 klis ek-kl : halakias dākw la.

30 ¶ We yih dākwuk, yiks lāh dākwa ī
yālāk-idāyau, gāk dākw lāk Antioch ; we gilh
dākw mīs la kāpīkū hwīdā mas kā kīnum ī
bagwānum, lāh dākwa ās zaw sa kiaduqī.

31 Wa gilh dākw mīs la kiakiaduq sīlāh
iduk, lāh dākw ekīk-id kā ī da hītlilkul-yū.

32 Lī Judas glū Silas, yiks ūgwākāh dākw
 ma ī prophet ā, yākuntīd kā nātl-numwiyūt
yisa kīnum wātlidum ā, aula-ga-āklilūduk.

33 We yiks lek dī ketlāh dākw lāk, lāh
dākw ek um lā-mātsū sa nātl-numwiyūt lākī
 da yālākum nūq des.

34 Ek āk-tī Silas kās hīk se mī lī.

35 Lā ka ī Paul glū Barnabas wālātla lāk
 Antioch, kākūklā mas glīks-ālāk sīla sa
wātlidum as Gīyā, gla wa kīnum ī wa-ūqā
ūgwākā kād.

36 We yiks lā ī kī-pun hwas lāk, lī Paul
nīk ik Barnabas, wīga hyints hwīlākā lā lākī
 da nātl-numwiyūta lākā nāhwā līlqilāklayā
yikunts lāh īde unts nīgats wātlidum as Gīyā,
kunts lī dūqāk qetla ās dākwā sī.

37 Lī Barnabas nīk kā les ūgwākī John
glūh dākwī, yikā glīkādes Mark.

38 Lā tī Paul nīnkīkulāk kīs ek kās uk-īdik

kā les glūh dāk_wī yikī_ks la mā ūtl hwītla bos lāk Pamphylia, lūtl kīs lā glūh dāk_wī lākīs iākulā sū wī.

39 Wa la kātāpih idih dāk_wā, lāgītl dāk_was la gwīt_l-zā la wāwāk_sa-ākā, lī Barnabas uk₋īduk Mark kās lotā ; la gluk₋īd kās le lāk Cyprus.

40 Lā tī Paul qayūbusuk Silas, wa la kās-īda, la umk dī hawāk₋ulā gītl tsa nāt_l-num-wiyūt, zaws lāk egālazes Gīyā.

41 Wa lā lāksaulī_sila lāk Syria glū Cilicia, aulaga-āklilūdāla mas kī da nāhwā church.

CHAPTER XVI.

WA gāka ā lāk Derbe glū lāk Lystra : wa dok, numūqī da disciple hī gāk lī, glikādis Timothy, kwanūq sa Jew zidākā, yikā ūqisā ; lā tī ūmp as Greek ā.

2 Hī mīs hyāshyilā sū sī da nāt_lnumwiyūt kā hī lī Lystra glū Iconium.

3 Hī mīs uk iksda sūs kā lā gla wī, la uk-īduk kās circumcise idīk kā ī da Jews hī gāk lī da awīnāgwīs, kā iks nāhwāh dāk_w mā ī kauklilāk ūmpā sīks Greek a ī.

4 We lākīs la-īnīh dāk_wī ke-nāqilā lāksau lisilā lāka ātl-ūgwuk sumīs līlqilāklayā, lāh dāk_w zawk yisī da la qāt_llīlāq wāt_ldum ā kā

ākīlā sūh dākws, yikī da ek um la iākīsī da apostles gla wa qils-qilyāq hī gāk lī Jeru-salem.

5 Wa lī da nāhwā church tloqīmas-īdīs ūqizālazī, lā kād kī-nāqilis wāka āsa kūk nīnālāk.

6 ¶ Wa lāh dāk_w lāksau lisilā lāk Phrygia glū Galatia, la um bulā sū sa Holy Spirit kās kīsī yākugātl tsī da wātldum lāk Asia ;

7 Wa gilh dāk_w mīs gāk-āklil lāk Mysia, lāh dāk_w wāh nīk kās le lāk Bithynia ; lā tī Spirit as Jesus kīs hītl-ḵālāk ;

8 Lāh dāk_w hiyākulāk Mysia, gāk dāk_w lāk Troas.

9 La ās dūk-wāglitl nūqī Paul kā nītl īdī lākī kā kānūklī ; glāwītla bagwānum lāk gāyūt_l lāk Macedonia hawāk-ulāk, nīkia, kīlā gākā-wīt_l lāk Macedonia, kās giwāla ūs gā-kunūh.

10 We yiks la ī dūqila kīs dūk-wāglitlī, hīh-īda mī sunūh nīk kunūh le lāk Macedonia, la um kauklilāk gānūh la mīk uk-ḵiāla sū sints Ike Gikumī kunūh le khālā-gilā matsa ek zīkiālum lāh dāk_wwuk.

11 Lā nūh gluk-īd lāk Troas, la mī sunūh nukuk-glāt_l hayūt_llil lāk Samothrace, la tlinsā lānūh lāk Neapolis ;

12 Wa geh-īd lāk lā lāk Philippi numskum-āqī lāk Macedonia, yikā maqumāyas gāyūt_llī

lākā Romans; wa, ga mī sunūh wālātla as mā'wīs gla gada gūqilak'.

13 We yiks lā ī Sabbath nālā lānūh lā-wils kunūh le lāk klāsāzilisa sā gūqila mākiātla um lākā wā, yikunūh qayū hawāk-ulā ās nāhwā, lānūh qisumgālis kunūh yākugātli kā zidākī gāk kāpīkū-nāhwā lāk.

14 La āsā numūqī zidākā glīkādis Lydia, lākulī kā klāqā qītl-qela, gāyūtl lāk Thyatira khātli kunts Ike Gikumāya, wuklilā gākunūh; hī mīs lā ukstūd tsa wī naukāyas yīsints Ike Gikumāya, kās hūklilīk kā nāhwā qāqīx-ālots Paul yiks lā ī yākuntālā.

15 Wa gil mīs qātluks la ī baptize tsū wā, gla wīs sāsūm ī, la hawāk-ulā gākunūh, nīkia, kāsū la um lāk nīkin ek lākā Gīyā, kilāga gākītl lākun gūqī, kās hī ūs gāk lī, la tloqāla gākunūh.

16 ¶ We yik gānūh lek qiyūtlil lākā hawāk-ulās nāhwā, la āsa numūqī nunwālā-qikul hītl-ākās nākū gla wunūh, yikā kīyūklilā kā īs kāgwīdī yīsīs nunwāla-kwālāyū wātldum ā.

17 Hī mīs gāk gāksum īk Paul gla wunūh, hāsil nīgitauyā, yik gāda bībagwānumk ga um hīlūbātlzanī sa Ike Gikumāya, ga mīs gāk nītlūklā sa tihyiles hītlilā-gīle.

18 Hī qīkiālā kā kīk sa nālā, lā tī Paul, la um wīwūzīk-īdis qīkiālas as, qīkumh īd lāk, kās nīkī kī da spirit, la mun nīkiūkl lāk

glīkum as Jesus Christ lāwe laga lāq ; la mīs hīh-īda um lāwe.

19 Wa gil mīs glī k̄agwīdes dūkwāklilā kīks la ī lāwī-yīs qāqenumā-yūk dī, la dāh-īdik Paul glū Silas, kās lī nīka-nāqilas lākā dādālīta ās kās les lākā hīhānāgāzī.

20 Wa gilh dāk̄w mīs gāk̄s lākā hīhānāgāzī, lāh dāk̄w nīkia, yīk̄ gāda bībagwānumk yīks Jew īk, gāk̄ ik kīk̄ā-īkula kunts awīnāgwīs īk.

21 Kākūklā mat sa qīgīlas yīkā kīsī ek kunts dādāla sū wā, glū kunts kātla sū lāk yīk̄ gīnts Roman ī gīnts.

22 Wīlā mī sī da kīnum ī bagwānum hawekau kās kākādālīk : lī da hīhānagāzī qāpumūdūk qītīqelāh dāk̄was, la wekā kā hwisā sūh dāk̄w lagīs yīsa hwiyaū.

23 Wa gilh dāk̄w mīs la kīpīnūstukā yīsā hwiyaū lāh dāk̄wuk, lāh dāk̄w wulgālītlāk lākā wālazī kā ekīs dūqātlāk :

24 Hī mīs, yīks la ī glīks-ālāq, la la-īklas lākā nākukīlītī wālaze, lā wulwulk sīzīnduk gūgwayūk dāk̄was.

25 Au mī sī Paul kī da lekunt nukīgayā hawāk-ulā glū Silas, dūnkulā kād yīsa zilwāk-klinī lākunts Ike Gīkumī, la wuglītī dāk̄w sī da wuh-wulītī ;

26 La āsī da ūdāh-īdāmī nītī-īdī da awīnāgwīs, nītī-īdī gūq-dume sa wālazī, wa hīh-īdā mī sī da tihyile sa wālaze ukstūda, lākā ī

wuh-wulilumā sa nāhwā wuh-wulītl qītlum we.

27 Wa la āsī da aāksīle kā wālazī yīks la ī zigitl māyā, glūks la ī dūqilā kā tihyile sa wālazī ukstautla, tluqwutlzūd kīs qīkāyū, kās qilī-gīlī lākst, wūtl um nīk ik la um wīlum wilsī da wuh-wulītl.

28 La āsī Paul qākligātl hāsil nīkia, qātlas hī qāqayī ; wīla itl munūh.

29 La uk-kigātl kā gāk yū wīs nīgwayau, la, da-wīkla, ek-kwunāla sīs kitlāyī, humk-wālītl lāk Paul glū Silas,

30 La lotlzaun lītlas kās nīkī, Aāde, māzun qīh-īda ās klā kun qilī ?

31 Lāh dākw nīkia, ūqis lagāk Gīya ī Jesus Christ, la mī sis qilā-kl, gla wīs gūqa ūs.

32 Lāh dākw yākugātl tsa wātldum ā sints Ike Gīkumī lāk, gla wī da nāhwā hī gāk lī gūqas.

33 Hī mīs lāh dums uk-īd kī kī da kāmūkl kās le zūzūkstūduk hwīhwi-zītlayas, wa la baptize īda, wīla gla wīs husāk, hīh-īdā mā.

34 Wa lā, lās lākīs gūqī, kās humgīlāh īdik, la ekīkulāh dākwā, wīla gla wīs gūqī, yīks lāh dākwa ī ūqis kunts Ike Gīkumī.

35 ¶ Gil mīs nāh-īda, la āsī da dīdādalītā-īnūk yālāk-īd tsīs yālāk-īdāyū, nīkia, lā wils le hyūk da bībagwānum āk.

36 La āsī da aāksīle kā wālazī nītāsī da wātldum lāk Paul, nīkia, la mī da dīdādalītā-

inūk yālāk-īd kās lālā-gih dākwa ūs, kīlaga, kās ek ma ūs lā.

37 Au mī sī Paul nīk lāh dākwuk, lāh dākw mīk de sī dādūqilā māzā sīs kīlāh-īdā inayā gākunūh, wutl kāla um hī qīh-īd kīyos sīnātā, yīk gānūh Roman īk bībagwānum a, gāk kād wulgalītā gākunūh lāk gāda wālāzīk; lā tī nīk kās qīlākla wīlsa unūhwā? kīsā la sunūh lā; hī umā gāk lāwilsānūh.

38 Lī da yālākum ī nītlas gada wātldumk lākā dīdādalītā inūk, lāh dākw kitl-īda yīks la ī kautl-āklilā kīks Roman dākwa ī;

39 Wa gāk dākwa ās hawāk-ulāk; wa gilh dākw mīs lāwilsāk, lāh dākw uk-kiālāk kā lāh dākw la gīs klīk-wīd lākā awīnāgwīs.

40 Wa lāh dākw lāwils lākā wālazī, la la-īkl lāk gūqas Lydia: wa gilh dākw mīs dūk-wāklilā kā nātī-numwiyūt, lāh dākw hāyātīlīkūlh-īdik, lāh dākwa ās ek um lā.

CHAPTER XVII.

WA gilh dākw mīs la lāksaulīs lāk Amphipolis glū Apollonia, gāk dākw lāk Thessalonica, yīk uk-āsā sa synagogue āsā Jews:

2 Lī Paul, lākīs qīgīlasī, la la-īkl lāh dākwuk, we kī da yūduhwī sabbath nālā kīkayūd glūh dākwī gliksālāk yīsa kiaduq,

3 Nītla-nāqila masuk, kīyos kād la qekāsuk

wātlduma sīks aulistā ma ī, yikīks nukā ma ī da Christ yiks hayūgwītla ūtla qīh-ide, glū kās qilāh-īdī itida, we yikun wātlduma ūklī Jesus ā, hī um Christ ī.

4 Wa lī da wa-ūqī lāh dāk̄wuk ūqis-īda, lā qestā lāk̄ Paul glū Silas, hī mī sa gāyūtlī lākā esekī Greek kīnum zī kiasīs wākā-ās, hī mī sa gīgikumāyī zīdāk̄ kīyūqā.

5 Lā glā tī da Jews yikā wiyūqisī, lāh dāk̄w um ūzukumā, uk̄-īdih dāk̄w k̄ā yaīksāmī bībagwānum ā gāyūtl lākā gwigwīnkayī, kīk̄akū-nāqila masuk, kūmātl īdā mas k̄ā līlqilāklayī, lāh dāk̄w wīngilsāk̄ gūqas Jason, uk̄-īkst kās nīkum-wilsīk kās les lākā līlqilāklayī.

6 Wa gilh dāk̄w mīs kīs khāk, lāh dāk̄w nīka-wilsāk̄ Jason gla wa wa-ūqī nātl-numwi-yūtā kās les lākā hīhānāgaze sa līlqilāklayī, nī-ungitauyā, gāk̄ dāk̄w um la kūmātlilā mas kwā nāhwāk̄ līlqilāklayā gāk̄ um ka ā wīsik gāgāk̄ kina gāk̄unts.

7 Yih dāk̄w ga lāh dih da-īglums Jason : gesta um nīkia-kulāk̄ wātldum as Cæsar, nīk kīks numūqa ī da gīkumāya yikā Jesus kle ul.

8 Wa lāh dāk̄w nūtlā mas k̄ā līlqilāklayī, gla wī da gīgikumāyā sa awīnāgwīs, yiks lāh dāk̄wa ī wuklilā kīk̄.

9 Wa gilh dāk̄w mīs lo-kl lāk̄ Jason k̄ā kīadugwīlādis glū k̄ā ī da wa-ūqī, ek mīs la muk̄-īdih dāk̄wuk.

10 ¶ Wa hīh-īdā mī sī da nātl-numwiyūtī yālāk-īduk Paūl glū Silas k̄ā k̄anūklī k̄ā les lāk Beræa: yih dāk̄w k̄iks gāk̄a ī lāk, lāh dāk̄w la-īkl lākī da synagogue āsā Jews.

11 Wa lāh dāk̄w nī-nauksaula k̄awī sī da hī gāk̄ lī Thessalonica, yiks lāh dāk̄wa ī dādālā k̄ā wātldum qātlātla ūdā mīs nī-naukayī, dūqā k̄ā k̄iaduq k̄ūk nī-nālāk k̄ākūtl-āklila ā aulā ma ī gāda wātldum ga.

12 Lāgītł-ts k̄inum ī da ūqisī lāh dāk̄wuk; gla wī da gāyūtli lākā Greek zīdāk, yikā gīgikumāyas zīdāk-īnāyī, gla wī da gāyūtli lākā bibagwānum, k̄inum a.

13 Wa gil mī sī da Jews as Thessalonica kautl-āklila k̄ī da wātldum ā sints Ike Ḡikumī lā k̄ād yākuntālāyūs Paul lāk Beræa, gāk̄ dāk̄w k̄a ā ūgwākā k̄akūmālilā k̄ā līlqilāklāyī.

14 Wa hīh īdik dāk̄w mī sī da nātl-numwiyūtī yālāk-īduk Paul k̄ā les lāga-āyū um lākā klāsā-gwīs: hīk se mīs gla lī Silas glū Timothy.

15 Wa yih dāk̄w k̄ī da la tā-ūdis Paul lāga-āklilīs lāk Athens: lāh dāk̄w nīk sū kās uk̄-kiālik Silas glū Timothy k̄ā gāk̄īs hānāqīla lāk, lāh dāk̄w kās-īda.

16 ¶ Wa yiks la ī Paul īsilāk lāk Athens, la tlul-wīzīk īda yiks la ī dūqila k̄ī da awīnā-gwīs kūtā k̄ā umyākā sū wī k̄īkiāqā.

17 La k̄īkayūd lākā synagogue gla wī da Jews, hī mī sī da es-ekī bibagwānum lākī da

kilhw-dumsī kūk nīnālāk glūh dāk_wī da gāk nāhwā kupīh-īd gla wī.

18 Glū ka ī da gāyūt_lī lākī da nīnauksaule sī da Epicurean gla wī da Stoic dāk_wī, kākā-dālāk : lī da wa-ūqī nīkia, mās ānāwīs wātldum kla sa īsīk kāzāqilā, lī da wa-ūqī nīk, hī zūk qīx khātla mazīksdis ūgwilā ma god ; kā īs glīksāla īnāyas Jesus gla wa qilāh-īda īnāyī.

19 Lāh dāk_w dāh-īduk, kās les lākī da Areopagus, nīkia, kālālā hyinūh, mā sūk da ātl-māk kākūklā mazumā kūs wātldum ā kūs ?

20 Kā sīks gāka ākūsā sa kīzīnūk de kunūh wūglitlā, la mī sunūh nīk kunūh kautl-āk_līlī, māsūk qībātla āsāk sūs wātldum ā kūs ?

21 Kā īks nāhwā ma ī da Athenians gla wī da ātl-ūgwilazisī yikī da hī gāk lī kīyos ūgwil qīgīlas kūk nīnālāk, hīga umks au ma ī hīmunātla um qāqīx-āla, glūks au ma ī hāwāklīla ātla hīmunātla umk ālūmas ā wātldum ā.

22 Lī Paul glāk_wātla lāk nuksumāyā sī da tungīs Mars kla, la nīkia, yūkl bībagwānums Athens, lākūs nāhwe kūs qīgīlas dūqilī gāks klūmīstātla māsa ākūsā kwā kīyosīk qayau.

23 Kā un dūqitlāk gin gākīk dik ke-nāqila yikūk da umyākā sūh dāk_wā kūs, nukī ga kā luqīlas dumā gamīs kiatsumīk gadāk, LAK_lī DA KĪSA KAUGLITL GOD ; wa yikīs pupazau sū wa

ūs umyākā sū wā, hī mun gāk kālāgilā māzum lūkl.

24 Yikā Ike Gikumī yikā uke nūq wūtla sa nāhwāk awināgwīs gla wa nāhwāk yū gāk lūk, yikīks, Gīya ā sa ike awināgwīs gla wa bunīk awināgwīs, kīsa ā qa-ītl lāk temple ā ukes ayāsū ;

25 Kīs um ka ā wī sī aāksilā sūs āyasaus bībagwānum ī, kās hī qīx wīwūsīlākī, kāks hī ma ā qilātla gītl-ts nāhwā glū zaw sints hāsāyī, gla wa nāhwāk ;

26 Lūtl ka ī uke nūq kā numzis mī sints ulqek gints nāhwīk bagwānum a, kā yū-wo gwītl lūk, lākwā hīstālīsīk awināgwīs, hī mīs uke nūqs owāzīs dum as līlqilāklāyā, glū kā ozikī-zāsas gī-gūqilās as.

27 Kā kākūtl-āklila āh-dākwī sīk Gīyā kās wunātl-āklila mī lāk kī, glū kās kautl-āklilī kī, wāh ma ā glātl kīs qīsātla gākunts nāhwā mā :

28 Kāk gints qilātla gītl nūqī gintsā sī, glū yāwīhyilā gītl nūq ka ā sī, glū bagwānum gītl nūq ka ā sī ; lāk wātdum māsī da gāyūtli lākīs nīnaukāla yūs, kāk gints nūgwā mī gāka unts gāyau lā kī.

29 We yik gints aula mī gints gāyau lāk Gīyā, qālā hyints wūtl um nīnkī-kulāk qīxdum a sints Ike Gikumī numāhyīs gla wī da gold gla wa silver, gla wa tīsum ī kie-yā gites sunāyas bagwānum, yiglā kīks kīsa ā aūmsā.

30 Kī da kīyos dum ūtla sūk nāhwā bagwānum kauglitl nūqa, hī mīs wākmūdum mā wīs glūtl tsints Ike Gīkumī; la mīs glī kwā ātlmīk nīk kā wegī sūk nāhwāk bagwānum māyātā lākwā nāhwāk awīnāgwīs.

31 Kā īks la mā ā uke nūq sa nāle kīs dāda-lītāk dum kla kwā nāhwāk līlqilāklāya lākīs nukumās kla sī lākī dā bagwānum a yīkīs lamā glīkāyā hīlīkum gīlī sī kā nāhwā bagwānum, lākīs lāinā yūtla qilāgilīsā mas kī lākā tlilī.

32 Wa yīks lāh dākwa ī wuklilā kī da qilāgilīs lākā tlilī, la ā sa wa-ūq umtlas, lā glā tā nīkī da wa-ūq, ītīda um klinūh hāwā-klīlā-ātl kūs qāqīxālā sā kūs.

33 Wa hī mīs la, la āts Paul lokolīs lāh dākwuk.

34 Lā glā tī da wa-ūqī bībagwānum ulātla lāk, ūqīsā, yīk gīkāyā-āsas Dionysius kā Areopagite, hī mī sa zidākī glīkādis Damaris, hī mī sa ātl-ūgwila glūh dākwī.

CHAPTER XVIII.

WA la āsī Paul kās-īd geh-īd lāk Athens gāk lāk Corinth.

2 La dūk-wāklila kā numūqī Jew glīkādis Aquila, gāyūtl lāk Pontus, ātl um gākā gāya-nāqil lāk Italy glā wīs kunum Priscilla, kā

Claudius yiks lā ī wekā kā kiāyūlum ī sa nāhwā Jews lāk Rome : gākī lāh dāk̄wuk ;

3 We, kā īs hī-īnī um iāk-īnāyī iāk-īnāyas lāgītl-ts hī gāk lī glūh dāk̄wī, lāh dāk̄w iākulā, yiks yīyāwāpsumgīlā īnūk dāk̄wa ī.

4 La ās hīmunātla um yākunta lākā synagogue kā nāhwā um sabbath, lālūgliksta ā kī da Jews gla wī da Greeks.

5 ¶ Wa gil mī sī Silas glū Timothy gāk lāk gehīd lāk Macedonia, la ā sī Paul zizāyilā sū sī da wātldum, la nīk kā Jews yikīks hī mā ī Christ ī Jesus ā.

6 We, gilh dāk̄w mīs la qilyākaul kātāpā, lā kitl-id kīs qītlqela, kās nīkī lāh dāk̄wuk, qilīk-klelāh dāk̄w lāgā hyūsā kūś ulqāh dāk̄wā kūś, kīyos-ta la gelāklil gākun, la mī sin lā-kl, kun hī la ā sī da ātl-ūgwuk-sumāq.

7 La kās-id bos, la la-īkl lāk gūqa sa numūqī bagwānum glīkādis Justus yikā umyake kunts Ike Gīkumāya, yikā mākiātlā mas gūq lākā synagogue.

8 Hī mī sī Crispus, yikā aāksīle kā synagogue ūqis īk Gīyā glū wīlīs gūqī, hī mī sā kīnum ī gāyūtl lākā Corinthians ūqis īduks la ī wuklilā, lāh dāk̄w ka ā baptize īda.

9 La āsī Gīyā nīkīk Paul kī da kānūkl lāk dūqitlas, qālā kitlil, wīga yākugātluk, qātl las k̄wīklātl :

10 Kāk gin kupetla mīk glūs ; kīyostā-kl bagwānum hītl-āpulā-kl kās yilqa masī lāk

lūkl : kāk gin uknūgwādī ga sa kīnum āk
bībagwānum lāk_{wā} līlqilākla-yīk.

11 Wa hīk se mīs gāk lī numk-unkīla hī
mī sa kukla skum muqila, kākūklā-mats
wātldum a sints Ike Gīkumī lāh dāk_{wuk}.

12 ¶ We yīks lā ī Gallio hānāgazī lāk
Achaia, la āsī da Jews numā-kigātl kās
kākādālīk Paul, gāk dāk_{wīs} lākā dādalīta-ās,
nīkia,

13 Yākuntā gāda bagwānumk kā umyā-
kula sū wīsī da Ike Gīkumī klālīqīgī k_{wā} law.

14 Wa gil mīs wāh yāyākuntī Paul, la
āsī Gallio nīk kī da Jews, kū aula lāk_{st}
yāksamī da qīh-īdaāsa, A yūkl Jews, hūklīla
um lāks di wī sin klūkl :

15 We kā glā kū au um lāk wātldum k_{wā}la
um lāk, glū au um glīkum k_{wā}la mā, glū au
um hī mīs hūs dāk_w mūs law kīs kātāpāh
dāk_{wītla} ūs, sūh dāk_w uma dūqātla kī qilīx-
mā, kīsīn nīk kun dādalītī kūk qīx zā sāk
sūs wotldumh dāk_{wā} kūs.

16 La kieh-īduk kā qīdīh dāk_{wīs} lākā
dādalīta-as.

17 Wa lāh dāk_w wīlh-īd dāh-īduk
Sosthenes, kī da aāk_{sīle} kī da synagogue,
kās qīkāpīh īdīh lāk klāsanauya sa dādalīta-
ās, wa kīzimīsī Gallio awīlilkulāk.

18 Wa la mī sī Paul, hīma wīs gla lī kīksa
gīla k_{wā} nālā, wa ek mīs lā yīks la ī hīlūgwum
sī da nātī-numwiyūt, la gluk-īd lāk lā laā lāk

Syria, hī mīs līlūt tsī Priscilla glū Aquila ;
yīks la ī kiūtsumd kīs hyūms lāk Cenchreæ ;
kā iks qātlilā ma ī nīk kās hī qīh-īdī.

19 Wa gāk dāk_w lāk Ephesus, wa hī mīs
la gegilk glālā tsīk : la mīs gla yikīks hīgama
ī la la-īkl lākā synagogue kās lī kīkayūd gla
wī da Jews.

20 Wa gilh dāk_w mīs uk-kigātluk kā
kāketlīs lāk, kīs tā hītl-kāla ;

21 Ek mīs-gla la, yīks la ī hīlūgwumh
dāk_ws, la nīkia, gāk um klin itīd-kl lūkl, kū
nīk klints Ike Gīkumī, la gluk-īd lāk Ephesus.

22 Wa gil mīs lāgālīs lāk Cæsarea, la
lāgūstaulīs kās le iāk-ķiāla kā church, wa
lā lākālīs lāk Antioch.

23 Wa ātl mīs lā yīks lek dī ketla lāk,
kās le wīlk-tūd kī da līlqilāklāyī hī gāk lī
Galatia glū Phrygia ek um gek-tūduk, tīlo-
qilā wīlā kā disciples.

24 ¶ Wa lā tā numūqī da Jew glikādis
Apollos gāyūtl lāk Alexandria, nauksaula
bagwānum a gāk lāk Ephesus ; lā ka ā
tloqīmas lākā ķiaduqī.

25 Hī mīs kākūklā-māzuq lāk tihyiles
Gīyā ; we yīks aula ī zāsātlīs naukāyī, lā
yākuntālā kākūkla mas ka ā tsī da qāqīx-ālā
lāk Jesus, hīga um kauglitlī baptize ināyas
John :

26 La ās yākuntāl kīs hulzā-qilā lākā
synagogue : wa gil mīs glī Priscilla glū

Aquila wuklilāk, lāh dāk_w dādālāk, lā āyūzūdālas tihyile siuts Ike Gikumi ginwī-ginduk_k kauglitlas.

27 Wa gil mīs nīk kās le lā-wītl lāk Achaia, lī da nātl numwiyūtī kīātīd kā disciples kā dādālīsīk : wa gil mīs gākā, la ās gūhwīd kias kī da la ūqis gītī nūqas egālazī :

28 Kā iks tloqīmasa ī wegliks tā mas kī da Jews nītl-nītlilī-ts, nīntlilā sa kīaduqī yikīks hīma ūtlī Christ ī Jesus ā.

CHAPTER XIX.

WA yīks la ī Apollos hīmā wīs glā lī Corinth, la āsī Paul gākā ī lāk Ephesus, la dūk-wāklilā kā wa-ūq disciples :

2 Hī mīs la nīk sūs, lāh dāk_w zau mūtlas lo-kl kī da Holy Spirit yīks lāh dāk_w ūtlā kūs ūqisa ā ? lāh dāk_w ās nīkīk, Kī, wīlā-qunūh auglā tā wuklilū-yaula ka ā kī zaw yī da Holy Spirit.

3 La nīk lāh dāk_wuk māzau tīs baptize zās dāk_w wūtla ūs ? lāh dāk_w nīkia, hī mī baptize zum ūtlas John.

4 Lī Paul nīkia, baptize wūtī John yisa māyātā baptize zīnāyā, nīk wūtī kī da līlqilā-klayī, kā ūqis dāk_wī sī kī da gāk-ūgwītī wūtla gākīgīk, yīk Jesus ā.

5 Wa gilh dāk_w mīs wūklilā kīk, lāh dāk_w baptize ā lāk_w glīkum as Gīya ī Jesus ā.

6 Wa gil mī sī Paul kluk_wwuklelā bundāla sīs ayasū lāh dāk_wwuk, gāka ā sī da Holy Spirit lāh dāk_wwuk, lāh dāk_w yāk_wgāt_l tsa ūgwila yaikundāsā.

7 Mālūgwigīyū bībagwānum ī wākū-gwāsas.

8 ¶ Lā la-ikl nāhwā lākā synagogue, tloqīmas yākuntā yūdūh sum gīlā kā muqilā, tloqāla yākuntāk kā ī da nāhwā qāqīxāl lāk gīkāsā sints Ike Gīkumī.

9 Wa gil mī sī da wa-ūqī pīsā mas kīs nīnaukāyī glūks lāh dāk_wa ī hātīla klālīqīgāyā, yekīāla kī da Tīhyilā kā ī da līlqilāklayī, la boh dāk_ws wāksīstund kā disciples, kāyaulā kūk nīnālāk lāk kākūk_la-āzes Tyrannus.

10 Ga mīs hayūlīs qīgīlats kī da māt_l unkī, nāhwā gīt_l māsī da hī gāk lī Asia la khālāk wāt_ldum as Gīya ī Jesus, yīkā Jews gla wa Greeks.

11 Lints Ike Gīkumī iākī nūq sā wunwunhyisī qīgīlas yīs ayasaus Paul :

12 Lāga ā um lākī da qīt_lqela gāyūt_l lāk, yīks lā ī lāyū lākī da zīzihkā, lī da zīzāh_wkūlumī kīyohwīda, lāwe kā ī da yāksāmī naukāya.

13 Lā tī da gayūt_l lākā au mī himunāt_l um wūt_l um qīnāmīstā Jews, nīnāwālāq būt_la, uk-īdih dāk_w kās glīksumayīs lākī da īknū-gwāde sa yāksāmī naukī yīs glīkum as Gīyā

Jesus, nīkia, la mun wekūkl yis glīkum as Jesus yik gliks-ālā yaus Paul.

14 Aglabūq tī sāsūmā sa numūqī bagwānum glīkādis Sceva Jew ā, yikī da hī qīgīlī.

15 La āsī da yāksāmī naukī yākūgātla kās nīkī lāh dāk̄wuk, mātltela mun klāk̄ Jesus ā, hī um ka ā wīsī Paul-ā un mātltetlā, lāh dāk̄w glā zau tas ungwā?

16 La āsī da bagwānumī yikī da gīgakaya-āsas īda yāksāmī naukī humkw sumd lāh dāk̄wuk, la tloq lāh dāk̄wuk, lāh dāk̄wītł-ts au-um lā zilhyīm wīlsā kāk̄unāla, yilqā kād.

17 Wa ga mīs la khālā sū sī da nāhwā bagwānum, yikā Jews gla wī da Greeks, yikā hī lī Ephesus; lāh dāk̄w nāhwā um la kitl-īda, la āsī glīkum as Gīya-ī Jesus-ā hyilā sū-wa.

18 Wa gākā ā sī da kīnum-ī gāyūtł lākā la ūqīsā, kās nītłī sīs nāhwāk dī qīgīlasa.

19 Kīnum um ka ā wīsī da gāyūtł lākā kīkiautīnūk̄wī gāk̄ sīs kīkiaduq dī, kās laqī-lāh-īdīk dūqītł tsa nāhwā bagwānum ā: lāh dāk̄w hūs-īduk̄ wākā-ūk̄ des nāhwā, lāh dāk̄w k̄autl-āk̄lilā kīks sikiā skum gūstau punā ī lūk̄sumh-īd dālā.

20 La ās aulāk̄ialī tloqīmāza nāqila īnāyas wātldum as Gīyā la ekiau.

21 ¶ We yīks la ī qātł nāhwīk, lī Paul nīnkīk-īd kās le lāk̄ Jerusalem, kū lākl lāksau-līsilākl lāk̄ Macedonia glū Achaia, nīkia,

kunklū la mā wīs glākl lāk, la mī sin nīk kun le-kl ka un dūqākluk Rome.

22 La ās yāyālā-kātl gīwālā kā mālūqī yīk Timothy glū Erastus gāyūtl dāk_w lākā īaāk_sīlek kā les lāk Macedonia, yīk_s hīmā wīs glī-kl wālātla klī Asia.

23 ¶ La āsī da kākūmālilh-īdī kā ī da Tihyile.

24 Numūqī da bagwānum glīkādīs Demetrius, gitīnūk kā dālā, yīkā dālā skum gīlā nānākzūwas lāk Diana kā kīyūklilā-yau sī da īākulek.

25 Yīk la kāpīkau sūs, gla wī da bībagwānum īāk-īnī nūqs, kās nīkīk, Aāde, kauklilāh dāk_w ma ā kūsāk gints yū mī gints kūmātla gītlūk.

26 Wa, la mī sis dūqilā umq la um ka ā wīsis wūklilāk, yīkūks kīsā īk hīga um lākūk Ephesus īk, ulāk ma āks nāhwā mūk da līlqilāklayīk lākūk wāzīkas māk sūk Asia-k, yīkūk da Paulk-klek la um loglikstā tlūhwā mas kā kīnum bagwānum ā, nīkī kūks kīsa īk gīyūk da īākulā-yāks ayāsūwī.

27 Wa la mī sūk kīs hīga munts īāk-īnā-yīk hālāsīlela um kās wātlwātl-tsīstā mātsū wī, yūma ā ka āk sūk da temple āk sa wālasāk gī Diana kīyos lāk lā lāk qayūlāk, kās au mī lāk lā lāk kītīdāyū lākūk hyāhyīlanūsīk qīxdums, yīkūk umyākā sū-wāk_sa nāhwā līlqilāklī yū lūk wāzīkāsāks Asia gla wa

nāhwek līlqilākli yū lūk da hestālīsāk awīnā-gwīs.

28 Wa gilh dāk_w mīs wuklilā kīk, lāh dāk_w tlāwīs-īd, hāsīl nīgītauyā, Wālāsī Diana sa Ephesians.

29 La ās kūlīhwīdī da līlqilaklayī, lāh dāk_w awīlkū gāgālāpih-īd kā umlāzī, lāh dāk_w um nīk-īduk Gaius glū Aristarchus, gāyūtl dāk_w lāk Macedonia, yīk wa-ūq-maules Paul.

30 Wa gil mīs wāh nīkī Paul kās le la-īkl lakā kā līlqilaklayī, kīs tā hītīl-kūlum sī da disciples.

31 Wa hī um ka ā wīs ūgwākī da gīgī-kumāyī gāyūtl lāk Asia glīglaglaula-kīālas Paul, yālāk-īdāyū nūq lāk, hawāk-ulāk kā kīsīs wāk lā lāk la-īkl lāk lākī da umlāzī.

32 Kī da wa-ūq hāzikstālayū nūq sa num ī, lī dā wa-ūqā sa ūgwīlā mī, ka ī da la awīlkautlāks kīsa ī la kīkāzāqilā ; lā ka ā hī kīnum ī da kīsī kauklila kīs gāk dāk_wītla kāpīkau.

33 Wa gāk dāk_wīs Alexander gāk-ukaus lākā kīnum ī bagwānum ā, kī da Jews klāqi nāqilas : lī Alexander kīklā sīs āyasū, la mīs wāh lākst wātldum nūq kā līlqilāklayī.

34 Wa gilh dāk_w mīs la dūk_wā-klila kīks Jew ā ī, nāhwā mīs numāzāq wī da hāsila kī da mātīlā kuklilā gīle kūt, nīkia, wālas ī Diana sa Ephesians.

35 Wa gil mī sī da aāk̄sile kī da town yotl-īdā mas k̄ā kīnum bagwānum, la nīkia, yūkl bībagwānums Ephesus, ungwī da bagwānum kīs kauklilā kwā Ephesians yīks aāk̄sila ā k̄ā temple ā sī da wālas Diana hī mī sī da kīqī tīkākālīs wūtl gayūtl lāk Jupiter.

36 We yīks dūqila ma ā kūsā kīks kīsa ī nātl kās wātldum sū wī, hī mī sis au gītīl um lāk siltātla lāk kīyos wūtl um yiksume sū wā.

37 Yīks gāk dākwa ā kūs wūtl-ums gada bībagwānumk, yīk gada kīyos ik qīgīlas lāk gilūkle lāk temples glū lākī yākpākste kunts umyākula sū wī.

38 We kū sīsīnā tītīl nūq lākūk Demetrius, glū wūk da kīkīa-īnūkwāk bībagwānum lāk numūqā bagwānum ā, uk̄stautla ma āk̄ sa dādalītaās īk, wa yū um ka ā wīsūk lūk da dādalītā-īnūk, wīga zau hyūk qilyākaula mā.

39 We k̄ā glā sū uk̄-īksdilākuk ūgwīlā mā wātldum ā, la mī sints lā-kl nākīstund-kl kī, lākī da hīqīlaq-kla k̄āpīkū-wās klints.

40 Kāk gints la mī gints hulzitl taula um kunts kīsa unts yākīgātīl tsū, k̄ā unts kūmātīl-īda īnāyā kwā nālāk, wūtl k̄āla um k̄ā kīyo, hī mā kuntsū wuklā sū lāk lākīs gāk īnayūs awīl-kūhwīd lā lākunts kīyos lāk wātldum lāk.

41 Wa gil mīs qātīl yākuntāla, la yalāk-īd k̄ā awīl-kautlāk-dī.

CHAPTER XX.

WE yiks la ī qātli da awīlkaulāk-dī, lī Paul klīlāla kī da disciples kā gākīs lāk, la ās hayāklulāk, la halakiasāk kās le lāk Macedonia.

2 Wa gil mīs la wīlk-tūd kī da nāhwā hī gāk lī da awīnāgwīs, la um glīks-ālāk hayāklulāk, gāk lāk Greece.

3 Wa gil mīs la yūdūh sum gīlā kā muqila hī gāk lī, la ās wāh kwīk-īdāyū sa Jews, yiks la ī wāh glāgluk-ā lā lāk Syria, la hwītlā nīk kās aulaga mī la āīdaākā geh-saulīsīl lāk Macedonia.

4 Wa hī mīs lā gla wī lāga-āklilā lāk Asia, yīk Sopater gāyūtl lāk Bercea, kwanūqas Pyrrhus; hīh dāk w mī sī da gāyūtlī lākī da Thessalonians, Aristarchus glū Secundus, hī mī sī Gaius gāyūtlī lāk Derbe, glū Timothy; hīh dāk w mī sī da gāyūtlī lāk Asia, Tychicus glū Trophimus.

5 Gāh dāk w mīs lā glākl lāhd gāgālatl-gīwīk, la īsilā kā-unūh lāk Troas.

6 Wa lā-nūh gluk-īd lāk Philippi yiks la ī hiyākī da nīnāle sa kīs bābāwāaq qīnīqā, gākunūh gāk-āklil lāh dākwuk lāk Troas kā sīkiaksā nālā, aglabū pun hwās tā nūh hī gāk lī.

7 We lākī da gālabayī nālā sī da num punā gīlā, yīk gānūh leg k̄āpīkū wītlā kunūh wukie k̄ā qinīq, la ās Paul yākuntāla gliks-āla lāh dāk̄wuk, la-um nīk kās lālāgī-kl k̄ā tlinsklī; la kīgīlītl k̄ayūd nukīgī gīlā.

8 La mīs kīnum ī da nīḡwāyau sī da īk̄ia-ziyī, yīkunūh k̄āpīkūwīlāsī,

9 Hī mīs qāstaulilātsa numūqī hītl-ā kī da nāqāzī glīkādīs Eutychus, mīk-ālītl tā; we yīks lā ī Paul kīgīlītl yākuntāla, lāgītl-ts wekl-tūgwā lītl tsīs buqītlzayī, la ās tīkākā geh-īd lāk īk̄inkayā sa yūdūhwīda gūstaula īnāyā sa gūq, la dāgūstūyū tlilā.

10 Lī Paul lākālītla, la huk̄w-sundik, kās kipīdīk, nīkia, qātl las nūtlāh dāk̄wūkl, kā gāks qīqīlā kātla-mīk.

11 We yīks lā ī lāgūstau, gil mīs qātl wukiā k̄ā qinīq, glū qātl humh-īduk, glūks leh de kād kīgīlītl k̄īkayūd glūh dāk̄wī lāga-āklil lākā la nā-nāqīlā, wa lā ās ek um lā.

12 Wa gāk dāk̄wī sa ginānum la-um qīlā, la aul hītlulk-īda.

13 ¶ Wa lā-nūh lā gāgālātl gīwī lā lākā ship, gluk̄-īd lā-la ā lāk Assos, dāksā kluk Paul lāk; lāk wātldum mas, yīks nīkia ī kās le-glātl kās au mī kakāsdikā.

14 Wa gil mīs gāk-āklilā lāk Assos, lā-nūh dāksāk, wa gākunuh lāk Mitylene.

15 Wa gluk̄-īd lāk, gākunūh gāk-āklilā k̄ā la tlins lāk nuk̄kiūtas Chios; lā-nūh kītla k̄ā

la tlins lāk Samos; we kī da la tlins gākunūh gāk-āklil lāk Miletus.

16 Kāks nīkia ī Paul kās hiyākulīk Ephesus, kās kīsī wālātlā gītl nūq lāk lāk Asia; kā īks hānāqā ī, kās hītlzī-kīda nāle sa Pentecost lāk Jerusalem.

17 ¶ Wa hī mīs la yālāk-īda ātsī Miletus kā les la-āsī Ephesus, kā gākī sa qilsqilyāqā sa church lāk.

18 Wa gil mīs gāk dāk_w lāk, la ās nīk lāh dāk_wuk, kauklilāh dāk_w ma ākūsāks sau īk, gegiklilā um lākun gil_h dum ūtlā tīpālīs lākūk Asia-k, kun qainā yūtlā lākun wāwā-satla-ās wūtlā kupetla glūh dāk_ws,

19 Yāwīhyā kā Gīyā bunālin naukayā, k_wwāzitawe mā, gla wun qāqayūtlilas wūtlā lāk nāhwūtlā k_wwīkī sa Jews.

20 Gla wun kīyozīnā yūtlī hukiātla sū lākī da nāhwā ek kāh dāk_ws, au um glātl ek um nītlas lūkl, glū kākūkla masū-kl kīs tāyaulā, la-īklisila lākā nāhwā gūq,

21 Nīk lāh dāk_w kī da Jews gla wī da Greeks kā māyātīs kā unts Iķe Gīkumī glū kā ūqisī sī kunts Gīya ī Jesus Christ.

22 Wa dūqātla laga, la mun lā-kl tluqudi-qun naukāyī lāk Jerusalem, kīs kauklila kun qeka-ās klā lāk:

23 Hīga ma āsī da Holy Spirit nītlā ī gākun lākā nāhwā līlqilāklāya, nīk yuk gin yigluqī klik glū tlālāwotlilā-kl.

24 Kīsī ga glin awīlā gilā kun bagwānum ināyī, kā un nīkia un kun qātlā masī kun iākulā sū wī yikun la mūtlīn dādāla sū lāk Gīya ī Jesus, kun nīkī sī da ekī zīkiālum sī da egalaze sints Ike Gīkumī.

25 Wa dūqātla laga, kauklilā mī gin klūklāks nāhwā ma īk, yih dākḡwūklāks gliks-agilkī sū wā ūtlā kūsin yis wātlđumā sints Ike Gīkumī, kīsī kla kūś lā-kl ītīd-kl lā-kl dūqumd-kl gākun.

26 Hī mī sin lā-gītl nīkiūklā kwā nālāk yik gin la mī gin qātlā mas kun wātlđum ī, kīyosā las tā lā qāqīs-bātla gākun klas nāhwā bagwānum ā.

27 Kāk gin kīsī gin hīyākīma nūqs nīkias nāhwe wātlđum sints Ike Gīkumī lūkl.

28 Yāklauh dākḡw laga, glū kās yāklau ūsā kā kupīskumātla yik la aāksīla māzum as tsī da Holy Spirit lūkl kās ekiūs dūqātla sū wā, kās humgīla ūsā kī da church ā sints Ike Gīkumī, yik la kilwānums yīsīs ulqe.

29 Kāk gin kauklila mī ga kīks gākī klī qāqāsaulā mas kla āklanum-kl gāk-lākā-kl lāh dākḡw klūkl kun klū lā-klū, kīyos wozum-kl lākā kupīskumātla.

30 Hī mī sa gayūtl um kla lāh dākḡwūkl, bībagwānum glāk-wīd-kl kās yāksāmī klīs wātlđum kla, kās wātumūkaulī-kl kī da le wāh kākūklā matsū wā kā les lāskumīh dākḡw klukī.

31 Hī mī sis lāgītl klūs ek dūqātlā-kl, mulqilā kun kīzīnīh dīn qātl hiyāklū lūkl kī da yūdūh wunk dī kwīsā kwāzītūwī um kūk kākanūklīk gla wūk nīnālāk.

32 Wa la mī sin au um klālāquk glūs lākunts Ike Gikumāya, glū wātlđum as egālaze sī, yikī da tloqīmasā mas kla lūkl, glū kā zawūkla sī da zaw yā kī da nāhwe la ek-īdā-matsū-wā.

33 Kīyosin awilkutl lāk nāhwā uks bagwā-num yik dāles glū gold-as glū qītl-qeles.

34 Kauklilāh dāk̄w ma ākūsāk gin kāmā-bunqilā mīk qilīx-um iākul kun hītl da kīnātlāyau, glū kā un nāmīlelūt de un.

35 Lākun nāhwā qīgīlas la mun nītlas lūkl kās nānunqā sū wūs, kās giwālā ūsā k̄a weklīmas, glū kās k̄ātla ūsāk wātlđumā sints Gīya ī Jesus, yīks lā-ūtla nīk, he-ī ekiākā-wāyī da zaw lākī da dādālā.

36 Wa gil mīs qātl nīkia, la klāq-wālītl kās hawāk-ulh īdī glūh dāk̄wī nāhwā mā.

37 Lāh dāk̄w nāhwā um kwāsā, kipakūdālāk Paul, kās mīzīk.

38 Hī kunklila zinums naukīh dāk̄wa sī wātlđum as, yīks la ī nīk kīks kīs dāk̄wī klī lā-kl itīd-kl lā-kl dūqila kluk kūqumāyas : wa lāh dāk̄w ta-ūdis lākā ship.

CHAPTER XXI.

WA gil mī sunūh gwītł-id glūh dākwi, lā-nūh gluk-id, gākunūh hī-nāqil lāk Cos, we gākunūhwā kī da tlins lāk Rhodes, hī mī sunūh la geh-īdaās gānūh gākīg lāk Patara :

2 Wa lā-nūh nukā kā ship lā-kl lāwītł-kl lāk Phœnicia, lā-nūh lāksik, gluk-īda.

3 Wa gil mī sunūh dūk-wāklilāk Cyprus, lā-nūh hiyākulāk lākunūh kumkūtāk-ziyī, lā-nūh hī-nāqil lāk Syria, wa lā-nūh lotł-tau lāk Tyre, ka īks hīma ī motł-tūda ās klisā ship kīs moyī.

4 Wa lā-nūh ālenumā kā disciples, lā-nūh aglabū pun hwās hī gāk lī : wa gāh dākw mīs nīkīk Paul lākī da Spirit kā kīsīs lā lāk Jerusalem.

5 We yīk gānūh leg qilastū mas kā nālā, lānūh kās-id kunūh lālāgī lākunūh qayūtlilas ; wa nāhwāh dākw mīs gla wīs kakunum ī gla wīs sāsūm ī, gāk kāyūdinūh lākā tihyilā, gāk āklilānūh lāk klāsāzilīsa sī da gūqila, lānūh klāqumgālīs lākā klamā-is, kunūh hawāk-ulh idī, wa lānūh hulākias-kā pih-īda ;

6 Wa lānūh lāga-ātliks kī da ship, lāh dākw nenāqā.

7 Wa gil mī sunūh qilbā mas kunūh siyū-nāqila ināyī geh-id lāk Tyre, gākunūh gāk-āklil lāk Ptolemais, lānūh iākkiāla kī da

nātl-numwiyūt, num pun hwās tā nūh ku-
petla glūh dāk_wī.

8 Wa lānūhwā kā lā tlinsā, gākunūh lāk
Cæsarea, lānūh la-īkl lāk gūqas Philip kī da
hilaukstā-yī, yikī da gāyūtli lākā aglabūqī,
hī dānūh ga-īklilī.

9 Wa mūq tī zīdākī sāsums, kīkīyāla, hī
mīs yākuntālā mātsū sa Spirit.

10 Wa yik gānūh leg kī-pun hwās hī gāk
lī, gāka āsī da numūqī prophet geh-īd lāk
Judæa, glīkādīs Agabus.

11 Wa gāka ās gākunūh, la uk-īduk wisī-
gānaus Paul, kās qilix-mī yitl-īdis lākīs
gūgwayū gla wīs āyasū, nīkia, nīkī da Holy
Spirit, hī klī gāk qīh-īd klī da Jews lāk
Jerusalem yitl-īd kla kī-da bagwānum ā
uknūgwādis gāda wisīgānūq, kās le-kl zūbātl-
zānin klisī lākī da ātl-ūgwuk sumāq.

12 Wa gil mī sunūh la wūklilā kīk, lānūh
wāh wīlāla umk glūh dāk_wī da gāyūtli lākī
da uk-āsunūh wāh hawāk-ulāk ka kīsīs lā
lāk Jerusalem.

13 Au mī sī Paul nīkia, mās dāk_w zīs,
kwāsā masītlāk gin naukīk, kāk gin qātlātla
mī gin kun kīsī au-um yiklā sū-wā, ek-mī-kl
gin kun klū tlil-umkl lāk Jerusalem kā glīkum
ās Gīya ī Jesus.

14 Wa gil mīs kīs yekuntīma, lānūh, au-
um kwītli-īda, nīkia, wīga hyī naukayas Gīyā
hī qelī.

15 Wa kīs tā-nūh ketlāk gānūh lek uk-id kunūh mumwāla, kunūh le lāk Jerusalem.

16 La mīs ūgwākī da wa-ūqī disciples gla wunūh kī da gāyūtlī lāk Cæsarea, gāk ke-
kulā kā Mnason-k klā gāyūtl lāk Cyprus, kā
kayūtl-wūtlī disciple-ā yikunūh lā gā-īklilāsā.

17 ¶ Wa gil mī sunūh gāk lāk Jerusalem,
lānūh ehwākum-yū sī da nātlnumwiyūtī.

18 We kī da la tlinsā lā-āsī Paul gla
wunūh lāk James, wīla ītl mī sī da qilsqil-
yāqī.

19 Wa gil mīs qātl-ālītl lākīs īāk-ķīāla
īnayī lāh dākwuk, la ās ek um gebund ķāyūh-
wīdik la īākī sints Ike Gīkumī lākī da ātl-
ūgwuk sumāq yis yāķuntīnāyas.

20 Wa gilh dākw mīs la wuklilā ķīk, lāh
dākw zilwāk-id kunts Ike Gīkumī; lāh dākw
nīkik, dūqilā ma ā kūs, numwiyūt, wāķa-
āsāk sūk lākwā Jews ya um kwā lāk ūqīsā,
nāhwāh dākw mī sūk kutā kā ī da law.

21 Lāh dākwī da mī sū nītlā sū wā yīks
nīkia āk-lā kūsa kī da nāhwā Jews hī-lī da
ātl-ūgwuk sumāq kā qīsdāmasī sīk Moses,
nīk-ul kā qātl-lāgīs circumcise tsū wī sāsum
as, glū kā qātl-lāgī ķa ās laskum ī kā nāhwā
qāyāya-ilasa.

22 Wa wīh-īda tā klints, kā ūks ķīsā las
dākwā-āk sū ķīs kautl-āklila umks gāķa-
ākūs.

23 Wa wīga hī-qelā gānūh wātldum gūkl :

mūq gāda bībagwānumk gākunūh a-ekīlāh dāk_wī.

24 Uk-īdagāk, kās kīkulā-ūs gla wī, glū kās hatlākā ūs kāh dāk_wī, kā kiūtsum dih dāk_wī sī kīs hyums: la mī sa nāhwāk bagwānum lā-kl kautl-āklilā-kl yīks kīyosa ī qayūwīda gākā khātl-tsū lūkl; yīglāks ek ma ā sīs kāzīnāyūs, ākīlā kī da law.

25 We lā glā kī da ātl-ūgwuk sumāq kī da le ūqisā, lāh-īdā munūh kīātīd kī, glīks-ālāk kā a-ekīlāh dāk_wīs kā kīsīs globālāk kīlāgiqī kā ī da kī-kīāqī, glū kīsīs nālā kā ulqā, gla wa nāhwā mūqakawāqā, glū kā kīsīs wunwakaulā.

26 Wa lī Paul uk-īd kā bībagwānum kās kīkulāh-īdī glūh dāk_wī kī da lā tlinsā, lāh dāk_w la-īkl lākā temple, nītla-nāhwā sīs lāīnī-nāhwa lāstū mas kīs kīkula īnāyā kūk nīnā-lāk, lāga-āklil lākīks la ī zawyī da zawyī kāh dāk_wī.

27 Wa gil mīs ulāk qilāstū-wī da aglabūksa nālā, la-āsī da Jews yīkā gāyūtli lāk Asia, yīks lāh dāk_wa ī dūqilāk lākā temple, lāh dāk_w kākūlī-wīlāh-īd kā līlqilaklayī, lāh dāk_w dāh-īdik, līlāqatauyā nīkia, bībagwānums Israel, giwālā laga:

28 Ga um, nīk kā qātl lāgīs hūklilā-qints līlqilāklāya īnayī, gla wī da law, gla wūk da awīnāgwīs īk, gāk-umkāā wīsūkwā sa Greeks lāk_wā temple īk, lūk yāksumh īdā mas kwā ekīk gūqā.

29 Kā iks dūqilāh dāk_wī da āk Trophimus kī da Ephesian gla wī lākī da town, yik wutl dāk_w mī qayūs gākīglums Paul lākī da temple.

30 Wa wīlā mī sī da līlqilāklayī yāwīh-ida, lī da kīnum bagwānum la autl-tsumāya, lāh dāk_w dāh-īduk Paul, kās nīka-wilsīk lākā temple, hīh-īdā mīs kimeh-īd tsū wī da tihyilā.

31 We, yiks lāh dak_wa ī kīlākīksduk, gāka ā sī da wātldum ī lākī da gīkumāyī captain sī da soldiers, la mā-ālā ī Jerusalem wīlā um la kūlīhwila.

32 Wa hīh-īdā mīs uk-īd kā soldiers kās lī hālākālīs lāh dak_wuk, wa gil mīs dūk-wāklilā kī da gīkumāyī captain gla wī da soldiers, hīh-īdih dak_w mīs qātīl hwisāk Paul.

33 Wa gāka ās nuhwāh-īdī da gīkumāyī captain kās dāh-īdik, la wekā kā yitl-īd tsū wīsīs mātīzākā kulkahyaula, la wuklāk ungwī, glū māsī qīh-īdaās as.

34 La ās lī-ulāk_w-se yī da wa-ūqī bagwānum yīsā num ī, lī da wa-ūqā sī da ūgwilā mī, nīkilkī kā kīnum ī bagwānum a : wa gil mīs kīyos qīh-īda ās kēstāk hī-gītlas gāk qīh-īdī da hāzūkstālā qāqūtīlila ; la wekā kā les lā-yū lākī da gūqī.

35 Wa gil mīs gāk-āklil lākā tihyūstaulā, la ās zūhyūstautla-yū sī da soldiers, kā ī da ī-autl-tsīle sī da kīnum ī bagwānum ā ;

36 Kā ī da kīnum bagwānum lāskumī, nīgitauyā, tlilā hyūk.

37 ¶ Wa yiks la ī Paul lālā-īklāyū lākī da gūqī, la nīk kī da gīkumāyī captain, īsa un wātldum nūqūklā? la ās nīkiā, āyūsā sīk Greek?

38 Kīsa ī sū wī da Egyptian, yikī da kūmātlilā mas wūtla, lūtl tsa mū pun ūtla lūksūmh-īd ya-īksūm bībagwānum lākā lūbīs awīnāgwīs?

39 Au mī sī Paul nīkia, Jew wun, gāyūtl lāk Tarsus lāk Cilicia, gāyūtl lākā kīsī qāqazīma town: la mī sīn hawāk-ulūkl kās hītl-kāla ūs kun yākugātlī kwā kīnumk bagwānum a.

40 Wa gil mīs la hītl-kuhīduk, la āsī Paul glāk-wāklil lākī da tihyūstaul, kīklā sīs ayasū lākī da kīnum bagwānum; wa gil mīs kwītl-īdī da hāzūkstalāk dī, la ās yākugātl lāh dakwuk lāk yākundāsa sī da Hebrew, nīkia,

CHAPTER XXII.

YŪKL wī-ūmp, nātl-numwiyūt, hūklīlāh dāk w la gāk-gin wātldumk lāh dāk wūkl.

2 Wa gīlh dāk w mīs la wūklilā kīks Hebrew kīālā ī lāh dāk wuk, lāh dāk w la aulā la kwīklātla: la nīkia,

3 Jew-un, māyūglum lāk Tarsus lāk Cilicia,

yū mūtł wīs glin qāk-īdūk da town īk, kākūklā mad sūs Gamaliel, kākūklā-māzuq hīnūm lāk law-ya sints wī-ūmp wūtla, lūtlin tloqī-mas kā unts Ike Gīkumī, la-um kūs nāhwā mā kūs qīxdumh dāk_w kwā nālāk.

4 La mī sin yāksāmūtł gāda Tihyilāk lāga-āklilā ums lāk tlılī, wulāk kā les wuh-wulītł lākā wālazī, kā bībagwānum glū mā zīdākī.

5 Yik kauglitł ma sūk da gīkumāyīk labled, gla wūk da qilsqilyāqīk : yikun gayū-glasa ka ā kā kiaduq kun lā-yū lākā nātlnumwiyūt, la lālā lāk Damascus, kun gākī ka āsī da hī gāk lī lākūk Jerusalemk, wulqā kā kīlākia-sū wīs.

6 Wa la-ās, yik gin lek ke-nāqil, gil mī sin la nuhwātł lāk Damascus, kī da le kunt nukīla, ūdāh ukau mī sī da quk-īdī lākā īkī quksun līsā gākun.

7 Wa le gin zukākā-līs, lin wuklilā kā nīkiāle gākun, Saul, Saul, mazīs kīākīlāk sumī gītla gākun?

8 Wa lin nānākmī nīkia, ungwās, Gī? wa la-āsī nīk gākun, Nūgwa-um Jesus yīs Nazareth, yik gas kīākīlāk sumī sū gwūs.

9 We yih dāk_w kī da wa-ūq maula yin dūqila mī kā qukātla, lā glā tā kīs wuglākuksdī kī da yākuntāle gākun.

10 Wa lin nīkia, mā sin lā-klā qīh-īda ās-kl Gīkumī? wa la-ās Gīyā nīk gākun, glā-kwilīs-laga kās lālāga ūs lāk Damascus, hī

mīs lā-kl nīlas klūkl yisa nāhwā la uke kās qīgīlas klūs.

11 Wa gil mī sin la kīs la dūqila kā ī da qīxdum ā sī da qukāṭla, līn au-um la wāduq dāk_w sī da wa-ūq maule yin, gāk_{un} lāk_{un} Damascus.

12 Wa numūq tī da glīkādes Ananias, ek bagwānum a nukstawe kā law, nīk sūks ekia ī yisa nāhwā Jews hī gāk_{un} lī,

13 Gāk_{un} gāk_{un}, glāk_{wālīt}l kās nīkī gāk_{un}, numwiyūt Saul, wīga dih-īduk_{un} : we hīh-īdā mīsin īkīakumh īduk_{un}, līn dūk_{un}-wāklilāk.

14 Wa la-ās nīkia, kī da Gīyā sints wī-ūmp wūtla la-um uke nūqūs, kās kauklilā ūsāk_{un} naukāya sī, glū kās dūk_{un}-wāklilā ūsā kī da Numūq ma ekiā, glū kās wuglāk_{un}-āklilā ūsā kī.

15 Kā sīks le klā kūś kāla-gīla mas klisī lāk_{un} nāhwā bagwānum ā yīsīs le ūś dūk_{un}-wāglīt_{un}l glū la wuglīt_{un}lā.

16 Wa māsīs lā la e ; wīga glāk_{wilīt}luk_{un} kās baptize īda ūś, kās zūk_{ūda} ūsā kīs yekī-nāyūs, hawāk_{un}-ūlāk_{un} glīkumā sī.

17 Wa gil mī sin gāk_{un} hwīlākā lākūk_{un} Jerusalemk_{un}, we yīk_{un} gīn lek hawāk_{un}-ulā lākā_{un} temple, līn hī qīx lūqsumh-īdā,

18 Līn dūqilā kī, la nīk gāk_{un}, hānāq wī daga bosūk_{un} Jerusalemk_{un}, kā īks kīs dāk_{wī} klīk_{un} ek-āk-kl kīs wātldum lākā_{un} ūś kā un.

19 Wa līn nīkia, Gī, kauklilāh dāk_w ma

āk sū kwāk gin wulek-dik glūk gin kīlākīk-dik lākī da synagogue kī da nāhwā ūqis lūkl :

20 Glūk gin nūgwā mā ūtl gā kā-un wekīgī kā kīlākia sū wa ūtl-ts Stephen, glākwīmīs dātlāk qītl-qele sa lūtla kīlāh-īdūtī kī.

21 La ās nīk gākun, hāga, kāk gin yālākīkl gūs kās lā ūs lākā qīsāle lākī da ātl-ūgwuk sumāq.

22 ¶ Wa gāh dāk w mīs lā wālīsta-āts hūklīlāk yīks lā ī nīk sīk, wa lāh dākwa as numā-zāqā nīkia, qīdā hyūk, kīsa āks hītlū kās qīlī.

23 Wa yīks lāh dākwa ī hāsil nīkia, lāh dāk w zukum welā kīs qītl-qela, lā-ka ā kūkwūm gilsilā kā dikiā kās zukūstaulīs.

24 Lī da gīkumāyī captain wekā kā la-īglumīs lākā gūqī, nīk kā hwisītā sū wīs kākūtīl āklilā āsū wīs māsī kunklila gītlas hī qīkiāla sū sī da nīkī kā tlīlīs.

25 Wa gilh dāk w mīs yītl-īdik yisā kwizī, lī Paul nīk kī da aāksīle kā glākwīmītla, ek zau ma ī yīks hwisā ākūsā kī da bagwānum Romana ā, glūks kīs ma ī qestānū lākā yaksamī.

26 Wa gil mī sī da aāksīle kā soldiers wuklilā kīk, la ās lākī da gīkumāyī captain kās nītlīk, nīkia, māsīs qāqiyā āsūs, Roman īgā kū glas gada bagwānumk.

27 Wa gāka ā sī da gīkumāyī captain, la

nīkik, wīga nītla gākun, Roman āsā? la nīkia, e, Roman un.

28 Lī da gīkumāyī captain nīkik, kīkina ūtl gin klā sa kīnum ūtla dālā kun loklī kun Romanā un, lī Paul nīkia, Roman ūtl glīn māyūglumā.

29 Wa yih dāk_w kī da kākūtl-āklilāā lāks dek, hīh-ida um au-um lā bos, lāka ī da gīkumāyī captain kitl-id kād ūgwākā, yīks la ī kautl-āklilā kīks Romanā ī, glūks lek dī wūtl-um yitl-idik kitlilā gīt_l ka ās.

30 We kī da la tlinsā, nīk kās aulā kīalī kauklilāk sīnātāle sa Jews-āk, la qīt_l-idik, la wekā kā gākī sī da gīgikumāyī la-ulbled, glū kā wilā mī sī da council gākā kā kāpikūwīs, gākīs Paul kās glāk_wum līt_līs lāh dāk_wuk.

CHAPTER XXIII.

Lī Paul dūdūks-und kī da council, nīkia, nāt_l-numwiyūt, ekia-un naukāyī kā un kīyozi-nāyī kauglīt_l kun klīqāsā kā dūqīt_l um sints Ike Gīkumī gākun gāk-āklilā um lāk_wā nālāk.

2 Lī da gīkumāyī labled Ananias wekā kī da glīglāk_wī-mīt_lāk kā mih-id dāk_wī sīk simsas.

3 Wa la nīkī Paul lāk, sūd mih-id tsu-kl
KW. H

sints Ike Gikumī, yūkl qukuza-wāq ūzūwe ;
lā tas nīk kās dādalīta ūs gākun nukutl ta-wī
kā law, lās nīk kād kun mih-īd tsū wī klīqitl
ta-wī kā law ?

4 Lāh dākwi da glīglākwi-mītl nīkia,
yākpāksta iksdā sīk gikumāyī labled sa Ike
Gikumāya ā ?

5 Lī Paul nīk, kauklilā wī sin nātl-
numwiyūt, yikūks gikumāya ākūgl labled
tsints Ike Gikumī, kā iks kiātilā klilā ī, kīs
klis yākpākstā-kl kī da gikumāyī aāksilā kīs
gūqilūt ūs.

6 Wa gil mīs glī Paul la dūk-wāklilā kīks
Sadducees sa ī da numks-ātla glūks Pharisees
sa ī da upsau, la hāsil yākugātl lākī da
council, nīkia, nātl-numwiyūt Pharisee un,
kwanūq sa Pharisee yūtla, hīmīsin gāk-yū
gwītł wuklā sū kā ī da wātldum qāqix-āl lākā
qilāh-īda īnī klā sa la tlilā.

7 Wa gil mīs la nīk sīk, la ās kātāpih īdī
da Pharisees gla wa Sadducees, lā gwītłzī da
gākī awīlkautlā.

8 Kā nīkīnāyā sa Sadducees sā kīks kīyosa
ī qilāh-īda, kīyos la kād angel ā, kīyos la kād
baq-wunāya, lā glā tī da Pharisees nīk kīks
qilāh-īda mī klī da qilāh-īdī kla, glūks angel
ma ī da angel ā, glūk gints baq-wunāla mīk.

9 Lā zī kiāsa ās kātāpih-īd hāzūkstāla,
glākwum gilītłilī da wa-ūq Sadducees gla wa
wa-ūqī lākā Pharisees, kutā, nīkia, kīyosunūh

dūqitl kā yāgāts gāda bagwānumk, wa māzau lāk tāk, kā gū aulā um lāk yākugātl tsū sints kīsa dūqitlā.

10 We yiks la ī hekaula zī kiasī da kātāpī, la āsī da gīkumāyī captain kwuntīdis Paul kū yilqā lāks lā ī nīkāpa sū yih dākws, lā wekā kī da soldiers kā les uk-īduk, kā au-mīs nīkīt kiasuk lāh dākwwuk kā gākīs la-īklas lākī da gūqī.

11 We kī da la kānūkla gāka ās glāk-wālītli Gīyā lāk kās nīkīk, ekikulā-la hyīs naukā yūs, kā īs lānā yūs qāqīx-āl gākun lāk Jerusalem, la mī sis lā-kl kād kālāgīla mas klinl āk Rome.

12 Wa gil mīs nāh-īda, lī da Jews numā-kigātl kās yiklumga-āklilūdī qilīx-um kīs bībaqīnāyī lākīs lāh dākwi wātldumā, nīk kās kīs lāgī humāp glū nāk-īdilāk kīs wāwāsdumh dākww kla kīs um-kl tlilā mas kluk Paul.

13 Sāyākiasukum gūs taula tī da nīkī kās he qelīs la kwīkayā.

14 Wa gāk dākww lākī da gīgikumayī la-ulbled gla wa qilsqilyāqī kās nīkī, lamunūh yitl-āklilūd tsunūh bībaqīnāyī lākunūh lā wātldūma, nīkī gānūh kunūh kīs lāgī hāmāpa kunūh wāwāsdum kla kīs-umkl tlilā mas kluk Paul.

15 Wa wīga hī qelāh dākww gla wī da council kās wīga ūs uk-kiāla kī da gīkumayī captain kā gākī sīs lūkl, kās dādalīta īksda bütla ūsā kī aula-kiāla, wa la mī sunūh, yiks

kīs mī kla sī gāk̄ ihīāga-ākl, qātlātla-kl kunūh kīlāh-īdī kla kī.

16 Lā glā tī kwanūqas wuqes Paul khālāk̄ tātela īnīh dāk̄w klas, hī mīs gāk̄ la-īkl lākā gūqī uk̄-āts Paul kās nītlīk.

17 Lī Paul klīlgātl k̄a numūqī gāyūtl lākā soldiers k̄a gāk̄īs lāk, la nīkik, lā lāts gāda ginānumk lākā gīkumāyī captain, nīlum nūq-kl ga kī.

18 La uk̄-īduk, kās les lākā gīkumāyī captain, la nīkia, Paul kī da wulītl klīlgātl gāk̄un kun le lāk, la uk̄-kiāl gāk̄un kun gāk̄īs gāda ginānumk lūkl, wātdum nūq-klī lāk lūkl.

19 Lī da gīkumāyī captain dāh-īduk̄ ayasaus kās le wātilāk, kās wūklek, māsūs wātdum kla kūs gāk̄un.

20 La nīkia k̄wīkulī da Jews, la mīs qātlī wātduma sīks nīkia ī kās uk̄-kiālī lūkl kās lā-ūsās Paul lāk̄ tlins-kla lākī da council, kās kāk̄ūtl-āklilaā sū nūq būtlīkl la-ūs kās aulāk̄iāla ūs kauklilāk̄ sīnātāk.

21 Qanū zāk̄-īdilāk̄ lāh dāk̄wuk, k̄a īks tātela h dāk̄wī kla lā ī da, hiyākā klāk̄ mūskum gūstau kla bagwānum-kl, yīkī da le yītl-āklilūd tsīs bībaqīnāyī lāk̄īs wātdumī kās kīsī-kl ul lā-kl humāp-kl glū kīs lā-kl nākā-kl kīs wāwāsdum-klā ul kīs um-kl tlilā mas kluk̄ Paul: wa lāh dāk̄w mīs qātlātla nāk̄iatl kās hī mī klūs qelā klī wātdum klās lūkl.

22 Wa la āsī da gīkumayī captain ek um

lā-mas kā ginānum, hiyāklū lāk, qanū nītlā sū nūq lāk sīs kālagīla māzīnāyūs gākun.

23 La klīlgātl kī da mālūqī īaāksīlā kā soldiers la nīkik, qātlātla mas lasuk mātł pun-yāge soldiers kā lā lāk Cæsarea, hī mī sī aglabū skum gūstauya qīqegīk gūdan, hīmīsī sīsagāyū-wunqile bībagwānum mātł pun-yāga, le klas yūduh zākuklilā gīlā-kl kwā kānūklīk ;

24 La ukķiāla kā qātlātli ka ās gūdāna kā qegīndaās dākw sīs Paul, kās gāk-āklilāh dākwī sīs lāk Felix kā hānāgazī.

25 La ķiātīd kā ķiāduqī, ga mīs qetla āts wātłdum as.

26 Claudius Lysias lūkl hyāhyīlanūs hānāgāzī Felix, kīlakias-la.

27 Dāh-īd tsū gwāda bagwānumk yīsī da Jews, la mīs ķiākīlā-ķia kuk, gākī gin lāh dākwuk yīsī da soldiers kun qāqil-līq, lā gītł tsūk qilī, lin kautl-āklilā kūks Roman ā īk.

28 Wa lin klā sūk lāk councilh dākwas yīk gin lek ķākīstaāk sīnāt dākwā sīq :

29 Lin kautl-āklilā kūks aumā ā kūgl hī dī kātāpā īnīh dākwas ka īs law-h dākwī sīnātsīq, kīyosa ā kūgl lā-gītł lāk sūk tlil lāk, glū wulītł lākī.

30 We gil gītł mun nītlā sū yīks lā īk ķwīkulā gītla, lin hīh-īda um yālāk-īd tsūk lūkl, ukķiālāk yāleq kā lāh dākwī ka āsī nīk yūklā sīs wātłdum dākwāq : halakias-la.

31 ¶ We lī da soldiers yīks la ī uk-ķiālā

sū wa, uk-īduk Paul, kās gāk dākwi sī kā kănūkl lāk Antipatris.

32 La tlinsā lāh dāk w hwilākā lākā gūqī, hīga mīsī da qīqegayī bibagwānum la hī-nāqil gla wī :

33 Wa yih dāk w kīks gāka ī lāk Cæsarea, la zaw sa kiaduqī lākā hānāgazī, lā-ka ā glāk wum lītlas Paul lāk.

34 Wa gil mīs qātluks la ī kīākiāduq sīlāh-īd kā kiaduq, la wuklāk wīdī gāyūlas as lākā ī-awīnāgwīs, wa gil mīs lā kauklila kīks gāyūtla ī lāk Cilicia,

35 La nīkia, hūklila um klin klūkl, kū gāk klī da kīkayūde ūs, la wekā kā les la-īglum lāk dādālīta-īlas as Herod.

CHAPTER XXIV.

WE yīks la ī sīkia pun hwas hī gāk lī, gāka āsī da gīkumāyī labled Ananias gla wī da wa-ūqī qīlsqilyāq, hīmīsa numūqī yākuntāla īnūkwā Tertullus kla; hīmīs lāh dāk w kālāgīla kā hānāgazī, nīk kīks yāksama ī Paul.

2 Wa gil mīs gāk uks la ī klīlāla sū wa, lī Tertullus heksilāk, nīkia, yīk gānūh lek dūqilāks sū ma ā kūs unūh lāgītīl klūmā nīnākukulī, wa sū um ka ā wīs lāgītīl-ts hītīl-tsīstā matsū-nāhwī da nāhwā yāksum qīgīlas lākunūh līlqilākā ya-īnāyī.

3 Hīmunātla mī sunūh ehwākums lāk nāhwā awīnāgwīsā, walas gīkumī Felix, mūlā kiasā.

4 Aklā glin kunklil wānīkum ūs, lin hawāk-ulūkl kās wākā ūs hūklīla gākunūh yīsīs ekilālazī yūs, kunūh hūlatl bīdū kla wātldum-kl.

5 Kāk gānūh lek dūqilā kwā bagwānumīk ākw-sūle ūks baqīnayīk, lāka ūk kākūmālilā kwā nāhwāk Jews lākwā nāhwāk awīnāgwīs, lāka ūk glākwumī sa lūksūmātla Nazarenes :

6 Yū umka ā wīs la wāh nīk kās babāhwi-yilā kā temple, yū mī sunūh la dāh-īd tsū wūk, kunūh le lāks-dunuh dādalītāq nukutltawek qetla-āsā sunūh nūsī law.

7 Lā tī da gīkumāyī captain gākā, la tlīnumk kliyāq gākunūh,

8 Uk-kiālāk kīkayūde sūk kā gāk dākws lūkl, yū mī sis kauklilas um klūk kāsū lā-kl sū-umkl kākutl-āklilā āklūq, lā klis kautl-āklilā klūk unūh klāqumī lāq.

9 Lā ka ī da Jews ūgwākā hīmūtāk, nīk kīks aulīs tā mī gada wātldumk.

10 Wa gil mī sī da hānāgazī kīklāk kā yāḡugātlīs, lī Paul nānāk-māyā : Kā un kauklīla īnī mā kīs la-īnāyūs kīk-unkīl dādalītā īnūkwā yīsūk da līlqilāklāklāyīk lāgītlt-ts klūmā ekin naukāyī kun nānāk-māyī.

11 Dūqila mī gāks kauklilā ma ākūsā kīks hī ma ī ātlī mātluksā-giyū nāla qāsāyā sin lāk dum ī lāk Jerusalem, kun le umyākā lāk.

12 Kīyos tā dūqilas dāk_w sūk gākun kātāp glū numūqa bagwānum lākī da temple glū kakūmā-lilāk awil-kautle bagwānum ā, kīyos kād lākī da synagogue, glū lāk kī da town ī.

13 Kīyos um ka āwīs qīh-ida ās tsūk aulā mas kūs wātldum dāk_wīk gākun kā kū wāh lāk gwunh-īdilāk.

14 Ga mīs glin nīlum lūklī gāda kun aulā mī qā-ināya yīk qayūh dāk_wā sūk klīqā masa, hī mī sin kātla īnīk Gīyā sunūh wī-ūmp wūtla, ūqīs kā nāhwā qetla ātsī da law, gla wī da kīataya sī da prophets wūtla.

15 Hīlikum nūq sints Ike Gīkumayā, hī mīs ūgwākā um hīlikumh dāk_w sūk yīkīks qilāh-īdī klī da es-ekī glū um klī da ya-īksāmī.

16 Hī mī sin hīmunātla um aāk_sīlas kun naukāyī kun kīyosī yāksama ās lāk_unts Ike Gīkumī glū bagwānum ī.

17 We lāk la qāsī sī da lā kīk-unkīla gākī gin klā sin zaw-yī lākun gūqilūtī :

18 Hīmīs la dūqilas dāk_w sūk gākun klāk gin lek nuksumā lītl tsin qīgīlas lākā temple le gin a-ekīlāqā, kīyos wa-ūgwīt_l lāk kīnumā bagwānuma, kīyos kād kūmāt_llila matsū-wa, hīga mī da wa-ūqī Jews gayūt_l lāk Asia hī gāk hī ;

19 Yīkā ek lāks de kū gākū kās nīkī lūkla sin yāksama qīh-ida-asa, kū kauglit_l nūq lāk gākun lāk numh-īdāt_lle kīs ekiā.

20 We hyūk yū-um lāk kūk da gākīk

bībagwānuma nīk sīs dūqitla yāksum gākun, yik gin le gin hūklilā sū sī da council.

21 Hīga mī lāk k̄a-sin num pun zāqumī, yikun lā yākugālum gloqī-lītluk, qāqīx-āl lāk qilāh-īdā īnāyā sa tlilī gāk gītlin hūklilā sū lūklā kūk da nālāk.

22 ¶ Au-mīsī Felix, la ī qulgītul kauklila-kunāq k̄a Tihyilā nīk k̄a ātl-miklis, nīkia, kū gāk klī Lysias k̄a gikumāya captain, la mī sin qāqātl-tsistā-ākl kūs wātldumā kūs,

23 Wa la uk̄kigātl kī da aāksilā k̄a soldiers k̄a kīsīs hītlkūlum lā-wilsā, glū k̄a ekstūsumīs uk̄-īksda-sū lāk kās, hī mīs k̄a kīsīs yegilumī glīglaglaula-kiālek k̄a gākīs yeklauk.

24 We kīs tā ketlāks gāka ī Felix gla wīs kunumī Drusilla, Jew wāksumī, la yālāk-īd k̄a gākīs Paul lāk, la ek um hūklilā itluk, la ī k̄ayaula sī da ūqizālazek Christ Jesus.

25 We lākīs lā-īnāyī qāqīx-āl lāk nāhwā ek qaīnāya, glū hukiātle kīs baqīnāyī qilīx-ma, hīmīsī da dādalitāh dum kla gāk-kl, lī Felix kwunāla kiasa, la nīkia, hāga umās-kl, ātl um klin ek um klīlāla klūkl, kunklū lā-kl ek-kl hūklilāh dum nūq klūkl.

26 Ehwilā kās hutlākā-sū wī lāks Paul yis dāle: hīmīs lāgītīl-ts hwīlākulā um uk̄-kiāl k̄a gāk̄yū nāhwīs Paul lāk, kās kīkayūdī gla wī.

27 Wa gil mīs glā la tupstū-wī da mātīl unkī, la āsī Felix klāyū sūs Porcius Festus; nīk tī Felix kās kākāgwa-mī lākī da Jews, lāgītīl-ts wulītīlulk-glālāk Paul k̄a wulītīl tse mīs.

CHAPTER XXV.

WA gil mīsī Festus gāk lākīs aāk̄silā sū klī, yīks lā ī yūdūh pun hwās gāk̄a-āgūtī lāk, la-ās lāk Jerusalem geh-īd lāk Cæsarea.

2 Lī da gīgikumayī la-ulbled gla wī da nīnauksaule sī da Jews nīntlilāk yīs Paul kutā kā yāksāmīs, lāh dāk̄w hawāk̄-ulāk,

3 Nīk kās wāk̄-īd tsūh dāk̄wī kā yāksum sū wīs Paul, kā nunqī sīk kā gāk̄yū wīs lāk Jerusalem: tātēlāk kās kīlāh-īdīk lākā tihyila kū gāk̄-kl kā tlilīs.

4 Aumīsī Festus nīk yīks la ī nānāk̄mīk, yīks wulītī ma ī Paul lāk Cæsarea, glūks kīšī-kl ketlā-kl kū lā kluks he ī lāk Cæsarea.

5 Nīkia, wīgā hyī da gīgikumī lāh dāk̄wūkl lā-kl gla wun kunklū lā klū, we kū qīh-īdaas nūq lāks yāksāmā īda bagwānum, wīgīh dāk̄w-klilā hyī ūzagīla kluk.

6 ¶ Wa gil mīs la hiyākāk nukā pun hwās hī gāk̄ lī, lā ās lāk Cæsarea, lā qāh-īd lākī da dādalīta-ās kī da lā tlinsā, la uk̄-kīāl kā gāk̄yū wīs Paul.

7 Wa gil mīs gāk̄ā la-āsī da Jews yīkī da gākī geh-īd lāk Jerusalem k̄westālāk, kīnum ī yāksāmī qayūh dāk̄wās kā qīgīlas lās yīk kīyos dāk̄wā glātī qīh-īdaas aulā matsū wā.

8 Yīks lā ī Paul yāk̄ugātla lākīs la-īnāyī nānāk̄māyā, kīyosin ūzagīla sū lāk law-yā sī

da Jews, kīyos um ka ā wīsin wātldum kī da temple, kīyos um ka ā wīsin wātldumk Cæsar.

9 Lā tī Festus yīks nīkia ī kās kākāgwamī kī da Jews, nānākmīk Paul, nīkia, nīk mas kās lā ūs lāk Jerusalem, kās he ūs dādālītā sū lākwā nāhwāk wātldum ūkl lākun nukumā lītł?

10 Aumīsī Paul nīkia, gāk mī gin glāk-wumā lītł lākūk dādālītā-īlasāks Cæsar, yūzī-mas ma āks dādālītāās-ūk yūgwītł ums ek kā dādālītā-ās gākun, kīyosī gin yāksum qīh-īda ās kā Jews, kīs kauglītł mūs.

11 We kunklū aulā lāk yāksum lāk bagwā-numa, hīmīs kunklū qīh-īdaās nūq lāk kun lāgītł lāk kīlāh-īd tsū lāk kun tlilī, kīs tīn kumsā tlilā; we kā glū kīyos lāk aulā lāk kūk qayūk dākwāk sin qīgīlasa, kīyosālas tā numūq bagwānum hītłkūh-īdin zawe lāh dākwuq: lamun uk-kiāl kun le lāk Cæsar.

12 Wa lī Festus, yīks lā ī qātł kīkayūd gla wī da council, nīkia, la ums uk-kiāl kās lā ūs lāk Cæsar; lamīsis lā-kl lāk Cæsar.

13 ¶ Wa kīs tā ketlāks gāka ī Agrippa yīkī da king glū Bernice gāk-āklil lāk Cæsarea kās iāk-kiālīk Festus.

14 We yīks lāh dākwa ī kī-pun hwās hī gāk lī, la āsī Festus nītlas qetla-asas lākā king, nīkia, numūqūk da bagwānumāk wulītłilk-glīs Felix:

15 Yikūk nīlūmh-īdek gākun yisī da gīgikumāyī la-ulbled gla wī da qilsqilyāqa sī da Jews yik gin lāh-īdīh lāk Jerusalem, uk-kiāl gākun kun wekī-ul kā tlile sū.

16 Hīmīsin nīk-sū wī, yikīks kīsa ī hī qīgīlī da Romans hītlkūh-īd zaws ungwe bagwānum kā tlikes yīks kīs ma ī nākū-lītl gla wī da kīkayūdek, glū kās ek mī nānākumāyī-lelā kī da wātldumāk.

17 Wa gil gītīl dāk_w mas gāk kāpīkū lāq, wa hīh-īdā mīsin lā qāh-īd lākā dādālīta-ās kī da la tlinsā, lin wekā kā gāk_{yū} lagī sa bagwānum.

18 Yik, yīks lāh dāk_{wā} īda ūzagīlek glāk_{wātla}, kīyosā ākūgl qayūh dāk_{ws} lākun wutlumk-de kiūditl kā sīnātuk;

19 Auma ākūgl hīdīs husmāk wotldumh dāk_{wā}, hīmīsī da numūqa-ul Jesus klā, yikā lāk de-ul tlilā, hīmīs qayūs Paul qilā-mā.

20 We lin, klāk gin lek kīyos kauglitl kun qīh-īdaasuk wotldumh dāk_{was}, wuklāk kā les lāk Jerusalem, kās he la dādālītā-sū wī.

21 Wa gil mīs glī Paul la uk-kiagātīl kās hīma wīs glī qa-ītīl kā wātldum klāsā hīnūme gīkumayī, lin wekā kā hīma wīs glīs qa-ītīl kīs mī-kl gin yālāk-īd klis lāk Caesar.

22 Lī Agrippa nīkīk Festus, ūgwākā mī gin nīk kun wuklilī kā bagwānum āk kgin nūgwīk; la nīkia, la-ums hūklīlā-kl kīk tlīnklā.

23 ¶ We kī da tlinsā, yīks gāka ī Agrippa glū Bernice, wālumgiq qālinqā, lāh dāk_w lā-īkl lākī da hūklīlas, glūh dāk_{wi} da gīgikumāyī captain, gla wī da nīnauksaula bībagwānum sī da town, we lāk la wātldums Festus gāka āsī Paul gāk-yau.

24 Lī Festus nīkia, king Agrippa, glū wūklāks nāhwā īk bagwānum gāk gla wunūh lāq, lāh dāk_w ums dūqilāk gāda bagwānumk, yīk gāda wīlskumī sū gwā sa Jews gākun, lāk Jerusalem glū lāq, wīlzāqil nīk kā qātl-lā gīsik qilā.

25 Kīyos tin dūqitl lākik kā tlil gītl lāk sik : we yiglāks ga mīk qilīx-um nīk kās le lākā hīnūm gīkumayā, lāgītlin nīk kā lālāgīt tsūk lākī.

26 Kīyos tin ulqin-nāq kun wātldum qāqīx-āle kun qīātīdāyū kāk lākā gīkumāyā : hīmīsin gākīt tsik lūkl, sū mīsin hīnūmā gāk-ātsik yūkl king Agrippa, kun ekī klin qīātīdāyū nūq-kl kā-gū lākl qātl tsū-kl dūqīlelā-sūkl.

27 Kā īks kīs ta āqa ī ek kunklū wūtl-um lāk lālāk wulā-lāk kuk lā-lāk sik lākī, kunklū kīs lāk nīk lāks sīnātā kuk.

CHAPTER XXVI.

Lī Agrippa nīkik Paul, la-ums hītlkūlum yāḡuntāla kās wātldum ūs kā ūs baqīnāyā kūs : lī Paul sāh-id tsīs āyasū kās yāḡugātlī :

2 Is-ma ī glin ekīkula-ā king Agrippa, le-kl gin yāḡugātl-kl kā un baqīnāyā kwā nālāk qāqīx-āl lāk wātldumāk sa Jews ik gākun.

3 Hīnūmākl wīs glā-kl kāsīks kīyosa ākūs tlintl lāk nāhwā qīgīlatsa Jews glū nāhwā wotldums : hīmīsin lāgītlin hawāk-ulūkl kās ek mī klūs hūklīlātlā-kl gākun.

4 Yik qīxduma sin baqīnayī gegiklilā um lāk gin gālā ūtlig qāka-nāqila, yik gin hīma ūtl gin līn gūqilūtī, glū kād lāk Jerusalem, kauglitl um nāhwā sa Jews.

5 Qātlilāh dākw um kauklilā gākun, kū nīk dākw lāk kās nīkī, sin aula-ḡiāla īnāyūtl āikīla kun Pharisee īnāyūtlī.

6 Gāk mī sin glākwātl kun dādalītā-sū wī lākī da wātldum ūtla sints Ike Gīkumī lākunūh wī-ūmp wūtlā ;

7 Yik lālūklā sū wūtlā sunūh gūqilūtī lākīs wākāskumā gwāsāks mātł-tsumāgwa giyau ī aulākīāl aāksilā kunts Ike Gīkumī kūk kākanūklīk glū wūk nīnālāk, kās gāk loglānumā : wa gamīs sīnāt gākun klā sa Jews, yūkl king.

8 Māzī wayūqizī gītl lākās qilāgilīsā mātsū wī da la tlilā yisints Ike Gīkumī ?

9 Nīk mūtl wīsin kā kīnumī sin qīgīlas yāksumk glīkumas Jesus as Nazareth.

10 Ga mī sin lūtl qīh-īdaās lāk Jerusalem : lūtl kā un wulā kā kīnumī lākī da es-ekī la-īklilas lākā wālazī, yīk gīn lek zaw sū sa gīkumāyī labled sa tloqīmas wātlđum kun hī qīgīlī, wa lūtl ka un wekīgī um kīks lā-nāhwā ūtl kīlākia sūh dakwā.

11 Kīlākīak lākā nāhwā synagogue, kiākīā-lumāk kā yākpākstāh dākwis ; lūtlīn ek-nūtlumātla sin klīsī lūtlak, lā kīākīlāk sumīk lākā nāhwā tī-townā.

12 Hīmīsin klāk gīn lek kenāqil lālaā lāk Damascus yīsa tloqīmas wātlđum sī da gīgīkumāyī la-ulbled,

13 Lākī da lā nukīla, yūkl king, le gīn dūk-wāklilā kī da qukākālīsila lākā īkī, qakātla kāwī sa klīsila supsumālīs gākun gla wun wa-ūq maula.

14 We yīk gānūh lek au-um numāla um yākyiqīsā, le gīn wūklilā kā nīkīalē gākun lāk yākundāsa sa Hebrew, Saul, Saul, māzīs sīnātā ūs kīākīlāk sumī gītla gākun ; tlāhwātlā ās kāsīks qāsīlā ākūsa kā klunkāyū.

15 Wa lin nīkia, ungwās, Gīkumī ? lī Gīyā nīkia, Nūgwa-um Jesus yīk gās kīākīlāksumī sū gwūs.

16 Wega hyī glātl glākwlīsuk, kās glāk-

wālisa ūs, kāk gin hīmī gin gākītł baqsū wūkl, kās lā ūs hīlūbātł-zānāyin, nītla ūsā sīs lā-īnayūs dūk-wāklil gākun, glū klī da nāhwā kla un nīk-nīlum-kl lūkl ;

17 Qāqila-nāhwā klūkl lākā līlqilāklāyī, gla wī da ātl-ūgwuk sumāq, yālākum as klā ūs,

18 Kā dih-īdā masuk kā tlū-hwīdih dākwi sī sa pudikilā kās qestī lākā nāqātlā, glū kās bowe sī da tlāhwā-yas Satan kās qesti lāk God, kā dīgiklilūdīs yekīnīh dākwas, glū kā uknū-gwādh dākwis lākī da zaw-yā kīda le ek-īdā mātsū sīs ūqizālazī gākun.

19 Hīmīsin lāgītlin, yūkl king Agrippa, kīs klālīqīgī kīda dūk-wāglitlin gāyūtł lākā īkī :

20 Hīh-īda um lā nītlas lāh dāk w kīda hī lī Damascus, glū lāk Jerusalem, glū lākī da nāhwā awīnāgwīs-ts Judæa, glū kād lāh dāk w kī da ātl-ūgwuksumāq, kā māyātāh dākwis kās qestī lākunts Iķe Gīkumī, uk kīda ek qīgīlas hītł lāk māyātālazī.

21 Ga mīs sīnāt tsī da Jews gākun lāgītł-ts dāh-īd gākun lākī da temple, kīākīlakia gākun.

22 Līn wāksū giwātł tsints Ike Gīkumī, glāk wātla gītlin gāk-āklil lāk wā nālāk, nītla sun dūqitlī lāk nāhwā bagwānumā, kīyos ūgwil wātldum lāk wātlduma sī da prophets wūtla glū wātldum ūtlas Moses gākūgwītł hī qīh-īdī,

23 Yīkīks kīsā lasū-gwītla ūtlī da Christ īs tlālāwotł īda, glūks hiyūgwītł ma ā gāl yīks

lā ī qilāh-īd lākā tliī yākugātl nītlas nāqātla
lākā līqilāklāyī glū lākī da ātl-ūgwuksumāq.

24 ¶ We yīks la-ī nīk sīk kā-īs baqīnāyī,
lī Festus hāsīl nīkia, Paul nūtlumātlas, kīs
kunklila ināyūs kīnum īs kākūklā-sū wūs la
nūtlumh-īdā mas lūkl.

25 Lī Paul nīkia, kīsin nūtlumātla, aul ek
Festus; au mī gīn nīk sa aula wātldum kīs
klīlqāla, kīs kād nānūtlumūlāqīl wātldum ā.

26 Kā sīks yūkl king kauklila ma ā kūs
nāhwā kuk, yūklāks kīsa ākūs in hulskume
gītl nūq yākuntālas gīn wātldumk; kāk gīn
kauklilā mī gīn klāks kīyosa ī lākuk tāyātla
kīs gītl lāk ka ūs kauklilā lāk kuk; kāk gās
kīsa ūtlik uk-īd tsū lāk ūnīqīsā.

27 King Agrippa, ūqīs masī kā prophets,
kauklilā mī gīn klāks ūqīs ma ā kūs.

28 Lī Agrippa nīkīk Paul, kīsī lākā kūs
kīkiāla lāk kāsū lā lāk Christianh īdā mas lāk
gākun.

29 Lī Paul nīkia, wīkunglas gla wūk da
nāhwāk wūklilā gākun klā kwā nālāk nūgwa
qīx ī, hī ga um glātl kīs gāda wulwulk zānī
gīn.

30 ¶ Wa lī da king glākwilītla, gla wī da
hānāgazī, glū Bernice, hīk dāk w mī sī da qazītl
dī glūh dāk wī.

31 Wa gilh dāk w mīs lāksau lītla, lāh
dāk wa as awākaul, nīkia, kīyos kūgl sīnā dītl
tsūk da bagwānumk, glū tliī gītl lāk sūk.

32 Lī Agrippa nīkik Festus, la mūk lāwils lāks dūk da bagwānumk kākū kīs wutl-um lā uk-kiāl kās le lāk Cæsar.

CHAPTER XXVII.

WA gil mī sunūh ulestānū kunūh le lāk Italy, lāh dāk w zaws Paul gla wī da ātl-ūgwila wulā sū-wā lākā gīkumāya sa soldiers glīkādīs Julius gāyūtl lākā kupīskumātles Augustus.

2 Lāks lākā ship gāyūtl lāk Adramyttium, yikā glāglāk-ā lā-kl lākā natl-numzakīs āwī-nāgwīs lākī da āwā-īsiles Asia, lānūh gluk-īda Aristarchus, Macedonian ī gāyūtl lāk Thessalonica wa-ūqunūh.

3 We kā la tlinsa lānūh qebāla lāk Sidon, lī Julius a-eḱiakīlāk Paul, hītlkālāk lākī da wī-awākkiālek kā tlālūk-wīdīs.

4 We lānūh gluk-id lāk, āklānūdāla tā nūhwāk Cyprus, kā ī da yauleks kīsa ī hītl-bāla.

5 Wa gil mī sunūh hiyākāk klāsāqās Cilicia glū Pamphylia, gākunūh lāk Myra, num ī town lāk Lycia.

6 Wa hī mīs la nukā tsī da gīkumāya sa soldiers kā num ī ship gāyūtl lāk Alexandria glukā-kl lā-kl lāk Italy, la lāksā-nūh lāk.

7 Lā tānūh kī-pun hwās gānūh lek gluk-ālāklaya, tlāhwūmh-id gānūh gākīk lāk

nuk₂kiūtes ² Cnidus, kā ī da yāksāmī nālā, āklānūdālāk Crete, lāk nuk₂kiūtes Salmone ;

8 Lānūh āklābal hulsilā um hītlilāk gānūh gāk₂ik lākā num awīnāgwīs glīkādis Fair Havens, nuhwātla lāk gūqilāsa sī da town Laceak kla.

9 We yik gānūh lek ketla hī gāk₂ lī, glūks la ī kīs hīlūmasī da nālā, kā ī da Fast yiks la mā ī hiyākā, lī Paul hiyāklū-lāk,

10 Nīk lāh dāk₂wuk, dūqilin klāk gints tlekīklik, lā klūk₂ kīyo nūq klūk₂ moyāk₂ sa shipīk₂, lā-kl₂ kā unts hulsila um-kl₂ qīqilā-kl.

11 Lā tī da gīkumāya sa soldiers hī hūklī-lāqī da gīkumāya sa ship gla wī da uknū-gwādes, lākī da nāhwā wātldums Paul.

12 We kā kīzīnāyā sī da kūqādī ek lāk₂ zawunkulas, lāgītł-ts hī kīnum ī da nīkī kunūh gluk₂-īdī bos, kunūh wāwulzawī lālāga-ā lāk₂ Phoenix, kunūh hī zawunkulī, yikā kūqādī lāk₂ Crete nilkumlīsa.

13 Wa gil mī sī da mitlāsī hulyūk₂-wīda, wutl dāk₂w um nīkīk₂ la-um ek-kl₂, lāh dāk₂w dungūstūd₂ kā kultsum ī, kīūpīkā-īsil, āklābal lāk₂ Crete.

14 Kīs tā ketlāks₂ gāka ās gāk₂-āklāyī da awīla yaula, yikā glīkula sū-was Euroclydon ;

15 Wa gil mī sī da ship gāk₂-āklilāsa, la kīyos qīh-īdaās nukā lākā yaula, lānūh wegliklī lāk, lānūh au-um lā yūnāqilayau.

16 Lānūh hīnāqil lāk āklānauyā sa umābīdā-wī mukiaula Caudak kla, lānūh tlāhwumāla kā boat aulāmī-sunūh lo-kluk :

17 Wa gilh dāk_w mīs la dungūstūduk, lāh dāk_w gwunh-īd kās kunābūdī kā ship, lāh dāk_w kitl-īd kū lā lāk yūgwālīzum lāk lākā nāhyilālīs egīzigwīsā, lāh dāk_w ukumākūduk qītlqelāklile sa yāwāpīk, aumī sunūh lā yūnāqilayau.

18 We yik gānūh lek qātl-tseyau, lāh dāk_wa ās zukumstāla kīs mau-yī.

19 We kī da lā hilūksā lāh dāk_w qilīx-um zukumūdāla kī da qītlqelāklile sī da ship.

20 We yiks kīyosa ī lā dūqītl lākā klīsila glū tūtau kā la kīksā nālā, kā ī da yāksamī nālā, lānūh yāyaīk-īd kīsūnūh la nākīāl qīqilā.

21 Wa gilh dāk_w mīs la ketla kīs humāpā, la āsī Paul glāk-wātluks lāk nuḡukītluksas kās nīkī, āade, hūklīlāh dilā gākun kunts kīsī lāks dints glukā lāk Crete, lā lāks dints kīs ūzamunkā.

22 La mī sin nīkiūkl kā aumī sūk ekiūs nīnaukāyā kūś, kā īks kīyosī klā kūś welā nūq-kl, hīga-um klūk da ship īk.

23 Kāk gin gāk mīk di gin gāk-ās kwā kānūklīk yīsā gāyā-nāqile lākunts Ike Gīkumī yīkā uknūgwāde un, yīk un kātla sū-wā ka un,

24 Nīkia, qālā kitlil, Paul; la um klis glāk_wumā lītl kluk Cæsar, wa dūqātla laga

lamūk nāhwā mūk da līlūtā kūś zawē lūkl
yīsa Ike Gīkumī.

25 Hīmī sin lāgītl nīkiūkl, āade, kā au mīs
ekīs nīnaukā yūs, kāk gin kīsī gin wayūqīs
kunts Ike Gīkumī, yīkīks hīmī klā qelā klī
da le wātldum gākun.

26 La mīs glints lā-kl lāskumd-kl kā num-
skumā mukiaulā.

27 ¶ Wa gil mī sunūh la mūksā-giyū gwīla
kā kāmūkl qātl-tseyū lāk Adria, la āsī da
sailors nīkinūh la-um nuhwātla lāk awīnā-
gwīsā, kī da lekunt nukīgayā ;

28 Lāh dākḡw munzīsā, la kautl-āklilā kīks
mātl-tsum gūstau punkia ī wālunsilā sās, kīs
tā ketlāks lāh dākḡwa ī ītīd munzīsā, la kautl-
āklilā kīks au ma ī la sīkiā giyū punk lākā
munīzāyū.

29 Lāh dākḡw nūtl-īd kunūhwū au-um lāk
lā lāk qutl-ālīzum lāk lāk tīzagwīs lākā, lāh
dākḡw kḡlstund tsā mūskum ī kḡltsūm lākā
ūkglāyī la wātlākīl kā nāh-īdā gīs.

30 We yīks lāh dākḡwa ī da sailors tlālūwāklā
sa ship, lāh dākḡw um dunākūd lāstā mas kā
boat, kākḡlstunda ā būtlas kḡltsūmā lākā
augīwāyī,

31 La āsī Paul nīk kī da gīkumāya sa
soldiers, kīsā las dākḡwa ākūs qīqilā, hīga ma
ās kākū yūk seh dākḡw-umkl lūkl da ship īk.

32 Wa lī da soldiers tūtis-zīnduk mūgwa-
nauya sī da boat, wāh mūtāla-ga umk lā qīdā.

33 Wa yik̄s la ī la nānāqilā, lī Paul uk̄k̄iālāk k̄a humh-īdih dāk̄w lāgīs nīkia, las mūk̄sa giyū gwilā sa nālāk̄ k̄is humāpā,

34 Wāk̄ laga humh-īdih dāk̄wuk, kāsīk̄s hīma ākūs egasī, k̄a īk̄s k̄īsī klā kūs welā nūq-kl.

35 Wa gil mīs qātl nīk sīk, la uk̄-īd k̄a qunīq la mūmul-kiālas lāk̄unts Ike Gīkumī lāk̄is laīnīh dāk̄w kupīk̄sā, la wuh-īduk kās humh-īdī.

36 Wa lāh dāk̄w ek um la hītlulk̄-īdā, lāh dāk̄w ūgwākā humh-īda.

37 Wa lānūhwāk̄ gānūh wīlīk gīk̄sālā k̄a ship mātl pun yāgā, hīmī sa māmātlgwinātl tsum gūstaule sa kukloqunūh wāk̄a ās.

38 We gilh dāk̄w mīs hītl-ā k̄isā, lāh dāk̄w zuk̄stundālā k̄a zīzidanū, k̄a qis-īdī sa ship.

39 Gil mīs nāh-īda, lāh dāk̄w k̄is mātl-tela k̄a awīnāgwīs; la dūk̄-wāklilāh dāk̄w k̄a ūzaulīsī egimungwīsīs klamā-īs, lāh dāk̄w hā-wāklilākū-hwīdā īsa ī qīh-īdaas nūq kīk̄ālīs lāk̄.

40 La qītlūd k̄a k̄īk̄ultsum, kās aumī la k̄akinsilā mas tlowāk̄las, lā k̄a ā qītlumūduk̄ yīglumā sa glināyūk̄s-diyī, lāh dāk̄w yāwāpīd kās glāh-īdī k̄a klamā-īs.

41 La nukā lākā k̄āk̄āhwītīnāla, lāh dāk̄w kīk̄ālīsā mas k̄a ship, lī augīwāyas ulgālīsa la k̄uk̄igālīsa k̄is la yewīnīma, la ā glā sī da ūk̄glekdī hīh-īda um tlītlīks-ā lākā qutlā zīkiasa sa kulāyī.

42 Lī da soldiers nīk kā aumīs kīlāh-īd kā wīwulqī kā tlītlilīs, gwākutlā āk kul_k-īdinūq kās kīkwī.

43 Lā tī da gīkumāyā sa soldiers qāqilā īksduk Paul, la bulāk kā kīsīs hīh dāk_w qīh-īdī, la au-um wekā kā hum_kwumstāla lagī sa kīkul_kīnūkwā kā hes gil lā lākā āklī.

44 Kā aumīsa wa-ūq la qusum_kīnī sū nūqu_k gāyūtlā lākā ship: wa la nāhwāh dāk_w um la qīqilā gāks-ā lākā āklī.

CHAPTER XXVIII.

GIL mī sunūh la qīqilā, lānūh kautl-āklila k_unūh uk-āsī da mukiauleks he-ākū glī da Melītāk klā.

2 La āsī da bāqum wīwāk gāk_unūh: luk_w-wālīsāh dāk_wa, ehwākumunūh nāhwā ma, wāwākla ī gāk_unūh kā ī da yūgwā gla wa wūdāla.

3 La āsī Paul kupenumā kā luqā munī_kw kās lāk klundīs, gāka ā sa sītlumī zum_k-wukau lākā luqīs, kās kuh-āklilī lāk āyasaus.

4 Wa gil mī sī da bāqum dūqilā kī da sītlum āks la ī k_ukilāklil lāk āyasaus lāh dāk_w nīnākiaula wunks-und k_untū_k da bagwānum ā kīs wunks-und tsū wā k_unt, wāh um k_unā-wīsū_k la qilā lāk_wā nālāk, la mī sū_k kīkāsīkuqa nīk sū kās kīsī hītl_kdikiā.

5 Au mīs glā ḵitlūd kā sīt lumī la lāk-klāla lākā luqīs, kīyos yilqīs lāk.

6 Wūtl dāk_w mīs gla dādūqātlāk huk-īda, glū nunḵia-īkulāk la um au-umkl lā-kl yāk-wālīs-kl kās tlilī : we yīks lāh dāk_w ī ketla nāḵiatla kā hes qīh-īdī, glūks la ī dūqīlāk kīyos yāksum gāk lāk, lāh dāk_w klāyū kīs nīnaukāyī, la nīk dāk_w kīks ḵīsa ī ā-ūmsā.

7 ¶ Wa hī mīs uk-ātsī da awīnāgwīsā sī da gīkumāya sī da mukiaula, glīkādis Publius ; yīkā wāk-īdī gākunūh, yūdūh pun hwas yeklau gākunūh.

8 Lā tī ūmpas Publius kulgwītla zihḵūlum nūq sa zilqā zihḵūluma, lā ka ā kikiā sa ulqā ; hī mīs la la-īglāts Paul kās hawāk-ulh īdī kā ī, la kluk-wīduk la mīs ek-īda.

9 Wa gil mīs hī qīh-īd ek-īdā masuk, gāka āsī da zīzihḵā lākā mukiaulā, lāh dāk_w ek-īdā matsū-wā.

10 Hīk dāk_w um ka ā wīs māyāhyā gāk-unūhwā sīs kīnum ī māyānāyau ; we gil mī sunūh gluk-īdikl, lāh dāk_w as gīga-ātluksilā sa nāhwā um yīkunūh uk-īksdisa wālas unūh.

11 ¶ We yīk gānūh lek yūdūh sum gīlā kā muqilā lāk lamī sunūh gluk-īd lāks kā ship gāyūtl lāk Alexandria, kā zawunkulāk dī lākā mukiaulā, kā glīkādes Numīmā.

12 Lānūh qebāla lāk Syracuse, yūdūh pun hwās tā nūh hī gāk lī.

13 Hīmī sunūh la geh-īdaas gānūh lek

īwīstal, gākunūh lāk Rhegium ; we yik gānūh lek num pun hwās lāk, la ās yūhwīda mitlāsī da yaula, gākunūhwā kā la tlinša lāk Puteoli :

14 Hīmī sunūh nukās kunūh nīnumūq, lānūh tloqāla sūs kunūh hīmā wīs glī lī kupetla glūh dākwi kā aglabūksa nāla ; wa gākunūh lāk Rome.

15 Hīmīs geh-īda ātsunūh nīnumūq, yiks lāh dākwa ī khālā gākunūh, gāk kākāyāla gākunūh gāk-āklilā lāk kilwīlas as Appius, gla wī da Yūdūh sum īs Gūqā : yik dākwuk yiks la ī dūkwā-glīt-ts Paul, la mūmulkiāla kunts Ike Gīkumī kā iks gākā ī, la tloqīmas īdī naukāyas.

16 Gil mī sunūh gāk lāk Rome, lī Paul nīk sū kās hīga-ītl mī gla wī da numūq soldier kākālālāk.

17 ¶ We yik gānūh lek yūdūh pun hwāzīsā, la ās klīlālā kī da gīgikumāya sī da Jews kā gākīs kāpīkau ; wa gilh dākw mīs gākā, la nīk lāh dākwuk, yin, nātlnumwiyūt, wāh mī gin kīyos qīh-īdaās kunts gūqilūt gla wī da nāhwā ā-ekīlasū sints wī-ūmp wūtla, lin wutl-um wulh-īd tsū lāk Jerusalem kun zūbungwum ī lākā Romans :

18 Hīk dākw mīs wāh nīk kun aulāga mī lāwīlsa yiks lā ī qātl dādalītā gākun, kā kīyozīnayās sīnāt lāk gākun kun kīlākiā sū gwītł lākā kun tliłi.

19 Gil gītl masī da Jews yākuntīd kīs hītlkālīn lāwīlsa, līn kīs hīnāk-īd gīn lek qīkumh-īd lāk Cæsar, kīs glātl kun yekītl nūqī lāk sin yekītl lākā kun gūqilūt.

20 Ga mī sin klīlānumā gītlūkl kās gākā ūs dūqā gākun kunts kīkayūda unts kā un hī-inī mun wulq gītl-ts gāda kulka-hyaulāk gī hīlīkum as Israel.

21 Wa lāh dāk̄w nīkīk, kīyos kīāduq gāk gākunūh geh-īd lāk Judæa qāqīx-āle lūkl, kīs um ka ā wīsī gāyūtl lākā lākī da nātlnumwiyū-tints, yikā gākī, zīkīālūm nūqūs glū yekīāla lākā ūkl.

22 La mīs glānūh hūklīlā klūkl lākūk qetla āsāk sūs naukāya kūs : kā ūk da Tihyile, khāla mī gānūhwā kūks kīyosa īk ek-ākīālāq lāk̄wā nāhwāk awīnāgwīs.

23 ¶ Wa gīlh dāk̄w mīs la glīkī nūq kā ī kās hīlālāhdumk, gāk dāk̄wa ās lāk lākīs gūqī kīmaula zīkiasa, hī mīs la ek ūm ayūzūdāla gītl tsī kī da gīkāsasī da Ike Gīkumī, tloqāl yākuntāk qāqīx-āl lāk Jesus, gayūklīlā kīs wātldumī lākī da law as Moses, gla wī da prophets, sunbund kūk nīnālāk.

24 La mīs uqīsī da wa-ūqī, lī da wa-ūqī kīs ūqīsā.

25 Wa gīlh dāk̄w mīs kīs numā kīāla, lāh dāk̄wa āsīks lā ī qātl-ālītl nīkī Paul ā sā numskumī wātldum, nukā kias awūtlī da Holy Spirit lā ūtlā simyādis Isaiah kā prophet lā

ūtla nīk kīs wī-ūmp wūtla ūs, yīsīs wātldum
ūtl yīks lā ūtla nīkia,

26 Hāga lāk_wā līlqilāk_{lāy}īk, kās nīkia ūs,
lāk_{is} hūklilā inīh dāk_w kla ūs lāh dāk_w klis
wūklilāk_l, lāh dāk_w klis kīs āyūsātlā-kl; glū
dūqātlā-kl, lāh dāk_w klis dūqilā-kl, lā klis kīs
dūkwāk_{lilā}-kl.

27 Kā ūk da nīnaukayāk sa līlqilāk_{lāy}āks
lā īk klūmā yāksāmā, glū wūk puspayauk sūks
lā īk wiyūtl-īd tsūs hūklilā ināyīk, gla wūk
kayākus dāk_wāks lāh dāk_wa īk putlātla;
gwākūtla īk dūk-wāk_{lilah} dāk_w lāk sūs
kayākus īk, glū wūklilā lāk sūs naukāyīk, glū
hwilākā lāk itīdilāk, glū kunklū hītl-īdilāk_{uq}.

28 Wa wīga kauklilāh dāk_w kuk, yikīks
lamīk lāyū gwāda qāqilā inī ga sints Ike
Gīkumī lākī da ātl-ūgwuk-sumāq, lāh dāk_w
mīs ūgwākā um-kl hūklilā-kl.

29 Wa gil mīs qātl nīks gāda wātldumk,
lāh dāk_wa āsī da Jews, kīnum īs wotldumh
dāk_wī kīkayūd qilyākaula.

30 Mātl unkīlā tā sunūklā hī gāk līs qilīx-
um hutlākānum kās gūqā, egītl kā nāhwā la
la-īklila lāk.

31 Glīks-ālā sī da gīkāsa sa Ike Gīkumī,
glū kākūklāmatsī da nāhwā qāqīx-āl lāk
Gīya-ī Jesus Christ kīs hulzāqilās, kīyos tā
bulāk.

SMITHSONIAN INSTITUTION LIBRARIES



3 9088 00558 3349